

NYIMBO ZA MULUNGU

ZOLEMBEDWA M'CHICHEWA

Improved Edition 1974

MAWU OYAMBA PAKUSINDIKIZA KOYAMBA

Nyimbo iyi ndiyo ntchito ya Kabungwe kamene kasankhika ndi msonkhano wa *Federated Missions of Nyasaland* umene unachitika chaka cha 1910.

M'buku muno nyimbo zimene zichokera mwambiri, makamaka m'mabuku osiyanasiyana a mamisyonu ogwira ntchito m'dziko muno.

M'menemo nyimbo zina zakale anazilongosolanso, ndiponso zatsopano zinaonjezedwamo kuti pakhale buku lotere. Nyimbo zambiri nzachizungu; zina pang'ono ndi za konkuno.

Kabungwe kafuna kuyamika onse, Akuda ndi Azungu omwe, amene anathandiza kusonkhanitsa nyimbozi.

Kabungwe kayamikanso amene analemba mabuku a maliu pakutilola kutenga maliu a nyimbo zawo.

January 1916.

MAWU OYAMBA PAKUSINDIKIZA KWACHIWIRI

Kalekale chaka cha 1934 *The Consultative Board of Federated Missions* anasankha kabungwe kuti kalongosolenso buku la Nyimbo la Chichewa. Kuyambira pachiyambi, kabungwe kanafunitsa kulonga m'malo mwa nyimbo zachizungu nyimbo zina za mu Afrika: za malingiro ake a eni dziko lino ndi zimene azitchula, ndi nyimbo zambiri zofanana ndi nyimbo zawozawo kumene sikutheka maliu a nyimbo zachizungu. Panali zambiri zochedwetsa, koma lingiliro la kabungwe silidatha. Koma zoona kuti nyimbo zina maliu ake aoneka ngati osayenera mumpingo wa m'dziko muno. Koma kuti buku lenileni la nyimbo za anthu a kuno lifunikadi.

Koma Mpingo sungathe kumalindira kuti nyimbo yake idzaoneke ndipo panatsimikizika kuti pakali pano tibasindikizanso nyimbo imene inasindikizidwa chaka cha 1916, ndi kumasinthira nyimbo zina monga

adziwira Kabungwe kukometsa nyimbozi. M'malo mwa nyimbo zina mwaikidwa maliu osiyana ndi nyimbo yoyambayo; maliu atsopano ndiwo ena amene anaimba kumipingo kwina, a m'buku lomweli. Anaonjezanso nyimbo zina pang'ono zosiyanasiyana. Tiyamika eni nyimbo ya "*Sumu za Ukhristu*" pakutilola kusanduliza nyimbo zina za Chitumbuka.

Kabungwe kalembanso chiyamiko chake kwa eni nyimbo amene anatilola kuchita ndi maliu a nyimbo zawo amene maina awo analembedwa m'nyimbo ya chaka cha 1916.

February, 1954.

MAWU OYAMBA PAKUSINDIKIZA KWACHITATU

M'chaka cha 1962, Bungwe la *The Fellowship of Christian Churches in Malawi* linaika kabungwe kuti kalongosolenso buku la *Nyimbo za Mulungu*. Kulongosolanso uku kunafunika chifukwa chakusakhutira pakati pa Akristu ambiri ndi buku la *Nyimbo za Mulungu* limene linasindikizidwa chaka cha 1954. Kunanenedwa momveka bwino kuti mawu ndi nyimbo zimene zinali kuimbidwa m'buku loyamba lija zinali kukondedwa koposa za buku latsopanol. Kabungweka kanabvomerezana pakuchita malongosoledwe atsopano, kutenga nyimbo zambiri zochokera mu buku loyamba lija, katayamba kuyang'anitsitsa mosamala bwino ndikulinganiza ndime ili yonse ndi nyimbo yake. Chotsatira chake ndicho kuti nyimbo zambiri zoyamba zija zidzaimbidwanso. Zambiri za izo zalongosoledwanso, ndipo mwina ndime zina zalembedwanso. Nyimbo zatsopano zaonjezedwamo, kotero kuti nyimbo zonse zakwanira 376. Poti nyimbo zochulukika zinatidzera mwa Chizungu, muno talembedwanso mawu oyamba a Chizungu chake cha nyimbozo. Maimbidwe (maliu) amene alipowa sanasinthidwe. M'tsogolomo kabungwe kena ka Odziwa za Maimbidwe (*Musical Committee*) kadasankhidwa kuti aone za dera limeneli.

Malongosoledwe amenewa a *Nyimbo za Mulungu* adzakhala omaliza. Ngati m'tsogolomo kudzapezeka kuti buku latsopano lilikufunika,

pamenepo buku latsopano kotheratu lidzalongosoledwa, makamaka buku la nyimbo ndi maimbidwe za m'dziko muno.

Kabungwe kafuna kuyamikira kwa onse amene anathandiza malongosoledwe a buku latsopanoli. Kuyamikanso President wa dziko la Malawi amene anapereka chilolezo kuti Nyimbo ya Malawi (*Malawi National Anthem*) ilowe m'buku muno.

Pemphero lathu ndilo kuti nyimbozi zidzaimbidwa kukometsera mapembedzedwe athu a m'Mipingo ya m'Malawi, pamene ife tonse pamodzi tikweza mawu athu kuimba nyimbo zoyenera zakutamanda Iye amene ife tonse tiyenera kumtamanda ndi kumulemekeza.

May, 1967.

ENI AKE BUKU ILI

Pa 18th May 1967, Bungwe la *The Fellowship of Christian Churches in Malawi* linapereka umwini wa buku ili la *Nyimbo za Mulungu* kwa bungwe la mabuku la *The Christian Council of Malawi* koma kuyambira 1968 bukuli lili m'manja mwa *Christian Literature Association in Malawi*. Bungwe la *The Fellowship of Christian Churches in Malawi* linatha ntchito yake nilinapasuka.

May, 1968.

MAWU OYAMBA POKONZA MAIMBIDWE (DODODO)

Pamene tinali pantchito yokonza maimbidwe (maliu), Kabungwe kanakonzanso Chichewa pena ndi pena, koma osasintha kwenikweni.

Tiyamika kuti panapezeka maimbidwe ambiri achikhalidwe chathu (achifirika). Mwa ichi pa nyimbo zina panaonjezedwa mang'ombe amene panalibe m'buku lakale. Pano tipangiranso kuti kutcharitchi mang'ombe aziimbidwa kamodzi kokha, koma m'midzi timaimba mang'ombe kawiri (mobwereza).

Ambiri anali kudandaula chifukwa cha nyimbo zina zokoma zimene zinaiwalika (zinachotsedwa) m'buku la 1967. Motero tinaziikanso pa chionjezero m'buku ili (Nyimbo 377-384).

Maliu a m'dziko muno si oluluka kapena oipa, kapena achikunja kapenanso oyenera kuimbidwa pamaliro pokha ndi pamisonkhano ya kumidzi kapena ya amayi okha, iyayi. Koma ndithudi ayeneranso kumaimbidwa m'misonkhano ya chipembedzo m'nyumba ya Mulungu, kuti anthu aimbe mwamoyo ndi mwachimwemwe, mochokera mumtima.

July, 1974.

MALONGOSOLEDWE A NYIMBO

MULUNGU

NYIMBO

Mmodzi mwa Atatu	1-5, 245
Mlengi	6-7
Mtetezi.....	8-17, 311
Mpulumutsi.....	18-23, 331

AMBUYATHU YESU KHRISTU

Kubadwa kwake.....	24-28, 325
Chitsanzo chake	29-31
Kufera kwake.....	32-39, 324, 330, 341
Kudzukanso kwake.....	40-42, 349
Ulemerero wake.....	43-44, 350
Kuthandiza kwake	45-50, 321, 361, 368
Kubweranso kwake.....	51-54, 333
Kumyamikira.....	55-63, 315, 319, 328, 336, 359, 362-363, 366, 372, 381

MZIMU WOYERA.....	64-72, 155, 198, 203, 322, 364
-------------------	--------------------------------

MAWU A MULUNGU	73-75
----------------------	-------

UTHENGA WABWINO	76-101, 337, 340, 356-358, 360, 366-367, 374
-----------------------	--

NJIRA YA CHIKHRISTU

Kutembenuka mtima.....	102-115, 314, 316, 318, 338, 347, 354, 369-370, 380
Kukonda ndi kuthokoza.....	116-127, 345, 355, 372, 382
Chimwemwe ndi mtendere	128-137, 346, 373, 379
Chikhulupiriro	138-149, 335, 384
Kuyera mtima	150-163, 322, 339
Kutumikira	164-171, 320, 326, 377
Nkhondo za mayesedwe.....	172-180, 348
Ulendo wakumwamba.....	181-188, 342, 365, 371
Za maliro	189-191, 332, 344
Ulemerero wakumwamba	192-194, 343
Pemphero.....	195-200, 317, 323, 327, 353

MPINGO WA MULUNGU.....	201-204, 313, 362, 383
------------------------	------------------------

Kupemphera kwa mamawa	205-206
Kupemphera kwa madzulo.....	207-215
Tsiku la Mulungu	216-218, 352
Nyumba ya Mulungu	219-220
Kuyamikira	221-223
Ubatizo.....	224-226, 337, 351, 373
Mgonero wa Ambuye	75, 98, 314, 227-235
Zopereka.....	126, 236-238
Zolalikira	239-247, 366, 374

Atumiki	248
POMANGA NYUMBA ZA MULUNGU	249-250
UKWATI	251-252
CHAKA CHATSOPANO	253-255
DZINJA NDI MASIKA	256-259, 312
ULENDO.....	260-261
NYIMBO ZA ANA	
Mulungu Mtetezi	262-263
Kubadwa kwa Khristu.....	264-269
Kufera kwa Khristu	270-271
Kuyamikira Khristu	272-281
Kukhulupirira Khristu	282-286
Kutsata Khristu.....	287-297
Za Kumwamba.....	298-303
Mamawa.....	304
Madzulo.....	305
NYIMBO ZOMALIZIRA	306-308, 329
ZOYAMIKIRA MULUNGU.....	309-310
NYIMBO ZINA	311-374
AMEN	334
BOMA NDI DZIKO.....	375-376
CHIONJEZERO.....	377-384
MAWU OYAMBA A NYIMBO.....	tsamba-116
MAWU OYAMBA A M'CHIZUNGU.....	tsamba-124

2

MULUNGU MMODZI MWA ATATU

1

1 Ndinu wakuyera!
E, wamphamvu zonse.
Nthawi ya m'mamawayi
Tiimba nyimboyi.
Mlengi wachifundo,
Tikuyamikani,
E! Mlungu Mmodzi
Mwa Atatuwo.

2 Ndinu wakuyera!
Anthu ochuluka
Akuimbirani,
Nakupempheranibe;
Akumwamba omwe,
Nagwadira Inu,
Wachikhalire
Ndi wosafa 'yi.

3 Ndinu wakuyera!
Ife akuchimwa
Zaulemerero zanu
Sitiona 'yi;
Mwayeradi nokha,
Wina saoneka
Wangwiro m'mphamvu
Ndi m'kuyesimo.

4 Ndinu wakuyera!
Zakumwamba zonse
Ndi zapansi zitamabe
Dzina lanulo
Mlengi wachifundo.
Mphambi, Ambuyathu,
E! Mlungu Mmodzi,
Mwa Atatuwo.

1 Inu Mulungu, tikuyamikani;
Tibvomereza ndinu Ambuyathu;
Ponse, Atate, akugwadirani,
Ndinu wamuyaya!

2 Nanu akukuzani amithenga,
Nanu zam'mwamba ndi
zamphamvu zake,
Nanu angelo a mitundu yonse
Akuimbirani!

3 "Mbuye Woyera! E, Woyera
nokha!
Mbuye Woyera! Mbuye wa
makamu!
Ponse ulemu wanu ndi wodzaza
Pansi ndi Kumwamba."

4 Nanu Atumwi akumveka aja,
Ndi Aneneri oyanjana omwe,
Ndi aunyinji anakuferani
Akuyamikani.

5 Mpingo woyera wa kwa anthu
onse
Ukumverani, Mfumu ndi Atate,
Mwana wona wa ulemu wonse,
Mzimu Nkhoswe yemwe.

6 Kristu Mfumuyo yaulemerero!
Mwana wosatha wa Atate ndinu!
Simunanyoza mimba ya
Namwali
Potipulumutsa.

7 Imfa mutagonjetsa ndi zowawa,
Njira munatsegula tikalowe
Momwe mukhala Inu ndi Atate
Mwaulemerero.

8 Kumva milandu yathu mudzabwera
Mutithandize, atumiki anu;
Mwatiwombola nawo mwazi wanu:
Mutipulumutse.

9 Mtiwerengere m'Mwamba ndi oyera;
Mutidalitse, ndife anthu anu;
Moyo wosatha mutipatse tonse,
Mutilamulire.

10 Tsiku ndi tsiku timalemekeza;
Nanu tikukuzani osaleka;
Mbuye, mtisunge tingachimwe lero:
Mtichitire nsisi.

11 Mbuye, chifundo chanu chitigwere
Monga tikhulupira Inu nokha;
Ndakhulupira zedi mwanu, Mbuye,
Ndisagome konse!

3

1 Atate wa Kumwambako,
Munawombola ife ndi
Chikondi chanu chijacho;
Tiyamikira Inutu.

2 Ambuye Yesu, Inutu
Munabadwira anthu 'fe;
Munatifera tonsefe;
Tiyamikira Inutu.

3 Mzimu Woyera, m'mtimamo
Tiyeretsedwe ndinutu;
Munatisunga bwinoli;
Tiyamikira Inutu.

4 Atate, Mwana, Mzimunso,
Ndinu Atatu Mmodzitu,

Ochimwa tikupemphani:
Mutikhululukire 'fe.

4

1 Lemekeza Mlungu 'Tate,
Lemekeza Mlungu Mwana,
Lemekeza Mlungu Mzimu,
Mlungu Mmodzi ndi wamkulu.
Lemekeza, lemekeza,
Mlungu wathu yemweyo.

2 Mlemekeze, anakonda
Natitsuka m'mtima mwathu;
Anatiombola ife
Tikakhale ndi chifumu.
Lemekeza, lemekeza,
Yesu Mbuye Nsembeyo.

3 Lemekeza Mfumu yathu,
Mfumu ya mipingo yonse,
Ipambana anthu onse
Akumwamba ndi apansi.
Lemekeza, lemekeza,
Mfumu ya mafumuyo.

5

1 Ndi Aleluya imbirani
'Tate wathu, wakumwamba,
Analenga zonse.
Chifundo chake chachikulu,
Nzeru, mphamvu ndi ufumu
Tiyamike tonse.

2 Ndi Aleluya imbirani
Yesu Khristu Mpulumutsi,
Anachoka kwawo,
Nakhala munthu, pansu pano,
Nasauka, natifera,

Natisiyira mawu.

3 Ndi Aleluya imbirani
Mzimu wake Wakuyera,
Amakhala nafe.
Atilangiza za Mulungu,
Nayeretsanso mitima
Ya akhristu ife.

4 Mulungu wathu tiyamika,
'Tate, Mwana, Mzimu yemwe
Aleluya Inu.
Woyera Inu ndi wamphamvu,
Muyenera anthu onse
Agwadire Inu.

MULUNGU MLENGI

6

1 Mitambo inu yakumwambako,
Yogunda mvula 'mlengalengamo
Mawu akulu muzinenadi:
Aleluya.

2 Paphiri paja papakulupo,
Pamwala ponse pakuwala mbuu!
Mubvomereze mawu omwewo:
Aleluya.

3 Mphepo yay'kulu yakuombayo,
Chisanu chija chozizirachi,
Ndi kabvumbulu muzinenadi:
Aleluya.

4 Mitengo yaitalitali 'nu
Yachiimire mumaimabe,
Mubvomereze ndi kunenabe:
Aleluya.

5 Zam'madzi zonse zakuopsyazo,
Nyanja, matiti ndi mitsinjeyo,
Chigumula chakulindimacho.
Aleluya.

6 Zamoyo zili m'thengo zonsezo,
Zodzuma, zina zobangulazo,
Zinene ndi kulira konseko:
Aleluya.

7 Inu mumvere anyamatawo,
Okondwerera kusewerako,
Mumtima mubvomere monsemo:
Aleluya.

8 Ndi anamwali obvekedwa mbuu!
Ndi ana osakula msinkhu 'nu,
Ana a Mlungu mubvomereku:
Aleluya.

9 Akulu nonse ndi mafumu 'nu,
Magulu nonse apadzikopa,
Mulemekeze Mbuye yemweyo:
Aleluya.

10 Ndi amithenga akumwambako,
Ndi anthu ndi zamoyo zonsezo,
Bvomerezani mawu omwewo:
Aleluya.

7

1 Tamani Ambuye,
Wamphamvu ndi Iye,
Akhala m'ulemu
Kumwamba komweko;
Chikopa cholimba
Ndi kothawiranso
Kwa anthu akewo,
Kotero ndi Mlungu.

- 2 Uzani zamphamvu,
Imbani chisomo,
Za Mwini ulemu,
Ambuye wathuyo;
Powomba chimphepo
Mvulanso ndi bingu
Padziko, pathambo,
Akhalaponsepo.
- 3 Zozizwa za m'dziko,
Za m'mwamba zonsezi.
Mulungu wamphamvu,
Munalenga zonse;
Muyendetsa mwezi
Nyenyezi ndi dzuwa;
Zolengedwa zonse
Zimvera Ambuye.
- 4 Sititha ifedi
Kukamba zokoma
Za Inu Mulungu
Wolera anthuwa;
Zifika ndi mphepo
Ndi mvula ndi dzuwa,
Zigweraponsepo
Pa anthu onsewo.
- 5 Wamphamvu yosatha,
Chikondi changwiro,
Angelo akonda
Kutama Mulungu;
Ndiponso ifetu
Ananu tonsefe
Tiimba nyimboyi
Yotama Ambuye.

MULUNGU MTETEZI

8

- 1 Tsopano linoli
Tiimbe nyimbo zathu;
Tiimbe nyimbozi,
Titame Mlungu wathu;
Masiku onsewo
Anatisungadi,
Anatipatsanso
Zabwino zonsezi.
- 2 Mulungu yemweyo
Akhale m'fupi mwathu;
Mtendere wakewo
Ukhale m'mtima mwathu;
Timtsate Iyedi
Ndi nsoni zakezo,
Panjira yakeyi
Masiku onsewo
- 3 Tilemekezetu
Atate Wakumwamba,
Ndi Yesu Mbuyathu,
Ndi Mzimu Wakuyera;
Mulungu Mmodziyu
Wanthawi zonsezo,
Timlemekezetu
Masiku onsewo.

9

- 1 Ndi mitima yokondwera
Mbuye wathu tiyamika.

*E, chifundo chake chonse
Ndichosatha nthawi zonse.*

- 2 Dzina lake tibukitsa,

Mlungu ndiye yekhayekha.

3 Mphamvu yake inalenga
Dziko lonse ndikumwamba.

4 Anatsogolera kale
M'chipululu anthu ake.

5 Ndi chifundo atipenya
Ife anthu osauka.

6 Amaweta nyama zonse,
Zingasowe kanthu konse.

7 Tiimbire Mlungu wathu
Waulemu ndi wamkulu

8 Tithawire kwa Mulungu,
Ndiko tikapeze moyo.

10

1 Nditamatu Ambuyangayu,
Moyo wanga wonse ndidzamtamatu,
Ndiponso m'dziko lakumwambako;
Masiku anga onse ndidzamlemekeza
Iye;
Sindidzaleka konsekonse m'mene
ndili m'moyotu,
Padziko pano pena m'Mwambamo.

2 Ndiye wokondwa, E, munthuyo
Wokhulupirira Mlungu yekhadi,
Wolenga dziko, nyanja, zonsezi;
Choona chake chonse
chingokhalatu chosatha;
Apulumutsa onse namadyetsa anthu
akewo,
Wokonda ndiye Mbuye wathuyo.

3 Mlungu kuona athiratu
Inde m'maso awo osapenyawo.
Natuma akumvera mpumulo;
Amathandiza inde aulendo ofokatu,
Akazi amasiye maka ndi anawo
onsewo,
Olira atonthoza mtimadi.

4 Nditamatu Ambuyangayu,
Moyo wanga wonse ndidzamtamatu
Ndiponso m'dziko lakumwamba;
Masiku anga onse ndidzamlemekeza
Iye;
Sindidzaleka konsekonse m'mene
ndili m'moyotu,
Padziko pano pena
m'Mwambamo.

11

1 Paphiri ndi padambo
Ponsepo pali Mlungu,
Poyenda ife m'njira
Poima pali Mlungu;

Kokwera maganizo,
Komweko kuli Mlungu,
Kumwamba ndi pansipo
Ponsepo pali Mlungu.

(Mulungu ali nane!)
(Ali nane, ali nane, ali nane,
ali nane, Aa!
Mulungu ali nane!)

2 Ndi maso Ambuyathu
Apenyetsetsa ife;
Amadalitsa onse

Okhulupirira Iye;

Amamva timbalame,
Namveka dziko lonse;
Sataya tizilombo,
Asunga zina zonse.

3 Okwawa pansi inu,
Oyenda m'madzi inu,
Oyesa dziko nkwanu,
Am'mlengalenga inu,

Nonsenu ntchito zake
Muona tsiku n'tsiku,
Saleka kusamala
Ndi kudalitsa inu.

4 Nditama mphamvu yake
Ya Mlungu yondizinga;
N'kafoka an'limbitsa,
N'kadwala andichiza.

Pakundisiya bwenzi
Mulungu ali paja;
N'kalowa imfa ine
Alipo Mlungu wanga.

12

1 Mtima wanga uyamike
Mfumu Yakumwambako;
Anandiwombola ine
Nanditsuka m'mtimamo.

*Ife tonse, ife tonse,
Tiyamike Mlunguyo.*

2 Tiyamike Mlungu wathu
Kaamba ka chifundocho;

Nthawi zonse sasanduka
Mlungu wathu yemweyo.

3 Nthawi zonse monga 'Tate
Atisamaliratu,
Atisunga m'manja mwake,
Atipulumutsatu.

4 Anthu a mitundu yonse,
Ndipo a Kumwambako,
Yamikani Mlungu wathu,
Ndiye wakukomatu.

*Anthu onse, anthu onse,
Yamikani Mlunguyo.*

13

1 Yehova ndiye Mbusa wanga,
sin'ngasowe konse;
Andigonetsa pali busa
la misipu yonse.

*(Ndiye M'busa wanga,
Ndiye M'busa wanga!
Yehova ndiye Mbusa wanga,
Sin'ngasowe konse.)*

2 Kumadzi kuli njiratu
andiyendetsa bwino,
Nalimbikitsa moyo wanga
ndi chifundo chino.

3 Pabande lolunjika
Andilondolera njira;
Chifukwacho cha dzina lake
Anandisungira.

4 Chigwa choopsacho cha imfa
ndikachilowera,

Ndilibe mantha, muli ndine,
ndodo ndiigwira.

Mlungu wathu yamikani!

15

1 Mulungu ndiye Mbusa wanga,
sindisowa konse;
Amandiweta nandidyetsa;
nandipatsa zonse.

*(Ndiye M'busa wanga,
Ndiye M'busa wanga!
Mulungu ndiye M'busa wanga,
Sindisowa konse.)*

14

1 Mtima wanga lemekeza
Mlungu wako ndi chimwemwe.
Nthawi zonse ndimtamanda;
Ndimwimbira nyimbo zanga.
Moyo, mphamvu, nzeru zonse,
Zidzamlemekeza konse.

2 M'mitsinje yamtendere mtima
wanga aumwetsa;
Mapazi omwe m'njira
yolungama nandiyendetsa

3 Za m'mdima, imfa, nkondo ndi
zoipa sindiopa;
Ndikakhumudwa ndikutopa,
Andipulumutsa.

4 Podwala ine pobvutidwa
Andisamalira;
Pondisautsa adani anga
nandithangatira.

5 Chisomo ndi zokoma zake
sizileka konse;
Ndi m'nyumba ya Mulungu
ndidzakhala nsiku zonse.

16

1 Zobvuta zoopsa ndi zosaukazi
Sitingathe ife kuzithawa tokha.
Koma Ambuyathu timtamande Iye,
Uthenga Wabwino timveretu tokha.

2 Ndi wamwayi munthu uja
Amthandiza Mbuye wake.
Akachita mantha iye
Amchotsera nkhwawa yake,
Ndipo likamgwera tsoka
Amakhulupira kokha.

3 Mbuye ndiye wachifundo,
Achiritsa akudwala;
Anyamula akufoka
Nawadyetsatu anjala.
Wakusunga mlendo ndiye,
Nathandiza amasiye.

4 Ndiye Mbuye wa ambuye;
Mphamvu yake ndi yokwana,
Adzakhala chikhalire,
Mfumu yathu yopambana,
Aleluya! Kondwerani!

2 Amadyetsa Iye mbalame
 zam'mwamba,
 Timtamande ndithu potisunga ife;
 Timvere malembo a m'kalata mwake,
 Ambuye yemweyo atisungirabe.

3 Abramam kalelo anamvera bwino;
 Timverenso ngatitu yemwe wakale.
 Pokhala alendo atsogoza iwo,
 Timkhulupirire Ambuye tonsefe.

4 Timtamande Iye ndi moyo wathunso
 Pakutsatatsata malembedwe awo.
 Tipezemo malo okwanira ife
 Ambuye wathuyo atipatsa kwawo.

17

1 Pokondwa ndi poona bvuto
 Ndi tsoka pena mwayi,
 Ndikumbukira, ndiimbira
 Mulungu wangayo.

2 Kwezani nane Ambuyathu,
 Timlemekeze yekha;
 Popsinja mtima ndinamtchula,
 Nandithangata 'ne.

3 Angelo amazinga nyumba
 Za anthu olungama;
 Mulungu ateteza omwe
 Amkhulupirira.

4 Lawani chikondano chake;
 Mudzadziwitsa msanga
 Kudala kwawo kwa anake
 Omkonda Mbuyeyo.

5 Opani Iye, nimuleke

Kuopa kanthu kena;
 Mumtumikire mokondwera,
 Akusungani 'nu.

6 Mulungu wathu Mmodzi yekha
 Atate, Mwana, Mzimu,
 Akhale ndi ulemmerero
 Wachikhalirowo!

MULUNGU MPULUMUTSI

18

1 Kuzani Mlungu m'Mwambamo,
 Mtamande m'kuyanso;
 Nzozizwa nkhanu zakezo.
 Njolimba ntchito njo!

2 Pochimwa anthu onsewo
 Nja Mlungu nzeruyi;
 Adamu wachiwiriyo
 Wathetsa tchimoli.

3 Thupi lamwazi wathu'li
 Lochimwa kalelo,
 Labweranso ku nkondoyi,
 Laposa monsemo.

4 Choposa nalo thupilo,
 Chikhale momwemu,
 Chiyeretsetsa m'katimo,
 Ndi Mulungu Iyeyu.

5 Anatikondakonda 'Ye,
 Ndi Mlungu Iyeyo,
 Anatifera anthu 'fe,
 Ndi Munthu Iyenso.

6 Ndi m'munda muja chete, phee!
 Pamtanda pati njo!

Anaphunzitsa 'bale 'fe
Titero ifenso.

- 7 Kuzani Mlungu m'Mwambamo,
Mtamande m'kuyanso;
Nzozizwa nkhani zakezo,
Njolimba ntchito njo!

19

- 1 Kalelo anthu onse
Nachimwa kwa Mulungu,
Mulungu anaona,
Naona tchimo lawo,
Nafuna kwaononga
Nafuna kwaononga

- 2 Mulungu anatuma,
Natuma Nowa uja,
Wamanga chombo chake,
Ndi chachitalitali,
Nowayo nayendamo,
Nowayo nayendamo.

- 3 Mulungu anatuma,
Natuma mvula ija,
Yadzaza dziko lonse,
Anafa anthu onse,
Anafa m'mvula muja
Anafa m'mvula muja.

- 4 Nowayo anatuma,
Natuma chikwangwala,
Chatsika pansi pansi,
Chosabwerera konse,
Chithawa m'talitali
Chithawa m'talitali.

- 5 Kutuma wabwereza,
Natuma nkunda ija,

Yatsika pamadzipo,
Yathyolatu mayani,
Yampatsa Nowa yemwe,
Yampatsa Nowa yemwe.

- 6 Kalelo Mbuye Yesu
Nafera anthu onse,
Ndiyeyo chombo chathu,
Tikabisala mommo,
Tipulumuka mommo,
Tipulumuka mommo.

20

- 1 Mulungu awakonda anthu
Ali pansi pano;
Afuna kuwapulumutsa
Kumilandu yawo

A! chikondi chachikulu
Mulungu ali nacho,
Chinan'tengera Mpulumutsi,
Andifere pano.

- 2 Ndikhulupira mwa Ambuye
Mlungu namukitsa,
Imfayo indipulumutsa,
Mwazi undiyeretsa.

- 3 Chikondi chake chindidzera
M'mtima mwanga muno,
Chipulumutsa nditalema
Ndi machimo anga.

- 4 Mukondwe anthu a Mulungu,
Tere mulandira.
Chimwemwe chija chakumwamba
Chidzalowa m'mtima.

- 5 Mulungu atipatsa mphamvu
Yoletsetsa tchimo;

Pofika tsikulo la imfa.
Tidzakhala bwino.

Andithandiza, nandipulumutsa.

21

1 Tiimbe nyimbo zotamanda
Mulungu wathu wabwino,
Pakuti akondana nawo
Anthu okhala padziko;
Tero natuma Mwana wake,
Wakukonedwa kalelo,
Kutiphunzitsa ife tonse
Za chikondano chakecho.

2 Mulungu ndiye wachifundo,
Nadzalandira onsewa
Akuulula mphulupulu
Ndi kukondana ndi Yesu,
Tilondelonde njira yake,
Yopapatiza yaing'ono;
Adzatilondolera ndiye
Kutifikitsa m'Mwambamo.

3 Pakuwoloka mtsinje wa imfa
Dzanja Mbuyathu agwira;
Tikadagwira ntchito zake
Atipatsatu korona;

Komwe kulibe masauko,
Pena misozi maliro;
Mulungu tidzamtamandira,
Inde kosalekezano.

22

1 Ndikonda Mlungu pomva Mbuye
wanga
Amva pemphero ndi kulira kwanga,
Namatchereza khutu nditapfuula,

2 Mulungu wanga ndiye wachifundo
Ndiwolungama mtima ndi wabwino;
Apulumutsa anthu akufoka,
Akathandiza nkhwana imachoka.

3 Mtimanga, bwera kuti upumule,
Wakuchitiranso zokoma Mbuye,
Wakuchotsera imfa ndi misozi,
Ndingakhumudwe asungira phazi.

4 Nditani ine kubwezera Mbuye
Zokoma zonse anandichitira?
Chipulumutso chake ndidzatama,
Ndinalumbira zija ndidzapatsa.

5 Imfa ya anthu ake imkomera,
Awalandira m'nyumba zokonzeka,
Mbuye, kapolo wanu ndipereka
Nsembeyi yonga yanu, ndine
ndekha.

23

1 Titame Mlungu Wakumwamba,
Timwimbire nyimbo,
Kukoma kwake kwatipatsa
Zonse tili nazo.

*(Timwimbire nyimbo,
Timwimbire nyimbo!
Kukoma kwake kwatipatsa
Zonse tili nazo.)*

2 Poyamba paja analenga
Zonse m'dziko muno,
Tsopano lomwe azisunga
Zonse zili moyo.

3 Tinasokera ngati nkhusa,
Moyo tinataya,
Tinakondwera ndi zoipa
Zonse tinatsata.

4 Komweko titasaukira,
Titafuna kufa,
Atate anatilondola
Naitana ife.

5 Tiyeni tizipita kwathu,
Tisasokerenso,
Tilape m'mtima kuti tikakhale ndi
Mulungu.

AMBUYATHU YESU KRISTU- KUBADWA KWAKE

24

1 Oonadi mtima,
'Dzani mokondwera,
Tiyeni, tiyeni ku Betelehemu;
Modyera ng'ombe
Muli Mfumu yathu.

*Tiyeni timgwadire
Kristuyo.*

2 Mulungu wamkulu
Wakuyerayera
Kubadwa mwa mkazi sanakana 'yi;
Mwana wa 'Tate,
Sanalengedwadi.

3 Angelo kwezani
Nyimbo zanu zonse,
M'mwambamo mumveke zoyamikazo;
Lemekezani
Mlungu Wakumwamba.

4 M'dzikomo Ambuye
Mnabadwira ife,
Ulemu wosatha muyeneradi,
Mawu a 'Tate
Munalowa m'thupi.

25

1 Ndilikulemekeza
Ambuye Mpulumutsi wanga;
Moyo ndi mtima wanga
ndilikukondwa mwa Mulungu.

2 Ndiye anayang'ana
umphawi wa mdzakazi wake;
Onse adzandiyesa
ine wodala nsiku zonse.

3 Ndiye wamphamvu zonse
andichitira zazikulu;
Dzina la Ambuyanga
lili loyera kopambana.

4 Ndiye amachitira
chifundo anthu a mibadwo,
E! a mibadwo yonse
yakumuopa ndi kumvera.

5 Iye amazichita
zamphamvu nawo mkono wake;
Iye nabalalitsa
omwe anyada nadzitama.

6 Iye natsitsa kungsi
mafumu ku mipando yawo,
Iye nakweza konko
omwe afatsa nasauka.

7 Iye amakhutitsa

12 AMBUYATHU YESU KRISTU- KUBADWA KWAKE

anjala ndi zabwino zake,
Ndi olemera onse
nawaingitsa opanda kanthu.

8 Monga anapangana
ponena kwa makolo athu,
Ali kithandizadi
lero anake a Yakobo.

9 Poti akumbukira
atate wathu Abrahamu;
Inde chifundo chokha
akuchitira ana ake.

26

1 Amithenga a Mulungu
Anaimba nyimbo yomwe,
Posonkhana m'mlengalenga,
Natitu usiku womwe;
“Onse azilemekeza
Mlungu Wakumwambamwamba;
Akhalebe ndi mtendere
Anthu ali ponseponse”
*Amithenga anaimba
Ndi usiku m'mlengalenga.*

2 Anamva abusa omwe
Anaweta nkhosa zawo,
Mthenga nati: "Musaope;
Mumve ndikufotokoza:
Wabadwa usiku uno
Yesu Kristu Ambuyathu
Ndiye Mpulumutsi wathu;
Anabadwa m'Betlehemu”
*Amithenga anaimba
Ndi usiku m'mlengalenga.*

3 Yesu ndinu Mbuye wathu,
Munasiya za Kumwamba!

Munakhala mwana kuno;
Mnatifera mwaufulu.
Inu nonse amithenga,
Inu mumtamande Iye;
Anthu onse ali pansi
Adze akondane naye.
*Zoonazi amithenga
Anaimba m'mlengalenga.*

27

1 Mbuye ngwodalitsika,
Mulungu wa Israyeli ndiye,
Poti anayang'ana
Nawawombola anthu ake,

2 Napulumutsa tonse
mwapfuko la Davide mwana wake;
Monga analankhula
mwa aneneri ake, kuti

3 Adzatipulumutsa
kudzanja la onse akutida,
Ndipo adzachitira
akulu chifundo ndi chisoni.

4 Ndiye akumbukira
pangano loyera lake lija,
Ndi chilumbiro chake
cha kwa atate Abrahamu.

5 Choti timtumikire
osawaopa 'dani athu,
Ndi kuyeranso mtima
mwa chilungamo nsiku zonse.

6 Mwana, adzakuyesa
mnneneritu wa Wamkulukulu;
Ndiwe udzakonzera
njira ya Mbuye Wakumwamba.

7 Udzadziwitsa anthu
za Mpulumutsi wawo yemwe
Awakhululukira
nafafaniza tchimo lawo.

8 Poti Mulungu wathu
ali ndi mtima wachifundo,
Ndiye kumwamba komwe
ationetsa mbandakucha.

9 Powalitsira omwe
ali mumdima ndi muimfa
Ndi potilunjikitsa
tonse munjira yamtendere.

28

1 Ambuye tsopano lino,
monga mwa mawu anu aja,
Lolani kapolo wanu
ndikachokere mumtendere;

2 Chifukwa chipulumutso
chanu mwandionetsa zedi,
Chimene munachikonza
akachione anthu onse.

3 Ndi nyali yakuwalitsa
omwe sadziwa mawu anu;
Ndiwo ulemerero
wa Israyeli mpingo wanu.

**AMBUYATHU YESU KRISTU-
CHITSANZO CHAKE****29**

1 M'kati mwa zobvuta zathu
Yesu aitana ife,
Tsiku lonse amanena:

"Tsata Ine mkristu iwe."

2 Kale ophunzira ake
Namvanso kunyanja kwawo,
Zinthu zonse anasiya
Kukatsata Mbuye wawo.

3 Yesu aitana ife:
Tikakonda chuma chokha,
Ati yesu: "Mwana wanga,
undikondetu koposa."

4 Mwachimwemwe, mwachisoni,
Pogwiritsa ntchito zonse,
Aitana Mpulumutsi
Kuti tizimkonda tonse.

5 Yesu aitana ife;
Mbuye, mutimvetse ndithu,
Tipereke mtima wathu,
Tikondane lero ndithu.

30

1 Ife timakufunani
Inu wotonthoza mtima.
Yesu nyimbo zathu zonse
Ziyamika Inu nokha.
Munasiya zonse m'Mwamba,
Kudzakhala pansu pano
Kuwombola akapolo,
Kumasula anthu anu.

2 Yesu, ndi chifundo chanu
Chachikulu munadzera
Ife anthu osauka,
Tsoka lathu mnachotsera.
Mwazi ndi misozi yanu
Munakhetsa m'munda muja,
Kukonzera ife njira

14 AMBUYATHU YESU KRISTU- CHITSANZO CHAKE

Yonkako Kumwamba kuja.

3 Yesu munalaswa m'mtima,
Ndi zonyoza munafoka,
Mnasenzera anthu mkwiyo
Wa Atate, Inu nokha.
Chikho chija ndi choopsa
Munamwacho m'phiri lija
M'mene munalola mtanda,
E! chifundo chanu chija.

4 Yesu ndinu moyo wathu,
Chuma chathu choposetsa.
E! tikondwerera mtanda,
Apo moyo munapatsa.
Mbuye tikondana nanu,
Yesu Mbuye Mwini zonse;
Ndi mitima ndi milomo,
Tikuyamikani tonse.

31

1 "Senzani mtanda wanuwo."
Atero Yesu Mbuyathu;
"Mukanditsata Inetu,
Mudzikanize nokhanu."

2 "Sezani mtanda wanuwo."
Musaopsedwe nawotu;
Mphamvu za Yesu nzanunso;
Limbani mtima wanuwo.

3 Senzani mtanda wanuwo."
Bwanji manyazi mumva 'nu?
Yesu anapiriratu,
Kuti mupulumuketu.

4 "Senzani mtanda wanuwo."
Nawo muyende chetetu,

Mutsogoledwe nawonso
Kwanu Kumwamba komweko.

5 "Senzani mtanda wanuwo."
Tsatani Yesu m'njiramu;
Iye wakusalemayo
Ndiye alandiridwadi.

AMBUYATHU YESU KRISTU- KUFERA KWAKE

32

1 Munthu Wazisoniyo
Timtcha dzina lakelo,
Mpulumutsi linanso;
Aleluya, ndiye Yesu.

2 Anapeputsidwako,
Nandifera m'mtandamo,
Anandiwombolayo;
Aleluya, ndiye Yesu.

3 Ife tinachimwadi,
Iye sanachimwa 'yi,
Anachotsa tchimoli,
Aleluya, ndiye Yesu.

4 Anapachikidwatu,
Natha ntchito yake myu!
Anakwera m'Mwamba duu!
Aleluya, ndiye Yesu.

5 Adzabwera Iyenso
Kudzatenga akewo;
Nyimbo tidzaimbanso,
Aleluya, ndiye Yesu.

33

- 1 Unakhetsedwa mwazi do!
Wa Yesu Mfumuyo,
Poweramira mutuwo
Pamtanda pakepo.

*Ambuye mthandize inetu
Kukonda Inudi,
Ndi kuli mpando wanuwo
Ndifuna kudzako.*

- 2 Zochimwa zanga zonsezo
Anaziferadi,
Chikondi chake chonsecho
Sindingadziwe 'yi.

- 3 Linadetsedwa dzuwa bii!
Pakufa Iyeyo,
Pakumwalira indedi
Wakundilengayo.

- 4 Pokumbukira mtandawo
Wa Mpulumutsiyu,
Ndiphimba nkhope yangayi,
Ndi nsoni n'chitatu.

- 5 Zofuna zanga zonsezo
Za mtima wangawu
Ndizipereka kwa Inu,
Mundiweruzetu.

34

- 1 Ku Mzinda wakuyerawo
Wapachikidwa Mbuyeyo,
Nasautsidwa Mbuyeyo,
Akatipulumutse 'fe.

- 2 Padzanja lachifundolo
Linapenyetsa 'khunguwo,

Lachiza nalo nthendazo,
Papyola msomaliwo.

- 3 Mapazi ake namvatu
Zowawa zopambanazo,
Napachikidwa kaamba ka
Zoipa zathu zonsezi.

- 4 Ambuye tikondweratu
Kupulumutsa kwanuko;
Satana tisammvere 'yi,
Komabe Mpulumutsiyu.

35

- 1 Tiyeni, dzalireni nane,
Tidze ku mtanda wa Ambuye,
Tonse tichitetu maliro;
Wapachikidwa Ambuyathu.

- 2 Kodi misozi itisowa,
Poona anthu amanyoza?
Onani umo apirira;
Wapachikidwa Ambuyathu.

- 3 Anena mawu m'mtanda momwe,
Mawu ochepa achifundo,
Apempherera 'dani ake;
Wapachikidwa Ambuyathu.

- 4 Mtima wangawe, uyenera
Kuduka ndi manyazi lero,
Zamlasa ndi zoipa zako;
Wapachikidwa Ambuyathu.

- 5 Ona chikondi cha Mulungu,
Ona zoipazo za anthu,
Koma chakula ndi chikondi;
Wapachikidwa Ambuyathu.

36

- 1 Pamtandapo Ambuyeyo
anafera ifetu,
Nakhetsa mwazi wakewo
Kutiwombola tonsefe.

*Pamtandapo, pamtandapo
Ambuye wanga 'nafatu;
Pamtandapo, pamtandapo
Anandiwombolerapo.*

- 2 Kwa munthu wasokerayo
Kudziko lakutaliko,
Atero Yesu: "Bweratu
Ukhale nawo moyowo."
- 3 E! Yesu Mbuye wangadi,
Ndipatsa Inu mtimawu;
Ndithandizeni inedi
Ndisalekane nanu 'yi.
- 4 Zochimwa zanga zonsezo
Wandichotsera mwaziwo;
Mumtima mwanga muli mbee!
Mwayeretsedwa indetu.

37

- 1 Zathedwa zonsetu
Za moyo wakewo,
Ambuye anatsikayo
Nafika pansipa.
- 2 Zintchito zakezi
Zofunika 'Tatewo
Anatsiriza zonsedi,
Sanazisiya 'yi.

- 3 Pa Iye padzapo

Chisoni m'mtimamo,
Mpweteko wonse wathuwo
Wa dziko lonseli.

- 4 Pamutu minga kwe!
Pamoyo wakewo
Zoipa zathu zonsezo
Zinaikidwapo.
- 5 Andiferatu 'Ye,
Afera inedi;
Athetsa nsembe zonsezi
Ambuye Nsembeyi.
- 6 Pakugomedwapo
Pa mlandu wangawo,
Ndidzaitana Mbuyeyo
Andilanditsepo.

38

- 1 A! Mutu wakuyera,
Wolaswa wachisoni,
Abveka Inu anthu
Ndi minga ya udani;
Ambuye mwafokatu
Ndi masauko aja,
Mwatuwa m'maso mwanu,
Mumayerera kale.
- 2 Ambuye Mwini moyo,
Kokoma mnafulumako;
Ndizizwa pomva mawu
Umo mwachitiramo.
Chisoni chija chanu
Mcha pamachimo anga,
Mwasaukira Inu
Kupalamula kwanga.

- 3 Nditani Bwenzi langa

Kulemekeza Inu
Chifukwa cha chifundo
Ndi imfa ija yanu?
Mundikhalitse wanu,
Wokhulupira Inu;
Musandilole konse
Kufulatira Inu.

4 Pakufa ine Mbuye
Mukhaletu pafupi,
Mundithandize ine,
E, mudzandimasula;
Ndipenyetsetsa Yesu,
Ambuye Mfumu yanga,
Ndikafa ndine wanu,
Ndikhale nanu m'Mwamba.

39

1 Pokumbukira mtandawo
Ambuye 'nandiferapo,
Ndiyesa zingochepazo
Ndinazitama kalelo.

2 Mndiletse, ndisateme 'yi
Zachabe, koma imfayo;
Zijazo ndinakondazo
Ndazilekera mwaziwo.

3 Onani m'mutu, m'manjanso
Mudzera nsoni m'mwazimo.
A! panalibe kalelo
Wondibvalira mingayo.

4 Chinkana dziko lonselo
Lichepa ndithu mtulowo,
Chikondicho chagwirabe
Mtimanga, moyo, ndense 'ne.

AMBUYATHU YESU KRISTU- KUDZUKANSO KWAKE

40

1 Lero Kristu anauka, Aleluya,
Ndilo tsiku lokondwera, Aleluya,
Iye kale anafera, Aleluya
Nawombola otaika. Aleluya.

2 Timwimbire zomtamanda, Aleluya
Ndiye Kristu wa Kumwamba, Aleluya
'Natsikirako kumanda Aleluya
Nalanditsa akuipa, Aleluya.

3 Koma masauko ake Aleluya
Anatiwombola ife, Aleluya
Ndiye Mfumu ya mafumu, Aleluya
Mwana ndithu wa Mulungu, Aleluya

4 Timwimbire Mlungu wathu, Aleluya
Kuti atikonda ndithu; Aleluya
Mtamenso angelo inu, Aleluya
Ndiye 'Tate, Mwana, Mzimu. Aleluya.

41

1 Nla Mlungu dzuwali;
Pa m'banda kuchapo
Angelo 'nadzatu
Nachotsa mwalawo.

*Ndi mtima wonse mwimbedi
Wauka Mbuye leroli.*

2 Alonda onsewo
'Nagwidwa manthadi
Poona zo'psyazo
Zoonekerazi.

3 Mulibe m'mandamu,

18 AMBUYATHU YESU KRISTU- KUDZUKANSO KWAKE

Wadzuka Mbuyetu;
Woposa imfayo
Ndi Mwini moyowu.

Tsono ndi mtima wonse tiimba;
Aleluya!

4 Dzukani nayetu,
Oyera inunso,
Lekani m'mandamo
Zakufa zanzu.

5 Titama Yesuyo,
Ambuye m'Mwambamo
Wofera anthu 'Ye,
Timkondakondako.

42

1 Aleluya, Aleluya, Aleluya!
Nkhondoyo yatha, imfa yagonja,
Yesu wamoyo anaiposa,
Msampha woipa wonse nawonja,
Aleluya!

2 Mphamvu za imfa ndi za Satana
Naye Ambuye zinalimbana,
Komatu Yesu anapambana.
Aleluya!

3 Atha masiku aja ansoni,
Mbuye wauka, ali ndi mboni;
Lero chimwemwe chatha chisoni,
Aleluya!

4 Nsinga za imfa Iye 'nadula,
Khomo la m'Mwamba nalitsegula;
Yesu timtama tonse tipfuula,
Aleluya!

5 Mbuye mabala anu olimba
Atichotsera mantha a imfa;

AMBUYATHU YESU KRISTU- ULEMERERO WAKE

43

1 Kondwerani dzuwa lino Aleluya,
Yesu wanka m'Mwamba momwe;
Aleluya,
Wachokera mdzik'o lino, Aleluya.
Wabwerera kwawo komwe. Aleluya.

2 Zomkweza zili m'Mwamba, Aleluya,
Zodikira Mbuye wathu; Aleluya,
Mlowetseni n'kumlambira, Aleluya,
Mfumu yathu yaulemu. Aleluya.

3 Yesu nkana saoneka, Aleluya,
Atipempherera komwe; Aleluya,
M'nyumba yake yokonzeka Aleluya,
Atilinda ife tomwe, Aleluya.

4 Tiyamike Dzina lake, Aleluya,
Mfumu ya ulemu wonse, Aleluya,
Tibukitse mbiri yake Aleluya,
Pansipa padziko lonse. Aleluya.

44

1 Lambira Mfumuyo,
Ndi Yesu Mbuyathu,
Tamvani nyimbo za 'mithenga a
Kumwambako;
Nafenso pansipa
Timyamike 'Yo,
Ndi Mpulumutsi wathu wotifera
kalelo.

2 Lambira Yesuyo

Wokonda tonsefe;
Mabala ake achikondi aonekabe;
Tisaiwale 'yi
Zowawa zakezo,
Tileke kumchimwira, kumsautsa
Yesuyo.

Akhumbira mtima wako
Akondadi!
Mwazi wake ngwowombola,
M'chipululu wakufuna,
M'khola mwake akusunga,
Akondadi!

3 Lambira Yesuyo,
Uthenga wakewu
Uyanjanitsa anthu onse m'dziko
munomu;
Amaiwala za
Kudana kwawoko,
Nayamikira Mfumu yamtendere
monsemo.

3 Ukafuna kumdziwitsa,
Akondadi!
Uzimpatsa moyo wako,
Akondadi!
Kodi umachita mantha?
Pena umadera nkhawa?
Yesu amasangalatsa
Akondadi!

4 Lambira Mfumuyo
Wolenga zonsezi:
Nyenyezi, dziko, dzuwa, mwezi ndi
mitamboyi;
Tikweze dzinalo
La Mbuye Yesuyo,
Timyamikire pansu pano ndi
Kumwambako.

4 Bwenzi ndiye wakufera,
Akondadi!
Nthawi zonse sakusiya,
Akondadi!
Anthu ena akunyenga,
Yesu sadzanyenga iwe,
Zakubvuta adzachotsa,
Akondadi!

AMBUYATHU YESU KRISTU- KUTHANDIZA KWAKE

45

1 Yesu wakukoma mtima,
Akondadi!
Wakuposa m'bale ndiye,
Akondadi!
Wina asautsa iwe,
Pena adzasiya iwe,
Yesu sadzanyenga iwe,
Akondadi!

2 Kumdzwitsa ndiko moyo,
Akondadi!

5 Akhululukira iwe,
Akondadi!
Nadzainga mdani wako,
Akondadi!
Adzakudalitsa iwe,
Nadzaletsa tsoka lonse,
Nadzakutsogoza kwawo,
Akondadi!

46

1 Msandipitire, Yesu,
Mundimvere ine;
Mulikudalitsa ena,
Msandipitirire.

20 AMBUYATHU YESU KRISTU- KUTHANDIZA KWAKE

*Yesu Mbuye,
Khutu munditchere
M'mene muitana ena
Msandipitirire.*

2 Ndigwadira Inu, Yesu,
Musandikanize;
Ndikalapatu machimo
Mbuye, mndithandize.

3 Nkhope yanu ndifunitsa,
Sind'yenera konse;
M'mtima mwanga muchiritse
Nthenda zanga zonse.

4 Yesu, ndinutu chitsime
Cha chimwemwe chokha;
Sindifuna wina konse,
Koma Inu nokha.

47

1 Idza wolema,
Akupumitsa;
Womva chisoni,
Akutonthoza;
Mlendo, limbika,
Mphamvu apatsa
Amatisunga,
Yesu Ambuye.

2 Ndiye mtsamiro
Pogona ine;
Pofika kufa
Andidzutsanso;
Podzichepetsa
Andikwezanso;
Moyo wa moyo,
Yesu Ambuye.

3 Ndikakhumudwa
Andilimbitsa;
Ndikadzitama
Andichepetsa;
Ndikasokera;
Andilondola;
E! Wokondedwa
Yesu Ambuye.

4 Ndimachitira
Inu umboni;
Ndikukuzani
Moyamikira;
Mphamvu ndi nzeru,
Moyo, zonsezi,
Si zanga, nzanu,
Yesu Ambuye.

48

1 Mbuye, mutsaganetu
Nane ndingachimwenso;
Nanu ndisungidwedi,
Mwa chikondi chanucho.

*Mbuye Yesu,
Mundiperekeze inetu!
Ndine mlendo, Mbuye 'Nu,
Mutsagane nanetu.*

2 Inu mundibisadi
Mmene ndabvutidwamo,
Ngati muli ndinedi
Bwino ndidzakhalamo.

3 Mbuye, mutsaganebe
Mpaka moyo watha zi!
Kwanu mindifitseko,
Komwe nsoni zathadi.

49

- 1 E, moyo wanga'we
Utsitsimuketu;
Ambuye Yesuyo
Akhala m'Mwambamo,
Pampandopo
Akhala, natchula dzina langali.
- 2 Kwa Mulungu m'Mwambamo
Amapempherako;
Chikondi chakenso
Chikhala chosatha;
Ndi mwaziwo
Akhala Wansembe wanga Yesuyo.
- 3 Mabala ajawo
A m'thupi mwakemo
Amukumbutsanso
Za ine pansipa;
Zoipazo
Achotsadi kotero sindingafe 'yi
- 4 Mulungu ali wokhulula mtimatu,
Ndiliba mantha 'yi,
Andisungiradi;
Ndibwera kwa
Atatewo, titayanjana leroli.

50

- 1 M'khola mwa ng'ombe ku
Betelehemu
Anabadwamo Ambuyangayo;
Etu, ndizizwa! Natsikirako,
Kufuna inetu.
*Kufuna inetu, kufuna inetu,
Etu ndizizwa! Natsikirako
Kufuna inetu.*

- 2 Popachikidwa pa Golgotapo
Yesu anandiwombola ine,
Etu, ndizizwa! Nakondetsadi
Nafera inetu.
*Nafera inetu, nafera inetu,
Etu, ndizizwa! Nakondetsadi
Nafera inetu.*
- 3 M'busa wokoma ndi Mbuyangayo,
Nandiitana posokerapo,
Konse koipa nalondolako
Kubweza inetu.
*Kubweza inetu, kubweza inetu,
Konse koipa nalondolako
Kubweza inetu.*
- 4 Uko Kumwambako Mbuyangayo
Andikonzera mokhaliramo;
Tsiku linalo adzabweranso
Kutenga inetu.
*Kutenga inetu, kutenga inetu,
Tsiku linalo adzabweranso
Kutenga inetu.*

AMBUYATHU YESU KRISTU-
KUBWERANSO KWAKE

51

- 1 Alinkudza wansoni Munthu
Wakukhala Kumwamba,
Alinkudza m'ulemerero
Ndi Mwamuna wa mtanda.
*Aleluya, aleluya,
Alinkudza kwa ife;
Ndi chimwemwe tidzamkomana
Pakufika Ambuye.*
- 2 Alinkudza Ambuye Yesu
Wakuphedwa padziko,

22 AMBUYATHU YESU KRISTU- KUBWERANSO KWAKE

Alinkudza kukhala Mfumu
Yoweruza maiko.

Mawu awa achimwemwe
Azimveka m'dziko lonse.
*Adzabwera, adzabwera;
E! bwerani Mbuye wathu.*

- 3 Pakufika asonkhanitsa
Anthu ake oyeru;
Adzafuna m'mitundu yonse
Omwe Iye 'nafera.

- 2 Dziko lino linaona
Masauko a Mbuyathu,
Lidzaonanso ulemu,
M'mene adzabwera Iye.
*Adzabwera, adzabwera;
Tibvomera, E! mubwere.*

52

- 1 Pakwitana Mbuye wanga
Potsiriza dzikoli,
Pakufika tsiku lakuwalalo
Posonkhana akumvera,
Pakuona Yesuyo,
Ndidzakondwerera naye komweko.

*Pakwitana Mbuye wanga,
Pakwitana Mbuye wanga,
Pakwitana Mbuye wanga,
Ndidzakondwerera naye komweko.*

- 2 Potuluka m'manda mwawo
Anthu ake onsewo,
Tidzasanganatu nawo nthawiyo,
Pakuuka osankhidwa,
Kunka naye Yesuyo,
Ndidzakondwerera naye komweko.

- 3 Tisaleke kugwirabe
Ntchito ya Mulunguyo,
Tibukitse mbiri yake m'dzikoli,
Ndi podzatha moyo wathu
Ndi zintchito zathuzo,
Tidzakondwerera naye komweko.

53

- 1 Mbuye Yesu adzabwera,
Asekere anthu onse;

- 3 Anthu anu amafoka,
Pa ulendo nasokera;
Ha! Adzaonana nanu
Atabvalanso zoyera.
*Mudzabwera, mudzabwera;
Inde, Mbuyetu mubwere.*

- 4 Ndi chiyembekezo ichi
Sitikhala chete ife;
Tiimbisa nyimbo zathu
Zakulemekeza Mlungu.
*Adzabwera, adzabwera;
E! mubwere msanga Yesu.*

54

- 1 Yang'anani anthu onse,
Yesu Mbuye wathuyo;
Alinkudza ndi ulemu,
Kuoneka m'Mwambamo.

*Anthu onse amlambire
Yesu Mwana wa Mulungu;
Alinkudza ndi ulemu
Wopambana, indetu.'*

- 2 Adzatenga anthu ake
Akumvera pansipo,

Iwo adzakhala naye
M'dziko la Kumwambako.

Kwa Mulungu 'Tatewo.

3 Koma anthu onse omwe
Anamnyoza pansipo,
Nthawi Yesu alinkudza
Adzaopa m'mtimamo.

7 Adzabwera,
Adzabwera Iyeyo
Tsiku lomalizalo.

4 Ife tonse tikumbuke
Mawu ake onsewo;
Timuyang'anire Iye,
Yesu Mbuye wathuyo.

8 Aleluya,
Aleluya Yesuyo,
Tizitama dzinalo.

**AMBUYATHU YESU KRISTU-
KUMYAMIKIRA**

55

- 1 A Mulungu
Munatuma Yesuyo,
Mwana wanu yekhayo.
- 2 Anabadwa,
Anabadwa motere,
Monga mphawi m'kholamo
- 3 Anakonda,
Anakonda anthuwo
Nawapulumsanso.
- 4 Anafera
Anafera m'mtandamo,
Anafera ifenso.
- 5 Anadzuka,
Anadzuka m'mandamo,
Anatenga moyowo.
- 6 Anakwera,
Anakwera m'Mwambamo

56

- 1 Idzani nose 'nu
Okonda Yesuyo;
Libuke Dzinalo,
Timtame konseko.
Uzani onse m'Mwambamo,
Uzani onse pansipa,
Wafera Iye anthuwo.
- 2 Waleka koronayo,
Nasiya 'Tatewo,
Natsika m'Mwambamo,
Nalira, nafatu.
Zowawa zake zonsezi
Nazimva, zinaposatu
Kuti tipulumukedi.
- 3 Nadzuka m'mandamo
Moopsya m'mdimamo,
Nigonja imfayo
Ndi mdani waketu;
Nakweradi Kumwambako,
Nakhala Mfumu monsemo,
Ambuye wathu Mlunguyo.
- 4 Adzadza indetu
Kudziko linoli;
Tidzanka nayeyu
M'ufumu wakedi.

Momwemo tidzampenya 'Ye,
Momwemo tidzakhala 'fe,
Nkuwala kwake koti mbee!

*Inde, ndilira m'mtimamo
Chipulumutso chakecho.*

57

1 Yesu, dzina lakukonda,
Lopambana onse ena,
Tonse tidziligwadira
Ndi mitima yochepetsa.

2 Yesu, dzina lokondwetsa
Akuipa a padziko,
Kale linatidziwitsa
Mpulumutsi ndiye Yesu.

3 Yesu, dzina lakufatsa,
Anamutcha 'kali Mwana,
M'mene analowa kale
M'dziko lino lakudana.

4 Yesu, dzina ndi lomweli
La pa dziko lino lonse,
Ndi la mphamvu yolanditsa
Anthu mu masoka onse.

5 Yesu, dzina lakukonda
La Mwanayo wa Mulungu,
Ife anthu osauka
Tithawira nalo kwanu.

58

1 Inde, ndifuna kumvatu
Za chikondano chakecho
Cha Yesu Mbuye wangayo,
Zomwe anamva kalelo.

*E! dzina la Yesu,
E! dzina la Yesu,*

2 Zina za Yesu ndimvetu,
Kuti ndichite zakezo;
Mzimu Woyera, mudzetu,
Ndiphunzitseni zonsezo.

3 M'mawu a Yesu Mbuyeyo,
Inde, acheza nanemo;
Liu ndimamva m'Bukumo
Ndilo la Yesu Mbuyeyo.

4 Zina za Yesu m;Mwambamo,
Ali pampando pakepo;
Udze Ufumu wakewo,
Ndiyetu Mfumu ponsepo.

59

1 Wina atikonda ife,
Bwenzi lathu ndiyeyu;
Atifunafuna ife,
Inde, nthawi zonsetu.

*Chikondano chakechi
Nchachikulukuludi.*

2 Ndani mwa abale athu
Akanatifera 'fe?
Koma Yesu m'malo mwathu
Anapachikidwatu.

3 Anamnyoza pansu pano,
Bwenzi la ochimwawo;
Muulemerero wake
Alikonda Dzinali.

4 Timchimwira kopambana,
Ndi kumusautsa 'Ye,

Koma Bwenzi lathu Yesu
Atikondakondabe

- 5 Mtiphunzitse, Mbuye Yesu,
Tikondane nanutu;
Tisaiwalire konse
Bwenzi lathu ndinutu.

60

- 1 Nditama Mlungu m'mtimamo,
Wakundifera pansipo,
Nafafaniza tchimolo,
Nanditengera dipolo.

*Wandiwombola inetu
Pokhetsa mwazi wakewo;
Timlemekeza Iyetu
Wotilipirira dipolo.*

- 2 Ndinasokera kalelo,
Ndamkana Iye Yesuyo,
Koma ndiimba leroli:
Wandiwombola inedi
- 3 Mtima ndimakondweramo,
Popenyetsetsa Yesuyo
Pamtanda pake pomwepo,
Pakundifera inenso
- 4 Sizitha ntchito zangazo,
Kundiweretsa mtimamo,
Anandiyesa inetu
Wakulungama Yesuyo
- 5 Tsono mubwere inunso,
Mtetetezi wanu ndiyedi
Apulumutsa onsewo
Akumkhulupiradi

61

- 1 Konda dzinalo la Yesu
Mwana wosauka 'we;
Ndilo lothandiza anthu;
Khala nalo ponse phee!

*Dzina la Yesuyo
Nlokondwetsa onsewo,
M'mwambamo ponsepo
Litonthoza m'mtimamo.*

- 2 Konda dzinalo la Yesu
M'moyo mwako monsemo;
M'mene ulikuyesedwa,
Tchula Dzina lakelo.
- 3 Dzina ili ndi lokoma
La Mtetezi wathuyo;
M'mene adzatilandira
Mnwamba, tidzakondwadi.
- 4 Mbuye Yesu timtamanda
Ndi zinyimbo zathuzo;
Mfumu ya mafumu onse
Yesu timayesadi.

62

- 1 Khamulo liliko
Kumwambako mbuu!
Pakukhala ndi Yesu
Aimbirako:

*"Kwa Iye atikonda
Natsuka 'fe mbuu!
E! kukhale ulemu
Kwa Mbuyathuyu."*

2 Onsewa 'nachimwa
Nadetsedwa bii,
Nthawi yino ayera
Naimbiradi:

3 Akhala mafumu
Kwa Mbuyathuyo,
Anawombola onse
Ndi mwaziwo pyu!

4 Akadakhale
Osaukako
Ngati Yesu sakana-
wombolatuwo.

5 Ndi nyimbo yabwino
Tidzamtamako,
Kuti ena pakumva
Amwimbirensa:

63

1 Tamani mphamvu ya Yesu,
Angelo agwade;
Tulutsanitu korona,

*Mumbveke, mbveke, mbveke,
Mbveke, Mbuyeyo!*

2 Inu osankhidwa ake,
Owomboledwa 'nu,
Tamani Mpulumutsiyo,

3 Anthu ose ndi mitundu
Pa dziko linotu,
Amlemekeze Mfumuyo,

4 Tifuna kuti komweko
Tikamgwadire 'Ye;
Tidzaimba kosaleka;

MZIMU WOYERA

64

1 Mubwere Mzimu Wakuyera,
Kuyatsa moto m'mtima mwathu;
Ntchito ndi yanu kudzoza
Ndi kutininkha mphatsozo.

2 Kudzoza kwanu kutipatsa
Chimwemwe, moyo ndi mtendere;
Kuwala kwanu kupenyetsa
A m'mdima ndi a m'ndendemo.

3 Mtima wodetsa mukonzere,
Chisomo chanu chakwanira;
Adani athu muthawitse
Ndi mphamvu yaikulu.

4 Mutidziwitse 'Tate wathu,
Ndi Mwana wake ndinu Mmodzi;
Mnafuma kwa awiri onse,
Koma Mulungu Mmodziyo.

65

1 Mzimu Woyera, mudze mumitima
mwathumo,
Mufike nazo mphamvu zanu
zazikuluzo.

2 Mufike monga nyali younika
m'mtimamo,
Mutidziwitse zakuipa zakukhalamo.

3 Mufike monga moto wakuotcha
zomwezo.
Mutiyeretse ifetu m'mitima
mwathumo.

4 Mufike monga ngati njiwa
yamtenderewo,

Kutitu anthu anu onse akondanetu.

5 Mufike monga ngati mphepo
yokokomayo,
Tikhale tonse nazo mphamvu zanu
zonsezo.

66

1 Mzimu Woyera, mudzetu kwa ine,
E, ngati mvula m'dziko lakuuma;
Ndikhale munda wanu wakupatsa
Zipatso zoyenera Mbuyeyo.

2 M'phunzitsi, ndinu mudziwitse ine
Chikondi chanu chija chachikulu;
Lembani mawu anu pamtimanga,
Kuti ndikumbukire zanuzo.

3 Wosangalatsa, ine ndikalira
Muchotse nsoni, m'mtimamo
mudikhe;
Mundigoneke pachifuwa chake
Cha Yesu kuti ndikakondwepo.

4 Wotsogolera, munditsogolere
Kuti n'kafike kwawo kwa Atate,
Nditsate Yesu ndikuyendayenda
M'njira yomweyo anapondamo.

5 Mthandizi ndinu, mndithangate ine
Kupempha bwino izo zindisowa,
Kupempha monga Mlungu amafuna,
Kulingalira zake zokhazo.

6 Mzimu Woyera, n'dzipereka ndense,
Mundichitire ntchito yaikulu;
Mtima woyera ndi womvera mpatse,
Wodzala ndi chikondi chanucho.

67

1 Mpume pa inetu, Mpweya wa
Mulungu,
Ndi kundidzaza moyo wanuwo,
Kuti ndikonde zomwe mukondanso,
Ndichite chomwe mumachitanso.

2 Mpume pa inetu, Mpweya wa
Mulungu,
Mpaka mtimanga ukayeretu,
Ndipo zokhumba zanga zilingane
Nazo zanuzo zakuyera mbuu!

3 Mpume pa inetu, Mpweya wa
Mulungu,
Mpaka ndikhale wanu nokhatu;
Ayeretsedwe makhalidwe anga
Ndi mphamvu yanu yondisunga nji!

4 Mpume pa inetu, Mpweya wa
Mulungu,
Kuti inedi ndisafe 'yitu,
Koma ndikhale nanu m'moyo
womwe
Wangwiro ndi wa nthawi zonsetu.

68

1 Mubwere Mzimu Inu
Woyera wakufatsa,
Muchotse mdima m'mtima mwathu
Tikapenye m'maso.

2 Mtisangalatse m'zonse,
Ndi wachifundo Inu,
Tiyembekeze kumapazi
A Mbuyathu Yesu.

3 Mtitsitsimutse ife
Kuchotsa nkhawa zathu,

Muyatse moto wachikondi
Mu mitima yathu.

4 Mtitsutse titachimwa
Kutalapitsa m'mtima,
Mwonetsenso chikondi
chokhululukira tchimo.

5 Kutiyeretsa m'mtima
Ndi ntchito yanu yokha,
Kupatsa moyo watsopano
M'mene timafoka.

6 Mukhale m'kati mwathu,
Mutichotsere mantha,
Tidzayamika 'Tate wathu,
Mwana wawo ndi 'Nu.

69

1 Idzani, Mzimu Inu,
Mundidalitse kuno;
Ndafoka mtima ine
Polendo wanga uno;
Kwambiri ndakhumudwa
Panjirayo ya moyo;
Mkaleka kutsogola
Ndiwonongeka pompo.

2 Wakunga mwana ine,
Sindidziwitsa konse;
Mundilandize Mzimu;
Panjira yanga yonse;
Mundiyendetse bwino
Ndifike ine ndemwe
Panjira yolungama,
Kudziko lachimwemwe.

3 Mundilimbitse m'mtima
Pogwira ntchito izi;

Ndikapumula pena
Mukhale ndithu ndine;
Zolingirira zanga
Ziyere zonse m'mtima;
Zoipa muzichotse,
Sindidzazichitanso.

70

1 Mzimu Woyera, mudzetu
Tiyeretsedwe m'mtimamu;
Mupatse anthu anuwa
Mitulo yanu yonseyo.

2 Kudzozo kwa Kumwambako
Kutitonthonza m'mtimamo,
Ndi kutidzutsa m'moyomu,
Tikhale okondanatu.

3 Pankhope pathu mthirepo
Chisomo chanu chijacho;
Mtendere mutininkhebe,
Mutiyendetse ponse phee!

4 Tionetseni tonsetu
Umodzi wanu monsemo,
Atate, Mwana, Mzimu 'Nu
Tiimbe nthawi zonsezo:

*Titamire nthawi zonse
'Tate, Mwana, Mzimu, Nonse.
Amen.*

71

1 Mubwere kuno Mzimu 'Nu,
Chitsime cha chikondicho;
Mudziwa ndimaliratu,
Mukhale m'mtima mwangamo,

*Ndipatsa inu mtimawu,
Masiku onse mkhalemu.*

2 Mukonze mtima wangawu,
Muyere ndithu m'katimo;
Ndilinda tere, Mzimu 'Nu,
Mupatsetu chikondicho;

*Lichepa dontho lokhali,
Ndipempha mundidzazedi.*

3 Ndilira Mzimu leroli,
Mutsimikize Mawuwo;
Ya Mbuye Yesu mphamvuyi,
Ikhale yathu, yanganso;
*Mulowe m'mtima, mdzazetu
Ndi mphamvu nzeru, moyowu.*

72

1 Mbuye wondipulumutsa
Mulandire mtima wanga,
Mwandipatsa Mzimu wanu
Womeretsa zopatsomo.

*Ndiye Mzimu Wakuyera
Atipatsa ife makhalidwe
Wofanana naye Yesu,
Anatsika Kumwambako.*

2 Naye Mzimu mndiphunzitse
Kukondwera nsiku zonse
Ndi kukhala ndi mtendere
Osaderatu nkhwana 'yi.

3 Mndithandize kukondana
Ndikuthangatira onse,
Ndi kukhululukirabe
Akundichimwirawo.

4 Mndilimbitse ndipirire
Osadandaula konse,
Ndi kulamulira thupi
Ndi zofuna zakezo.

5 Kudziralala ndi kufatsa,
Inde, zonse muzikonda,
Mndiphunzitse pondipatsa
Mzimu wanu Woyerawo.

MAWU A MULUNGU

73

1 Mbuye, Mawu anu
Atikondweretsa,
Atitsogolera,
Salephera konse.

2 Poyensedwa ife
Atipambanitsa,
Natonthoza mtima
Natipulumutsa.

3 Tikaona bvuto,
Tikalowa m'mdima,
Kuunika kwake
Kusonyeza njira.

4 Atisangalatsa,
Atilemeretsa
Powerenga mommo
Nawo mtima wonse.

5 Ndiwo alimbitsa
Omwe akufooka,
Nawapatsa moyo
Akafuna kufa.

6 Mbuye, mti-phunzitse
Nzeru zake zonse,
Tikayenderane
N'tiyanjane nanu.

74

1 Cholimbitsa mtima ndi
Chonditsogolera
M'njira ya Mulunguyo;
Ine ndili nacho.

*M'Bukuli ine ndi
Onse owerenga
Mawu a Mulunguwo,
Timapeza moyo.*

2 Dzinthu zakumundazo
Zilimbitsa thupi;
Zolembedwa m'Bukumo
Zimadyetsa mtima.

3 Ndikachimwa, Bukuli
Lindiyambotsutsa;
Limanditonthoza ndi
Mawu a mtendere.

4 Pakudera nkhawa 'ne,
Pakuchita mantha,
N'kawerenga m'Bukuli
Lindipatsa mphamvu.

5 Lindionetsera 'ne,
Chifuniro chake
Cha Mbuyanga Yesuyo,
Ndikamvere bwino.

6 Zonse mwazilembamo,
Mzimu Wakuyera,
Kuzimvera zonsezo
Mundithangati.

7 M'Buku lakuyerali
Powerenga ife,
Mbuye mutipatsemo
Moyo, moyo, moyo.

75

1 Mundinyemere 'ne
Mkate wamoyo
Monga kunyanja kuja kalelo;
Ndipyola Mawuwo,
Ndifuna Inu,
Ndikhumba Inu mwini moyowo.

2 Mkate wamoyowo
Ndinu Ambuye;
Mawu oyera anu n'khumbanso
Mun'dyetse omwewo
Ndikhale moyo,
Ndikonde zakuona zanzu.

3 Mtume tsopanoli
Mzimu Woyera,
Kuti andikonzere m'masomo;
Abvumbulutse zinsinsi za m'Mawu,
Kuti ndionemo Ambuyeyo.

4 Mndidalitsere 'ne
Mawu amoyo,
Monga munadalitsa mkatewo;
Ndikhale mfuludi,
Wosamangika,
Mukhale moyo wanga wonsewo.

UTHENGA WABWINO

76

1 Mbiri yakalelomwe
Mundisimbiretu
Ya Yesu Mbuye yemwe
Anandiferatu.

2 Simbani bwinobwino-
Ndiliba nzeru 'yi-
Ndimve tsopano lino
Mbiri ya moyowo.

2 Simbani bwinobwino-
Ndilibe nzeru 'yi-
Ndimve tsopano lino
Mbiri ya moyowo.

*Mbiri yakalelomwe,
Mbiri yakalelomwe,
Mbiri yakalelomwe,
Mundisimbiretu.*

3 Mawu amveke bwino,
Alowe m'mtimamo,
Ndizindikire tsono
Chipulumutsocho.

4 Simbani mobwereza,
Ndisaiwale 'yi,
Koma ndisunge bwino
Mumtima Mbiriya.

5 Simbani Mbiri yonse
Ya Mbuye wangayo;
Zochimwa zanga ndizo
Zinapha Yesuyo.

6 Simbanitu mwachete
Mbiri ya Yesuyi,
Pakubvitidwa ine
Inditonhozepe.

7 Simbani Mbiri yomwe,
Ndikhulupiredi,
Kuti pakuyesedwa
Ndipulumukepo.

8 Inde, pakufa panga
M'maso mukhale mbee!
Mbiri ya Mbuye wanga
Mundisimbiredi.

77

1 Kodi ulikulemedwa
Ndi zoipazo?
Idza kuno, ati Yesu,
Pumako.

2 Ndikamzindikira ninji
Mbuye wangayo?
Ali ndi mabala m'manja
Mwakemo.

3 Kodi ali ndi chilemba
M'mphumi mwakemo?
E, chilembacho chaminga
Chilimo.

4 Ndikampeza, ndikamtsata
Ninji pansipa?
Masauko ndi misozi
Zilipo.

5 Ndikamfunafuna Iye,
Ndipezenjiko?
Kumaliza kwa chisoni
Chonsecho.

6 Ndikampempha anditenge,
Akataniko?
Ati Yesu, "Idza msanga,
Idzatu."

78

1 Musawalole mawuwo
Apite ngati mphepozi,
Musaumitse mtimatu,
Polira Yesu Mbuyedi.

*Idzanitu, idzanitu,
Idzani kwa Ambuye,
Idzanitu, idzanitu
Apulumutse inunso.*

2 Musachitenso nthantha 'yi,
Mufulumire inutu;
Tsiku labwino nleroli,
Mulandirenso moyowu.

3 Zokandweretsa m'dzikomu
Nzosakhutitsa m'mtimamo;
Koma za Yesu zonsezo
Zikwaniritsa inudi.

4 Sakukanani Yesudi,
E, mukalapa m'mtimamo;
Lolani kuti Mzimuyo
Agwire ntchito zakezo.

79

1 Pakupempha ife pano,
Pakwitana 'Tatewo,
Pakudziwa tsoka lako,
Bweratu kwa Mbuyeyo.

*Idzatu, idzatu
Kwa Mbuyathu Yesudi,
Idzatu, idzatu,
Iwe bwera leroli.*

2 Unachimwachimwa ndithu,
Wasokera m'talimo;
Unachedweranji kudza
pakulinda Yesuyo?

3 M'dziko lino pansi pano
Sungapeze kanthumo
Kokwanitsa mtima wako;

Bweratu kwa Mbuyeyo.

4 Bvumbulutsa zonse zako
Zobisika m'mtimamo;
Ayeretse moyo wako
Nawo mwazi wakewo.

80

1 Mipingo iyo idzatu,
Yoyenda mangu pajapo,
Afuma kuti anthuwo?
Afika bwanji komweko?

*Anena anthu onsewo,
"Yesu Sing'anga apitapo."
Anena anthu onsewo,
"Yesu Sing'anga apitapo."*

2 Azizwa anthu ajawo,
Nafunsa, "Ndani mlendoyo?
Wanzeru monga Iyeyo
Kulibe wina konseko."

3 Ndi Yesu yemwe kalelo
'Nakhala munthu pansipa;
Anthenda onse nthawiyo
Nachira yake mphamvuyo.

4. Afika Yesu leroli,
Chifundo m'mtima mwakemo,
Timfitse msanga kwathuko,
Akhale nafe ponsepo.

5 Timsankhe Yesu Mbuyeyo,
Timyese Mfumu yathuyo,
Chifukwa tikamkanatu
Tikhala otayikawo.

*Tsopano inu 'dzanitu,
Asanapitirirepo.
Tsopano inu 'dzanitu,
Asanapitirirepo.*

Zoipa zazikulu
Azigonjetsa 'Ye;
Anena mawu ake
Ochotsa zonsezo,
Kalelo nalamula;
Pakhale bata duu!

81

1 Ukapenya kwa Yesu uliko moyoko,
Inde, moyo tsopanopanutu;
Wolakwira upenye kwa Yesu
Mbuyeyo,
Kuwombola naferatu 'we.

*Ona! Ona! Onatu!
Kuli moyo kwa yense apenya
Yesuyo
Wakuferratu pamtandapo.*

2 M'ulemerero mwake
Anenanenabe;
Munkhondo apambana
Ndi mawu akewo.
Akristu akondwera
Poona mphamvuyo
Ya Mbuye wathu Yesu
Wotiwombolayo.

2 Anasenza pa bwanji uchimo
wonsewo,
Ngati wanu pa Yesu sulipo?
Bwanji mwazi wakhetsa kutsuka
ifetu,
Ngati uwu sitikwanako?

3 Zobvala zake zonse
Nza mwazi woti pyu!
Pamphumi pake pomwe
Korona waketu.
Unyolo wa Satana
Umasulidwako;
Kumwamba amithenga
Atama Mbuyeyo.

3 Zilepheradi zonse kugula moyowo,
Koma mwazi wa Yesu Mbuyeyo.
Khulupira mwa mphamvu ya
Mlungu wathuyi
Kuyeretsa 'we m'mtimakomo!

4 M'kufatsa kwake komwe
Anena nafenso,
Tonsefe omangidwa
Ndi zakuipazi;
Ambuye amanena
Zotichenjezazi:
Ananu, msiye zonse,
Mupulumuketu.

4 Anathera pamtanda zintchito zonsezi
Zowombola mizimu yathuyi;
Ndipo yense akadza
mokondwakondwadi
Moyo apeza kwa Yesuko.

5 Chikondi cha Mbuyathu
Chiposa zonsetu;
Chisomo chake chomwe
Chikondweretsabe;
Ulemu wake wonse

82

1 Ambuye wathu Yesu
Akhala Mfumunso;

Umapambanadi;
Tiyeni, tikondwere
Popita m'Mwambamo.

2 Ndidziwa kuti Yesu
Anafa kalelo,
Nafafaniza zonse
Tinazichimwazo.

83

1 Sing'anga 'mkulu ndiye Yesu,
Mwana wa Mulungu;
Asangalatsa achisoni,
Ali wachifundo.

*Dzina la Yesu ndi lokoma,
Dzina la Yesu lipambana,
Dzina lake lakukonda,
Yesu, inde Yesu.*

3 Satana ndi unyolo
Anandimanga nji!
Ambuye Yesu yekha
Nandimasuladi.

4 Ambuye mulowetse
Mtendere m'mtimamo
Ndimvetse mawu anu
Masiku onsewo.

*Akuti anthu akumvera
Yesu awapulumutsa,
Inde, awapulumutsa, indetu.*

2 Zoipa zakhululukidwa,
Yesu amatero;
Tiyende bwino m'njira yake,
Tilowemo lero.

3 Nditama Nsembe ya Mulungu,
Ndilandira Yesu;
Ndikonda dzinalo labwino,
Dzina lanu, Yesu.

4 Akulu inu m'bwere nonse,
Ana inu nomwe,
Ambuye akuitanani,
Bvomerani nonse.

84

1 Uthenga wa Mulungu
Walowa m'mtimamu,
Wochotsa zakuipa
Zakundidetsazo.

*Pakuti anthu akumvera
Yesu awapulumutsa,
Inde, awapulumutsa, indetu.*

85

1 Okoma ndiwo mawu
A Yesu Mbuyeyo,
Wopatsa ife anthu
Mtendere wakowo.
Kwa ife akumvera
Kulibe mantha 'yi;
Timamva liu lake
Lingoti, "Mudza 'nu."

*Inu akutopawo,
Yesu aitana 'nu;
Mudze kwa Ambuyeyo,
Mudze msangatu.*

2 Mukana Iye bwanji,
Wokoma Bwenzilo?
Mutsate Yesu yekha,
E, mpaka imfayo.
Mwafoka osokera,

Mwafoka osokera,
Mwadetswa nazoji
Zoipa mwazichita;
Mumvere Mbuyedi.

3 Ambuye, musendeze
Pafupi nafedi,
Timvetse Inu msanga,
Poyenda m'dzikoli.
M'ulendo m'moyo uno
Titsate Inutu;
Kumwamba mutifitse,
Tidzamve: "Idzani."

86

1 Inu nonse obvutidwa,
Mbuye ali panopa;
M'maso mwanu muli msozi;
'Dzani kwa Mbuyathuyo.

*Yesu ngwachifundodi,
E! wafera inutu,
E! wafera inutu.*

2 Yesu ndiye Bwenzi lanu,
Ali wa chikondicho;
Kodi inu mumkanabe?
Mlape msanga m'mtimamo.

3 Pena imfa idza mawa,
Manda ali m'fupimo;
Nthawi yino ndi yabwino,
Mlote Yesu m'mtimamo.

4 Ndi angelo akumwamba
Anke ndi uthengawo
Kuti wina wadza lero
Kwa Mbuyathu Yesuyo.

87

1 Wochimwa iwe, bweratu
Kwa Yesu Mbuyeyo;
Atero Iye; pumatu,
umvere mawuwo.

*Khulupira mawu onse
A Mbuyathuyo;
Uli nawo pakumvera,
Inde, moyowo.*

2 Ambuye Yesu anatsira
Mwazi wake pyu!
Ubire m'mwazi womwewo,
Uyereyere mbuu!

3 Wamoyo ndiye Yesudi,
Nzoona zakezo;
Akhala Iye njiratu
Yofika m'Mwambamo.

4 Tiyeni tonse, tinkeko
Ulendo wakewo
Kudziko lake m'Mwambamo,
Tikhale nayeko.

88

1 Yesu ndi wokonda;
Ati "Idzatu,
Yense wakufuna,
Bwera msangatu."
Ali wachifundo
Ndi wamphamvunso
Nthawi zonse Yesuyo
Alindatu.

*Yesu akukonda,
Idza msanga 'we,
Adikira iwenso;
Wachedwatu.*

2 Iwetu afuna,
Inde, kalelo;
Leronso adika
Mbuye wathuyo.
Uza Iye zonse
Za uchimowo;
Yesu ati leroli;
"Wachedwa 'we."

3 Yesu alindira,
Inde, iwetu;
Idza ndi kukhala
Ndi chimwemwenso
Ku mikono yake
Yachikondiyo;
Sankha Iye msangatu;
Wachedwatu.

89

1 Lero lino m'bale wanga,
Ndilo dzuwa lakukoma;
Talandira Mpulumutsi
M'mene ali kuitana.

2 Lero lino m'bale wanga,
Usazengereza ayi;
Ngati ulandira Yesu
Lero, udzachita mwayi.

3 Lero lino ndi labwino;
Moyo wako uli nawo;
Pena m'mawa umwalira,
Udzatani mlandu wako?

4 Lero lino m'bale wanga,
Lapa mtima, lapa tchimo,
Yesu adzakulandira,
Ukapempha lero lino.

5 Ndiwe mlendo lero lino,
Mvera ndikupempha iwe;
Yesu Mwana wa Mulungu
Akufuna ndithu iwe.

6 Inde, lero lino Yesu
Aitana inu nonse.
Landirani Mpulumutsi,
Musazengereze konse.

90

1 Penyetsetsa Yesu,
Mtima wosauka;
Anafera iwe,
Idza, nupulumule,
Iye anachotsa
Nsoni ndi zoipa;
Penyetsetsa Yesu,
Ndi kukhulupira.

2 Penyetsetsa Yesu
Likatentha dzuwa;
Yachuluka ntchito,
Mphamvu idzakula.

Akonzera kwawo
Nyumba zokhalamo;
Penyetsetsa Yesu,
Mtsatetu tsopano.

3 Penyetsetsa Yesu
Pogwirana nawo;
Nkhondo ikabvuta
Tamva Mbuye wako.
Achuluka 'dani,
Iwe ungofoka;
Penyetsetsa Yesu,
Mantha adzachoka.

4 Ndipo pakulowa
M'dziko la Kumwamba,
Udzapeza komwe
Onse adzatama.
Mwa zowala zija
Za Kumwamba kwawo;
Udzapenya maso
Yesu Mbuye wako.

*Khulupirani kuti mukalowe
m'Mwambamo.*

2 Amayi 'nu, amayi 'nu,
Tsatani Ambuye.

3 Abale 'nu, abale 'nu,
Kondani Ambuye.

4 Alongo 'nu, alongo 'nu,
Kondani Ambuye.

5 Abwenzi 'nu, abwenzi 'nu,
Tamani Ambuye.

6 Oipa inu nonsetu,
Mverani Ambuye.

91

1 Malo anachepa,
Nyumba anammana,
Agona m'modyera,
Mutu paudzuwo.
Anthu sanamtama,
Nyimbo panalibe,
M'nyumba ya alendo
Malo munalibe.

*Apempha malo Ambuye;
E, mlandiretu m'mtimamo,
Ungomvetu Kumwambako,
"Akusowanso malo."*

93

1 Ndichitenji kukapeza
Moyo? Thandizeni!
Ndili wakutopa; Mzimu,
Muthandize ine.

*Zonse zinathedwadi;
Yesu watha zonsezo;
Sutha ntchito, ungomvera
Mawu ake omwewo.*

2 Iye anatsika m'Mwamba,
Anachoka kwawo,
Anafera anthu, nati:
"Ndatha zonse zawo."

3 Mbuye wanga ndilikumva,
Ndikondana nanu;
Umapuma mzimu wanga;
Kwathu ndiko kwanu.

92

1 Atate 'nu, atate 'nu,
Mverani Ambuye.

*Khulupirani kuti mukalowe
m'Mwambamo,*

94

- 1 Kodi mwalandira Yesu?
Iye anakuferani.
Afunitsa inu nonse;
Kodi mumufunanso?

*Kodi mufunatu Yesu?
Bvomerani msangatu:
"Inde, Yesu ndifunadi,
Ndinu Mbuye wangatu."*

- 2 Nthawi zonse mufunabe
Zinthuzo za pansi pano;
Koma munyozabe Yesu
Wopachikwa kalelo.

- 3 Yesu akuitanani
Kwanja kwake kwakukulu;
'Mvani mawu ake lero,
Musachite nthantha 'yi.

- 4 Imfa idzafika msanga;
Ndipo mdzaikidwa m'manda;
Nthawi yomwe simudzamva
Kuitana kwakeko.

95

- 1 'Mvani liwu lomwe
M'Khutu mwakomo,
Alikuitana
Mpulumutsiyo:

*"Undipatsetu
Mtima wakowo;
Ndinakuferatu
Kalekalelo."*

- 2 Ati: "Undiuze
Nsoni zakozo;

Ine ndidzachotsa
Zonse zomwezo."

- 3 Kodi ukafuna
Kupumulatu?
Yesu aitana:
"Udze kunoku."

- 4 Tula mtolo wako
Pali mtandapo,
Akanyamula
Mpulumutsiyo.

96

- 1 Yesu ponong'oneza, idzanitu;
Mupempherera ife, idzanitu;
Njabwino nthawi yino, idzanitu,
Yomdziwa Mpulumutsi, idzanitu.

- 2 Tulani zoipazi, idzanitu,
Yesu adzatha zonse, idzanitu,
Olema ndi ochimwa, idzanitu,
Sakumbukira izo, idzanitu.

- 3 Imvani mawu ake, idzanitu,
Mudzalandira dalo, idzanitu,
Nacho chisomo chake, idzanitu,
Yesu alainda inu, idzanitu.

- 4 Mverani Iye ati: idzanitu;
Tiyeni mudzamwone, idzanitu,
E! Akuitanani, idzanitu,
Ife tibvomereza, Tibweratu.

97

- 1 Iwe tiye, iwe tiye,
Tiye tsopanoli;
Pano tiye kuli Yesu, Tiye tsopanoli.

(Ndaima pano, ndaima pakhomu:
Lowa, lowa, lowa, lowa!
Ndaima pano, ndaima pakhomu!)

2 *Akukonda, kukonda,*
Tiye tsopanoli;
Pano kukonda iwe,
Tiye tsopanoli.

3 *Akupeza, kupeza,*
Tiye tsopanoli;
Pano kupeza iwe,
Tiye tsopanoli.

4 *Salephera, salephera,*
Tiye tsopanoli;
Pano salephera Iye,
Tiye tsopanoli.

5 *Mvera Yesu, mvera Yesu,*
Tiye tsopanoli;
Pano mvera Yesu iwe,
Tiye tsopanoli.

6 *Aleluya, Aleluya,*
Aleluya, Amen;
Aleluya, Aleluya,
Aleluya, Amen.

98

1 Tadza kukudyaku,
Kwakonzedwatu;
Mkate wamoyodi,
Idyatu 'we;
Bwera wochimwanso,
Yesu adikatu,
Akuitanaku;
Mvetsatu 'we.

2 Tadza kumtsinjeku
Wa moyo weni,
Chiza zowawazo
Za m;mtimamo;
Mtsinje wodzalawo,
Wokwaniratuwo
Yesu sakana 'yi;
Idzatu 'we.

3 M'dzina la Yesuyo
Pemphatu iwe,
Iye adzamvatu,
Dikirapo.
Wamphamvu Mlunguyo
Ndiye apatsatu,
Dalo labwinolo;
Idzatu 'we.

4 Yamba ulendowo
Wonka Kumwamba;
Pano mpoipatu
Padzikoli;
Komwe tikondwako,
Tidzasekeranso;
tinke Kumwambako;
Idzatu 'we.

99

1 Mwamva mawu a Mulungu;
Mukabvomeranjiko?
Kodi musandula mtima
Ndi kumvera Yesuyo?

*Bvomerani, Bvomerani,
Bvomerani msangatu
Musazengereze ayi,
Landirani Yesuyo.*

2 Munachita nthantha kale,
Musazengereze 'yi;
Yesu akulindirani,
Sadzakana inu 'yi.

3 Musaope pokumbuka
Zakuipa zanuzo;
Khulupirirani Yesu,
Adzachotsa zonsezo.

4 Perekani mtima wanu
Kwa Mulungu wathuyo;
Khulupirirani Yesu,
Wotifera kalelo.

100

1 Yesu wathu Mbuyeyo
Alandira onsewo
Akuipa omwewo,
Osokera m'talimo.

*Imba kawiri ndi kawirinso,
Yesu Ambuye sakanatu,
Mvetsa Uthenga Wabwinowo,
Wakuchimwa adzetu.*

2 Idzatu kwa Yesuyo,
Apumitsa inunso,
Inde m'mtima mwanumo
Ndi mtendere wakewo.

3 Walandira inetu
Tsiku lija kalelo,
Wanditsuka ine mbuu
M'mtima mwanga momwemo.

4 Wandifera Yesuyo
Pansi pano kalelo,
Sindiopa mlanduwo
Pakubwera Iyeyo.

101

1 A! Mbusa wathu amvatu
Uko kuchipululuku
Zilira nkhusa zakezo,
Zili kuthengo kunjako.

*Bwezatu, bwezatu,
Bweza zonse m'moopsyamo;
Bwezatu, bwezatu,
Bweza zakezo kwa Yesu.*

2 Ndani afuna kunkako
Kukazipeza nkhosazo?
Ndani adzathandizako
Kuti zifunde m'kholamo?

3 M'tali mutali m'phirimo
Mvetsa, zilira nkhosazo;
A! Mbusa wathu atitu:
"Bweza zothodwa m'khkolamo."

4 Etu, zilira konseko
Zili m'phiri moopsyamo.
Imva, anena Mwiniyo:
"Kweye, upeze nkhosazo"

NJIRA YACHIKRISTU KUTEMBENUKA MTIMA

102

1 Thanthwe long'ambikatu,
Ndibisale momwemu!
Madzi ndipo mwaziwo
Zotuluka m'nthitimo
Zonditsuke m'mtima mbuu!
Zindilimbikitsetu.

2 Ntchito zanga zonsezo
Sizikondweretsa 'Nu;
Ndikazigwiritsadi,

Ndikalira nsonizi,
Zonse sizikwanazi,
Koma Yesu yekhayo.

3 M'manja mopanda kanthu,
Mtanda ndingogwiradi;
'Maliseche mbveke 'ne;
Ndili ndekha, msunge 'ne;
Ndithawire m'mtsinjewo.
Munditsuke m'mtimamo.

4 M'moyo uno kunsiku
Pena ndimwaliratu,
M'mene ndidzakwerako
Tionane masowo;
Thanthwe long'ambikatu,
Ndibisale momwemu.

*(Maiwe! Thanthwe long'ambikatu,
Ndibisale momwemu!)*

103

1 Ambuye 'naitana 'ne:
'Dzapumulire kuno,
Tsamira mutu, mwana 'we,
M'chifuwa mwanga muno."

2 Ndabwera kwa Ambuyeyo:
Wolema, wachisoni;
Anandipulumutsako,
Nakondweretsa ine.

3 Ambuye naitana 'ne:
"Ndipatsa anthu madzi.
Wotopa ndi waludzu 'we,
Dzamwere moyo kuno."

4 Ndibwera kwa Ambuyeyo,
Ndamwera madzi awa;

Laleka ndithu ludzulo,
Tsopano moyo wadza.

5 Ambuye naitana 'ne:
"La dziko ndine Dzuwa,
Yang'ana Ine, kwacha 'we,
Wachoka mdima uja."

6 Ndayang'anira Mbuyeyo,
Ndapeza Dzuwa langa
Londiyendetsa bwinolo
Pa njira yonse yanga.

104

1 Yesu wondikondadi,
Ndithawire mwanumo
Pakugunda mvulazi.

Pakubvuta madziwo,
Yesu mundibise 'ne!
Ikaleka mphepoyo
Tsidya ilo chete ph ee!
Mndilandire momwemo.

2 Pothawira pena 'yi,
Ndikhulupirira 'Nu;
Musasiye inedi,
Mundigwiriziretu.
...Ndinu wothandiza 'ne,
Wolimbitsa mtimawu;
Pansi pamapiko ph ee!
Mundifungatiretu.

3 Wina sindifuna 'yi,
Zokhutitsa nzanuzo;
M'utsetu akugwawo,
Mchizetu odwalawo.
Ndine wakuipa bii!
Ndinu wakuyera mbuu!

Ndimadzala tchimoli,
Wolungama ndinutu.

Zabwino m'mtima zonsezi
Mwa Inu ndingapezezi;
Ndagonjatu Mbuyanga 'Nu.

4 Zindichulukirazi

Nsoni zanu m'mtimamu;
Zindichiza nthendazo,
Zindiye retsa mbuu!
Pachitsime panupo
Moyo ndimwe ndimwebe;
Mubukatu m'mtimamo,
Mundidalitsetu 'ne.

(Mulungu ali nane!

Ali nane, ali nane , ali nane, ali
nane, Aa!

Mulungu ali nane!)

5 Ndi ine simufuna 'yi
Ndingatayike m'mdima bii,
Ndimvere mwandiuzazi;
Ndagonjatu Mbuyanga 'Nu.

6 Ndi ine, m'mtima Mwanu mbee!
Mokoma ndingakhalebe,
Ndikhale wanu wanudi;
Ndagonjatu Mbuyanga 'Nu.

7 Ndi inetu ndidziwedi
Chikondi chodabwitsachi
Pansipa ndi Kumwambako;
Ndagonjatu Mbuyanga 'Nu.

105

1 Ndi inetu sinditha 'yi
Kunenako milanduyi,
Kupempha zachisonizi;
Ndagonjatu Mbuyanga 'Nu.

(Aa! Mulungu wanga,
Mundilembe pamphumipo!
Chidzakhala chizindikiro
Cha mpumulo ulinkudza ndi Yesu.)

2 Ndi ine sizitheka 'yi
Kuchoka zakuipazi;
Ndisambe m'mwazi wanuwo;
Ndagonjatu Mbuyanga 'Nu.

3 Ndi ine pondibvutapo
Kugwira nazo m'mtimamo,
Mundithandize monsemo;
Ndagonjatu Mbuyanga 'Nu.

4 Ndi ine ndasaukadi,

106

1 Ndikhulupira 'Nu,
Mwana wa Mulungutu,
Mbuyangayo;
Mumve popempha 'ne,
Tchimo muchotsebe,
Lero ndikhale 'ne
Wa Mlunguyo.

2 Mzimu mndipatseko,
Wondilimbitsayo
Mumtimamu.
Munandiferadi;
Ndiyambe leroli
Kukonda Inu ndi
Mtimangawu.

3 Poyenda m'mdima bii,
M'mtimamo nsonizi

Mndigwirepo;
Mdimba uchoke zi,
Msozi ulekedi,
Ndisasokere 'yi
Kwa Inuko.

4 Moyo ukatha zi,
Pofika imfadi,
Mndisungepo;
Yesu Mbuyanga 'Nu.
Mantha mthawitsetu,
Ndifike m'Mwambamo,
E, wanuyu.

107

1 Chitsimecho cha mwaziwo
Udzera mwa Mbuyanga;
Wochimwa ndikasambamo,
Nditaya tchimo langa.

2 Wakuba uja nachiona,
Nangokhulupira,
Ambuye namva pempholo,
M'Mwambamo namlambira.

3 Ambuye, mwazi wanuwo
Siitha mphamvu yake,
E, mpaka Mpingo wonsewo
Wayera m;kati mwake.

4 Chionerere mwaziwo
Wofuma m'bala lanu,
Sindinaleke ineyo
Kutama mtima wanu.

5 Kumwamba komwe n'dzaimbira
Mpulumutsi wanga,
Chifukwa ayeneratu,
Wakonza m'mtima mwanga.

108

1 Yesu mundimve, ndikuliratu,
'Dzani kwa inetu;
Mtimangawu ufuna Inudi,
Bwerani, Yesudi.

*Ndinasokeratu kutaliko,
Ndalekana naye Mulungudi;
Tsopano koma mndilandirenso,
Bwerani Yesudi.*

2 Ndiliba malo mokhaliramo,
'Dzani kwa inetu;
Khalani nane m'mtima mwangamo,
Bwerani Yesudi.

3 Njobvuta njira ndimayendamo,
'Dzani kwa inetu;
Adetswa m'maso ndimapunthwamo,
Bwerani Yesudi.

4 Wolapa mtima simunyozi,
'Dzani kwa inetu;
Pemphero mumve langa lonseli,
Bwerani Yesudi.

109

1 Ndilinkudza kwa Ambuye,
Ndisauka, ndinachimwa;
Zonse zanga ndizisiya,
Kudzapeza moyo wina.

*Yesu ndikhulupirira
Munafera ine ndemwe;
Mwa umphamwi ndipemphera,
Mundipulumutse tere.*

2 Kale ndinalira Inu,

Kale lomwe ndangochimwa;
Mund'tana, "Idza bwino,
Kuti nkuchotsere tchimo."

3 Yesu, n'kupatsani zonse,
Zili zanu zokhazokha,
Thupi lonse, mtima womwe,
Mwini wake ndinu nokha.

4 E, ndikukhulupirani,
Ndauna mwazi wanu;
Tere ndikugwadirani,
Tere ndapachikwa nanu.

5 Wadza Yesu wandidzoza,
Ndakonzeka mwa Iyeyu;
Ndine wake, tikondana,
Ndiyamika Mbuye Yesu.

110

- 1 Ndikhulupirira, Yesu,
Inu nokhadi
Mundipulumutsa konse
Leroli.
- 2 Kuti mukhululukira
Tchimo langalo
Ndi chifundo chachikulu
Chanucho.
- 3 Kuti muyeretsa mtima
Ndibvomeratu;
Mwazi wanu unditsuka
M'mtimamu.
- 4 Kuti munditsogolera
Paulendopo;
Mukwanitsadi zosowa
Zangazo.

5 Kuti mundipatsa mphamvu
Yopambanayo;
Mawu mndilonga m'kamwa
Mwangamo.

6 Ndikhulupirira, Yesu,
Mndibvomereko;
Ndine wanu lero, mawa,
Konseko.

111

- 1 Ndasiya zonse ndi Yesu kalelo,
Inde, zakuipa zangazo;
Anafera ine m'phirimo;
Pomva Mawu ake m'kondwako;
Mumachoka m'mtima
mwangamo nsonizo,
Mumachoka m'mtima
mwangamo nsonizo.
- 2 Chisoni andichotsera Mbuyeyu,
An'thandiza ine teretu;
Ndikhulupirira Iyeyu,
Andisunga m'manja mwakemu;
Alimbitsa mtima
wangawu teretu,
Alimbitsa mtima
wanga teretu.
- 3 Mtima 'we siya ndi Yesu nsonizi,
Usabisa tchimo lakoli;
Zichuluka mphamvu zakezi,
Likusunga dzanja lakeli;
Bwera kwa Mbuyathu
leroli mwana 'we,
Bwera kwa Mbuyathu
leroli mwana 'we.

112

1 Kwa Inu Yesu ndilira,
Wopanda Inu ndidzafa;
Mupulumutse inedi,
Mundilandiretu.

*Mundilandiretu,
Ndiipa m'mtimamo;
Kotero mnandiferatu,
Mundilandiretu.*

2 Ndifoka ndi zoipazo,
Ndidzalatu ndi machimo,
Sinditha kuzitayazo;
Mundilandiretu.

3 Ndayesa kudzikonzadi,
Ndapeza mphamvu ndilibe,
Zoipa zakanikadi;
Mundilandiretu.

4 Onani Mbuye ndigonja,
Kuyesa kwanga ndaleka;
Chitani Inu mumtima;
Mundilandiretu.

5 Muyambe ntchito yanuyi,
Musalekenso, chitani;
Ndidzipereka leroli;
Mundilandiretu.

113

1 Yesu, mulikundipempha,
Munaterodi:
"Mwana, gonja, ndikupatsa
Chimwemwe."

2 Kale ndinakana Inu,
Ndinathawatu;

Ndinazengereza, ndati:
"Mawatu."

3 Lero mtima ungolema,
Usaukadi;
Wina wakundimasula
Ndilibe.

4 Mbuye, ndingogonja tere,
Ndibvomerapo;
Mundithyole, mundikonze
M'mtimamo.

5 Chifuniro change, Mbuye,
Ndiperekachi;
Mutsogole, ndidzatsata
Inudi.

6 Tere moyo wanga wonse,
Mawu, ntchitonso
Zidzakondweretsa Inu
Zonsezo.

7 E, chimwemwe chachikulu,
N'taperekadi
Mtima wanga, ndimapeza
Mtendere.

114

1 Chitha nchiani kund'yeretsa?
Mwazi wa Ambuye Yesu;
Nchiani chindipulumutsa?
Mwazi wa Ambuye Yesu.

*Chitsime ndi chokoma
Chindiyeletsa bwino;
Chinanso sindifuna,
Mwazi wa Ambuye ndiwo.*

2 Mtanda m'mtima ndiyang'na,
Mwazi wa Ambuye Yesu;
Ndikhululukidwa nawo
Mwazi wa Ambuye Yesu.

3 Zonse zina sizikwana,
Mwazi wa Ambuye ndiwo;
Ntchito zanga sinditama,
Mwazi wa Ambuye ndiwo.

4 Ndikhulupirira bwino
Mwazi wa Ambuye Yesu;
Chilungamo change ndicho
Mwazi wa Ambuye Yesu.

115

1 Mndilandire ine Mbuye
Yesu wondifera 'ne;
M'mtima mwanga muzikhala
Mawu anu okhawa.;

2 Ndasokera m'tali ndithu
M'njira zopwetekazo;
Wolemedwa ndingopempha,
Mndilandire inetu.

3 Pakukumbukira zanga
Ndili ndi manyazitu;
Ndingogwera pansu, 'Tate,
Mlapano wandigwiratu.

4 Ndingopatsa Inu Mbuye
M'manja mwanu mtimawu,
Moyo, mzimu, zonse zanga,
Mzilandire Mbuyetu.

5 Mukhululukire ine,
'Tate mundikondadi;
Mundisunge nthawi zonse

Ndi chikondi chomwechi.

NJIRA YACHIKRISTU- KUKONDA NDI KUTHOKOZA

116

1 A Chikondi chopambana,
E, chinadza ndi Mbuye;
Chinasangalatsa m'Mwamba,
Chinalowanso mwa 'fe.
Yesu ndinu wachifundo,
Wa chikondi changwirowo.
Ee, mulowetu m'mtimanga,
Mumuyese mwanutu.

2 'Dzanitu Wamphamvu yonse,
Mtilanditse konseko;
Musachoke, thandizeni,
Muchotse mwangamu:
Inu nokha timakuza
Ndititumikirabe;
Tinyadira chikondicho,
Tichitame konseko.

3 Tsirizani ntchito yanu
Yakulenganso ife;
Idzakhalatu yangwirowo,
Ndiyo yoyenera 'Nu;
Usinthika 'lemu wathu,
Udzakula momwemo,
Mpakatu Kumwamba komwe
Tidzalemekeza 'Nu.

117

1 Ndilikuvu m'mtima mwanga
Mawu ake a Mbuyanga,
Ati, "Ndakukonda iwe,
Kodi undikonda Ine?"

2 Ati: "Mwana, kumbukira
Zonse ndinakuchitira;
Ndakukonda, ndakuferea,
Ndakufuna posokera.

3 "Ku zoipa zonse zako,
Goli la pakhosi pako,
Ndi kunthenda zosautsa
Ndine ndakupulumutsa.

4 "Kodi mayi wobereka
Mwana wake adzamleka?
Pena adzamwalira,
Koma ndikukumbukira.

5 "Nthawi ilikudza yonse
Sindisinthanika konse;
Imfa sindiletsa Ine
Ndisakondekonde iwe.

6 "Ine ndidzakuonetsa
Zonse zakukondweretsa
Za Kumwamba zanga izo,
Mwana, sundikonda ine?"

7 Ambuyanga, ndalephera,
Mwachisoni ndipemphera
Mundipatse ine ndithu
Mtima wakukonda Inu.

118

1 Ati Yesu Mbuyeyo:
"Ofoka ndinutu,
Mudikire, mpemphedi,
Ndidzapatsa mphamvutu."

*Yesu wathadi
Za mangawatu,
Inde ndinaipa bii!
Watsuka ine mbuu!*

2 Mbuye ndimva leroli
Za mphamvu zanuza
Zomwe zisandutsadi
Mtima wanga woti bii!

3 Ine kanthu ndiliba
Kogula moyowu;
Ndingotsuka m'mtimamo
M'mwazi wa Ambuye 'Nu.

4 M'mene ndifa inedi,
Kumwamba mzimuwu
Udzakwera komweko
Kuonana Mbuyeyo.

5 Ndipo pakuima phe!
Pokhala Yesuyo,
Ndidzamtama Mlunguyo
Kosaleka konseko.

119

1 Lindikomera dzina la Ambuye Yesu
wanga,
Lisangalatsa, lichiritsa, lin'chotsera
mantha.

*Dzinalo la Yesu,
Dzinalo la Yesu!
Lindikomera dzina la Ambuye
Yesu wanga.*

2 Lichiza mzimu wophwetekwa
ukakhale bata,
Lidyetsa mtima wonse, lipumitsa
thupi langa.

3 Nlokoma dzinalo la Yesu, ndilo
thanthwe langa,
Chikopa changa, linga langa

m'mene ndibisala.

- 4 Ambuye ndinu Mbusa, Bwenzi, ndi
Wansembe wanga,
Ndi Mfumu, Moyo, Njira yomwe,
Inu ndimatama.

- 5 Tsopano ndibukitsabe chikondi
chanu chija,
Pakufa ine Dzina lanu
lindilimbikitsa.

120

- 1 Ndidzaimba za Mulungu,
Za kukonda kwakeko;
Anatuma Mwana wake
Kundifera kalelo.

*Inde ndidzaimba nyimbo
Za kukonda kwakeko,
Ndidzaimba ndi angelo
Akukhala m'Mwambamo.*

- 2 Ndinachita mphulupulu,
Waiwala zonsezo!
Ndinakhala ndi zoipa,
Wazichotsa zonsezo!

- 3 Wandipatsa moyo wake,
Moyo wakuyera mbuu!
Ine ndili mwana wake,
Wandilera inetu.

- 4 Ndiyamika Mbuye wanga
Ndidzamlemekezabe;
Ndipititsa mbiri yake
Ya kukonda kwakeko.

121

- 1 Bwenzi ndinamkomanayo
Anandikonda kale;
Kukonda kwandigwirako,
M'kukondamo nditsale.
Kumtima kundimangako
Kosamasuka konse;
Ambuye ndine wanutu
Kunthawi nthawi zonse.

- 2 Bwenzi ndinamkomanayo
Anandifera yekha,
Anandipatsa moyowo,
Ndatenga ine ndekha.
Zimene ndili nazozizi
Nza Yesu mwini zonse,
Ndi moyo wanga wonse ndi
Wakenso nthawi zonse.

- 3 Bwenzi ndinamkomanayo,
Ndapeza mphamvu zanga,
Zakundisunga inemo,
Ndiyende m'njira mwanga.
Zolemerera zoti mbee!
Zindilimbikitsa monse;
Ndalema kuno, komweko
N'kupuma nthawi zonse.

- 4 Bwenzi ndinamkomanayo
Wokoma mtima wake,
Wotsogolera nzeruzo
Zisunga m'njira mwake.
Palibe wondichotsa 'ne
Kwa Iye wondikonda;
Pamoyo, imfa, nayeyo
Ndilipo nthawi zonse.

122

1 Ndimkonde Kristuyo,
Ndimkondebe;
Pemphero langali
Mlandiretu;
Ndipempha Inutu,
Ndimkonde Kristuyo,
Ndimkondebe,
Ndimkondebe.

2 Ndatsatsatabe
Za pansipa;
Ndisiye zonsezi,
Nditsate 'Nu.
M'mtimanga wonsewu
Ndimkonde Kristuyo,
Ndimkondebe,
Ndimkondebe.

3 Chisoni chonsecho
Chidzatha phe!
Angelo anuwu
Afiketu;
Nawo ndiimbetu,
Ndimkonde Kristuyo,
Ndimkondebe,
Ndimkondebe.

4 Pakufa pangapo
Ndinenebe;
Myamiko wangawu
Ndikwezebe,
Ndidzapempheradi,
Ndimkonde Kristuyo,
Ndimkondebe,
Ndimkondebe.

Yesu Ambuyathu;
Muli nazo zakezo,
Zidzatu zinanso.
Mlungu wachisomocho
Mbuye wathu ndiye,
Ati zinthu zonsezo
Nzatha mwa Iyeyo.

*(Zina ndi zinanso
Zidza kwa ifedi,
Inde mtima wakewo
Uli wokomadi.)*

2 Mwamva Yesu m'mtimamo,
Adzanso kawiri,
M'mene ali nanutu
Muli ndi chimwemwe.
Ntchito zachifundozi
Iye watha izi,
Kuti mwawo m'Mwambamo
Naye tikhalebe.

3 Mwamva Mzimu wakewo,
Zake zimvekanso
Kugwa ngati mvulayo
Yachisomo chake.
Mzimu ndiye mphamvudi
M'moyo mwathu muno,
Mpaka tidzafikako
Komwe kuli Yesu.

124

1 Poyambapo ndakondwadi,
N'tapeza Inu Mbuyetu,
Ndiimba nyimbo yomweyi,
Kukondwa sindikhala duu!

*Kalelo! Kalelo!
Wandisambitsa m'mtimamo,
Wandiweruza lomwelo,*

123

1 Mwakhulupiriradi

*Kupempha ndi kukondwako.
Kalelo! Kalelo!
Wandisambitsa m'mtimamo.*

"Ndikonda tsopano
Koposa kale lonse."

- 2 Mnyamata wake ndinetu,
Ndimvera Mawu akewo;
Ndampatsa mtima wonsewu,

Ndimtumikire pansipa.

- 3 Kumwamba ndidzanenadi
Za chipangano chathucho.
Wamoyo sindimsiya 'yi,
Nditafa ndinka kwawoko.

125

- 1 Ambuyanga Yesu,
N'kukondani Inu;
Ndisiya zoipa
Chifukwa cha Inu.
Ambuye wabwino
Mndipulumutse konse;
Ndikonda tsopano
Koposa kale lonse.

- 2 Ndikonda chifukwa
Mnayamba kukonda;
Mnafera pamtengo,
Munandiwombola.
Mukhululukira
Zoipa zanga zonse;
Ndikonda tsopano
Koposa kale lonse.

- 3 Ndidzakukondani
Mwa moyo ndi m'imfa;
Ndidzakutamani;
Chikondi n'dzaimba.
Mpakatu ndidzafa,
N'dzanena nthawi zonse;

126

- 1 Ambuye, m'imfamo
Munakonda ine;
Sindikaniza 'Nu

Kanthu konse 'yi.
Ndimagwadira 'Nu,
ndikonda m'mtimamu,
Ndidzaperekatu
Nsembe yangayi.

- 2 Kumwamba kwanuko
Mundipempherere;
Ndikhulupirako,
N'dzalandiradi;
Ndisenze mtandawo,
Ndikhale mboniyo,
Ndikaperekeko
Mitoloyi.

- 3 Ndikhumba mtimawo
Wofatsa ndithu,
Kuti ndiyamba 'ne
Ntchito zanzuzi;
Akusokerawo,
Ofuna zawowo
Abwere kwawoko,
Inde, kwanutu.

- 4 Zambiri zangazo
Mnandipatsa kale,
Ndibweza zonsezi
Kwa Mbuyanga 'Nu;
Ndikadzaona 'Nu,
Mbuye wabwinotu,

Nsembe yokomatu
Ndidzakhalabe.

127

1 Wafunafuna ine
Ambuye Yesuyo;
Wapeza ine ndithu
Wodwala m'mtimamo;
Zochimwa zanga zonsezo
Wachotsa izo zomwezo.

*E! chikondi ndithu,
E! chikondi ndithu,
Ndi chisomo chake chonsecho,
Ndi zozizwa zake zonsezo.*

2 Ndafoka ine kale,
Ndafuna kufaku;
Anadza kundichiza
Zinthenda zangazo;
Ndi mwazi wake woti pyu!
Ndayera nawo m'mtimamu.

3 Mabala ake m'manja
Ndaona indetu,
Ndi minga ya pamutu
Yolasa Mbuyeyu;
Etu, wakonda inedi,
Pamtandapo kufera 'ne.

4 Ndikhumba ine ndithu
Madalo akewo;
Ndifuna kumyamika
Masiku onsewo;
Ndikafa ine pansipa,
Kumwamba ndidzamtamanso.

NJIRA YACHIKRISTU- CHIMWEMWE NDI MTENDERE

128

1 Ambuye Mulungu,
Ndikondwera maka,
Ndapeza chimwemwe
Ndi moyo wosatha.

*Aleluya, mlemekeze,
Aleluya, ndiye Mfumu;
Aleluya, mumpembedze
Ambuye Mulungu.*

2 Ambuyanga Yesu
Nandikhetsera mwazi,
Nakonzero ine
Milandu yangayi.

3 Pamtanda woopsa
Adakandifera,
Natsuka m'mtimanga
Mukhale moyera.

4 Tsopano Mulungu
Alandira ine,
Popeza Mbuyanga
Nawombola ine.

5 Padziko lapansi
Ndikumva chisoni,
Komatu Kumwamba
Ndikhala ndi Mboni.

129

1 Imfa ndi mfumu ya mdimawo,
Anthu oipa imangawo,
Akristu amapulumuka.
Omwe aimbira moyo,

NJIRA YACHIKRISTU CHIMWEMWE NDI MTENDERE

Moyo ndi moyo ndi moyo,
Wosalekana ndi moyo
Wosamaliza Mulunguyo.

2 Yesu anafa pamtandapo,
Mzimu woipa nugomapo,
Ndi ife titame Mulungu,
Ndife tamasudwa m'moyo,
Imfa ithedwa ndi moyo,
Tsiku lomaliza moyo
Wosamaliza Kumwambako.

3 M'mitima mwathu mwakhala mbee!
Mtanda wamdimba wang'ambwa ke!
Panyanjapo pagawanika.
Ndife tipita ku moyo,
Mtima wabwino ndi moyo;
Kumbanda kucha kwa moyo
Kumatiuza za dzuwalo.

4 Akumangidwa ndi mzimuwo,
Mudze ndi ife kwa Yesuko,
Akuchotserani magoli,
Nadzakupatsani moyo,
Mlandu walipa ndi moyo,
Moyo ndi moyo ndi moyo
Tiimbirana za moyowo.

130

1 Adalitsika munthuyo
Wopeza dalo lomwelo
Chisomocho cha Mlunguyo
Chogwera m'Mpingo wakewo.

2 Chikhulupiro chomwenso
Chogweratu m'chikondicho;
Akhala nazo nzeruzi
Zofumatu mwa Mbuyedi.

3 Adalitsika, indetu,
Wodziwa wadza Yesuyu
Nafera iye kalelo
Ampatse moyo wosatha.

4 Akondwerera nthawiye
Pomvera mwini Mlungudi;
Mtendere ngwake panotu,
Nakhala nawo m'Mwambanso.

131

1 Ndidziwitsitsa Yesu ndi wanga,
Tsiku ndi tsiku ndimakondwera.
Anandigula ndi mwazi wake,
Anandipatsa Mzimu woyera.

*Mawu omwewo, nyimbo yomweyi,
Yesu ndimtama tsiku lonseli;
Mawu omwewo, nyimbo yomweyi,
Yesu ndimtama tsiku lonseli.*

2 N'kamvera Yesu ndikakondwera,
Ndiyang'anitsa nkhopeyo yake;
Ndipo angelo anditengera
Ine chisomo ndi chuma chake.

3 Ndine kapolo wa Mbuye wanga;
Andigwiritsa zintchito zake.
Ndimyembekeza adzabweranso,
Adzanditenga kwawo ndikhale.

132

1 Sindinanyengedwa konse
Pakutsata Yesuyo;
Yesu apambana zonse
Ndinalingalirazo.
Pakuyenderana naye

Ndimamdziwa ndi woona;
Ndifunitsa anthu onse
Adziwenso Yesuyo!
Ndifunitsa anthu onse
Adziwenso Yesuyo!

2 Sindinanyengedwa konse;
Yesu wachotsera phe!
Zakuchimwa zanga zonse
Zakupsinja mtimazo.
Yesu potsagana nane
Wandidzaza ndi mtendere;
Kundisunga, kundikonda
Sadzaleka konse 'yi!
Kundisunga, kundikonda,
Sadzaleka konse 'yi!

3 Sindinanyengedwa konse,
Yesu adzabwerabe;
Mtima wanga udiuza
Akuyandikiradi.
Omwe sangamzindikire
Andinyoza nandijeda,
Koma Yesu ati zedi:
"Ine ndidzabweradi."
Koma Yesu ati zedi:
"Ine ndidzabweradi."

4 Sandinyenga, salephera;
Yesu wadalitsa 'ne,
Mpulumutsi ndi Myeretsi
Ndi Mchiritsi yemweyo.
Wandiyanjanitsa naye,
Mtima wanga nakhutitsa;
Sindinanyengedwa konse,
Yesu akwaniradi!
Sindinanyengedwa konse,
Yesu akwaniradi!

133

1 Mulungu wanga,
Ndapeza moyo;
Ndili wokondwera
Masiku onse.

Aleluya, muyenera!
Aleluya, Amen.
Aleluya, ndidzamtama
Mulungu wanga.

2 Mwazi wa Yesu
Unditsukatu,
Ndiye Mbuye wanga
Ndi Mpulumutsi.

3 Pamtanda wake
'Nafera ine,
Ndi zoipa zanga
'Nazichotsadi.

4 Mulungu wanga
Andilandira,
Chifukwa cha Yesu
Mwana wakeyo.

5 Adzabweranso
Kundilandira
Ndikhale ndi Iye
Masiku onse.

134

1 Tili ndi mtendere
Wopambanatu,
Monga ngati mtsinje
Mumitimamo;
Koma mtsinje uno
Umayenda phree,
Nthawi zonse mtima

NJIRA YACHIKRISTU CHIMWEMWE NDI MTENDERE

Nutonthozabe.

*Tikakhulupira
Mlungu wathuyo,
Tidzaona mwayi
Ndi mtenderewo.*

2 Dzanja la Mulungu
Litisunga nji!
Nkhondo ya Satana
Sitiopa 'yi.
Zaphokoso zonse
Ndi zoopsyazo
Sizibvuta mtima,
Sizilowamo.

3 Masauko athu
Ndi zokondwazo,
Azilola zonse
Ndi Atatewo.
Ponkhulupirira
Tidzapezabe
Kuti mtima wake
Utikonda 'fe.

135

1 Yesu ndiye Mbuye wanga,
Ndamva Mawu akewo;
Anandilandira ine,
Nandipulumutsatu.

*Mwalembedwa mukalata
Mawu ake omwewo,
Kuti iwo akumvera
Akalandiridwatu.*

2 Ndinakhala wakuipa,
Ndinamkana kalelo;
Koma Yesu waiwala
Mphulupulu zangazo.

3 Wapumitsa mtima wanga,
Kaamba ndaphunziratu
Mawu ake olembedwa
Mukalata mwakemo.

4 Mumvetu abwenzi athu,
Musakanirire 'yi;
Yesu aitana inu,
Zalembedwa zomwezi.

136

1 Mtendere uli m'mtima mwathumu,
Chifukwa mwazi watitsuka mbuu!

2 Zakutsogolo sitidziwa 'yi;
Adziwa Yesu wathu zonsezi.

3 Abale angakhale m'talimo
Mbuyathu asungira onsewo.

4 Imfa ndi manda sitiopa 'yi,
Chifukwa Yesu wazithetsadi.

5 Mtendere wapambana
m'Mwambamo
Pakufa ife tidzaonanso.

137

1 Ndiimba mumtima mokondwa
Ndi nyimbo yokoma yoyera;
Ndiimba za Yesu Mbuyanga,
Anditonhoza 'ne phée!

*Chete! Chete!
M'mtima mtenderemu phée!
Udzera kwa Yesu wokonda
Mtendere mumtimamu.*

2 Pamtanda Mbuyanga 'nafera,
Akandichotsera zochimwa;
Anandigulira mtendere,
Anditonhoza 'ne phe!

3 Pomulambira Yesu Mbuyanga,
Mumtima mtendere walowa;
Mdalitso woposa ndapeza,
Anditonhoza 'ne phe!

4 Pokonda Yesuyo, mtendere!
Kunthawi zosatha, mtendere!
Potsata Mbuyanga apatsa
Mtendere mumtimamu.

NJIRA YACHIKRISTU- CHIKHULUPIRIRO

138

1 Khalani duu! Ambuye adzatu;
Senzani chete mtanda wanuwo;
Mulungu adzakonza zanzuwo,
Sangasinthike mtima Iyeyu.
Khalani duu! Bwenzilo Yesuyo
Atsogolera m'njira mwathumu.

2 Khalani duu! Mulungu wanuyu
Akonzeratu nthawi zonsedi;
Musakayike mtima; zo'psyazo
Zimasulidwa pomalizapo.
Khalani duu! A Yesu mawuwo
Ngamphamvu lero monga kalelo.

3 Khalani duu! Pakufa mnzathuyo,
Pakumlira ndi misoziyo;
Panthawizo abwera Yesutu,
Mitima yathu natonthazadi.
Khalani duu! Ambuye athadi
Kutibwezera zochotsedwazi.

4 Khalani duu! Pakufa ifetu,
Ndi Yesu tidzakhala indetu
Popanda mantha ndi zowawazi,
Chikondi chokha koma m'mtimamo.
Khalani duu! Pakutha zonse phe
Tidzasonkhana tonse kuli 'Ye.

139

1 Namondwe akawombabe,
Mafunde akakulanso,
Palipo pobisala 'fe,
Ndi popemphera Yesuyo.

2 Paja athira Yesutu
Chimwemwe muli m'manthamo,
Paja pokometsatu
Mwazi wa Yesu nukhapo.

3 Pakulekana ifetu
Mitima ikomanapo;
Tikumbukana 'bwezi 'fe,
Popemphererana komweko.

4 Tidzathawira kuti 'fe
Pochita mantha nkhwanso?
Pakuyesedwa, tinke ku?
Tipemphe Yesu mphamvuyo.

5 Tikhale ndithu pomwepo;
Zapansi zisalowe 'yi.
Sitidzapempha m'Mwambamo;
Tidzayamika Mlungudi.

140

1 Mulungu anditsogolera,
Ndapumula m'mtimamo;
Ayang'anira njira zanga zonsezo.

NJIRA YACHIKRISTU CHIKHULUPIRIRO

*Mulungu anditsogolera
Nsiku zanga zonsezo;
Ndidzatsatira Mbuye wanga
M'njira mwake momwemo.*

- 2 Masiku ena pali mdima,
Ndivutidwa m'mtimamo;
Masiku ena ndikondwera
Ndi zabwino zangazo.
- 3 Masiku onse m'mtima mwanga
Ndili ndi mtenderewo,
Chifukwa ndimakhulupira
Mtsogoleri wangayo.

141

- 1 M'mene ine ndisauka
Ndi zoipa zangazo,
Ndidzapita lwa Mulungu,
Adzandilandidiratu.

*Mlungu adzandilandila,
Iye ndiye 'Tate wanga;
Watumiza Mwana wake
Andifere kalelo.*

- 2 Ngatitu abwenzi anga
Sandikonda ine 'yi,
Ndikhulupirire Mlungu,
Iye sandikana 'yi.
- 3 Pansi pano ndili mlendo,
Kwathu ndi Kumwambako;
M'mene ndimwalira ine
Ndidzapita komweko.

142

- 1 Mbuyanga Yesu, mundigwire dzanja;

Kuyenda ndekha sindikwana 'yi;
Mukandigwira dzanja langa, Mbuye,
Sindikaopa kanthu kena 'yi.

- 2 Mbuyanga Yesu, mundisunge ine
Pafupi ndi 'Nu nthawi yonseyo;
Ndikasowatu Inu, Mpulumutsi,
Ndingosokera m'talimo.
- 3 Mbuyanga Yesu, ndikapanda Inu
Ukadza mdima m'mtima mwangamu;
Koma ndinutu dzuwa langa ndithu
Lakuwalitsa m'mtima momwemu.
- 4 Mbuyanga Yesu, mundigwire dzanja
Pamene ine ndimwalirapo.
Mkhaletu m'fupi nthawi yomwe Mbuye,
Mundilowetse ine m'Mwambamo.

143

- 1 Ndifuna Inu, Yesu,
Ndadzala ndi machimo,
Mumzimu muli mdima,
Ndikufatu m'katimo.
Ndifuna kutsukika
M'chitsimecho cha mwazi
Wa Inu wokondedwa,
Munandifera kale.
- 2 Ndifuna Inu, Yesu,
Lisowa bwenzi lina
Losungiritsa ine,
Londithandiza mwina.
Ndifuna mtima wanu
Wodziwa nkhawa zanga,
Wondisenzera mtolo
Wa tchimo lonse langa.

3 Ndifuna Inu, Yesu,
Ndimasauka ndithu,
M'ulendo andisowa
Kambayo wa padziko.
Ndifunanso chikondi
Cha Inu chondisunga,
Chakundisangalatsa
Panjira ponse panga.

4 Ndifuna Inu, Yesu,
Ndidzaonana nanu,
Mudzadza pamitambo
Ikhale mpando wanu;
Pamodzi ndi ananu
Ndidzakondwera kuti;
Ndilemekeze Inu,
Ambuye, Mpulumutsi.

144

1 Ndifuna Yesuyo
Ambuyanga,
M'mtendere ndinkemo
Mwa Iyeyu.

*Ndifuna Inu Yesu,
Nthawiyi ndifuna;
Kwa Yesu Ambuyathu
Ndifunako.*

2 Ndifuna Yesuyo
Mobvutamo,
Ndipulumukemo
Mwa Iyeyo.
3 Ndifuna Yesuyo
Mokondwa ndi
Mowawa, adzemo
Ndi moyodi.

4 Ndifuna Yesuyo,
Ndichite 'ne
Zofuna zakezo,
Ndidzazebe.

5 Ndifuna Yesuyo
Woyeratu,
Ndikhale wakeyo
Wa Iyeyu.

145

1 Mtima wa Mbuyako
Ukukonda 'we;
Ndiye wakuona
Wopirirabe;
Ukasowa bwenzi,
Usaope 'yi;
Chikondano chake
Chikwaniradi.

2 Akukumbukira
Yesu yemweyo;
M'kuyanjana naye
Muli moyomo.
Uderanji nkhwawa?
Mpulumutsiyo
Atisamalira,
Atisungatu.

3 M'munda wa Mbuyako
Muli ntchitomo;
Amithenga ake
Aigwirayo.
Usaime chabe,
Usakhale duu!
Yesu akufuna
Umthandizetu.

4 Kwawo kwa Mbuyako
 Udzafikako;
 Mwa ulemerero
 Udzapuma phee!
 Usalowerere,
 Mvera Yesuyo,
 Ati: "Mwana wanga,
 Bwera kwathuko."

2 Anthu onse pansi pano
 Sakhutitsa mtima wawo;
 Amadera zinthu zawo,
 Namakhumba zakutali.

3 Khala chete mtima wanga,
 Zikwanire zinthu zako;
 Usakhumbe zapansipa,
 Koma Mlungu wako yekha.

146

1 Pamene ndisauka,
 Pamene ndibvutidwa,
 Mizimu yakuipa
 Ikadza nindiyesa,

*Mulungu wanga,
 Mwini mphamvu,
 Mkandikumbukire 'ne.*

2 Pamene ndilemedwa
 Ndi zakuipa zanga,
 Polowa mdima m'mtima,
 Pochita ine mantha,

3 Masiku anga onse
 Mulungu mundisunge;
 Pamene ndimwalira,
 Ndi tsiku lomaliza,

147

1 Khala chete mtima wanga
 Mlungu wako ndiye Mfumu;
 Zinthu zonse zisinthika,

*Mlungu ndi wachikhalire.
 (Khala chete,
 Chidzakupinga ninji?
 Usaope,
 Mulungu ali nawe.)*

148

1 Ngati mtima sumakonda
 Yesu, supumula bwino;
 Mbuye, suwu mtima wanga,
 Ndiwo wanu, mulandire.

2 Dziko lonse ndilitaya;
 Ndikondetsa Yesu Mbuye;
 An'komera kopambana
 Andikondweretsa ndiye.

3 Ndakudani, mnandikonda
 Ndi kukhetsa mwazi wanu.
 Simuleka kundikonda;
 Ine sindidzalekanso.

4 Mndisungire mtima wanga,
 Uzikhulupira Inu,
 Kuti moyo wanga wonse
 Ubisaletu mwa Yesu.

149

1 Njira yanga sindidziwa,
 'Tate muikonza;
 Komatu ndizindikira
 Kuti mundikonda.

2 M'mene mantha andigwira,
Andidetsa m'mtima,
Mbuye, ndithawire kwanu
Poti mundikonda.

3 Sindidziwatu zamawa,
Koma sindiopa;
Ndidzakhulupira Inu
Kuti mundikonda.

4 Inde wakukonda ndinu;
Mawuwo oona
Andidzaza ndi chimwemwe:
Mlungu andikonda.

NJIRA YACHIKRISTU- KUYERA MTIMA

150

1 Odala ndi onsewo
Oyera m'mtima mwawo;
Adzaonana ndi Mulungu,
Yesu ndiye wawo.

2 Ambuye anachoka
Kumwamba, Mwini moyo,
Wofatsa anakhala nafe,
Mfumu yachisomo.

3 Mumtima wakufatsa
Akonda kukhalabe;
Asankha mtima wakuyera,
Ndiwo nuymba yake.

4 Tifuna Inu, Mbuye,
Mtininkhe mtima uwu
Wodzichepetsa, wakuyera,
Woyenera Inu.

151

1 Mndiyandikitse nanu, Yesu,
Ndiyenderane nanu;
E, nditsamire panu, Yesu,
Panjira yonseyi.

2 Ndionetsere kuunika
Kokoma kwanu, Yesu!
Yabwino mbiri ndibukitse
Yokondweretsayo.

3 Chitsime chakuyera ine
Ndifanefane nacho;
Mundigwiritse ntchito zanu
E! zanu zokhazo.

4 Mulamulire mtima, Yesu,
Ndi chifuniro changa;
Mulowe mwanga ngati Mfumu;
Mundimveretsedi.

5 Ndimamva njala kuno, Yesu,
Yakufunitisa Inu;
Kumwamba kwanu ndikukhumba
Kukondwa nanuko.

152

1 "Khala mwa Ine," Yesu anatero;
Mawu abwino, koma Mbuye wanga
Sin'ngathe ndekha, mukhalitse ine
Mwa 'Nu ndikhale nawo moyotu.

2 "Khala mwa Ine," munachotsa tsoka,
Mletse Satana anganyenge ine;
Mibvi yamoto yake muizime
M'mtimamo, ndikhulupirire 'Nu.

3 "Khala mwa Ine," ndinu mwini

NJIRA YACHIKRISTU KUYERA MTIMA

mphamvu,
Mundithandize ine ndikafoka;
Mzimu Woyera andiululire
Zoona zanu m'mtima mwangamu.

Kumwamba n'dzaimbira
Kukoma kwanuku;
N'dzatama nthawi zonse
Chikondi chanucho.

4 "Khala mwa Ine," ndinu mwini moyo,
Nthambi zouma zidulidwa m'mtengo;
Ine wopanda Inu ndifokanso,
Zipatso zikasowa msadze 'ne.

5 "Khala mwa Ine," Mbuye, ndifunitsa;
Mzimu Woyera mlonge m'mtima
mwanga,
Akagonjetsetu machimo anga
Mtima woyera andipatsenso.

153

1 Ambuye mundisunge
Pafupi ndinutu;
Palibe malo pena
Popuma pansipa.
Adani andizinga,
Zoipa m'katimo;
Chifundo chanu Yesu
Chikonze m'mtimamo.

2 Ndikabisala mwanu
Ndiliba mantha 'yi;
Ndikasungidwa kwanu
Mumtima muti phee!
Ndi mphamvu yanu yokha
Ndiposa 'daniwo;
Chifundo chanu Mbuye
Chitchinjirize 'ne.

3 Ndidzaonana nanu
Mokondwadi.
Oyera mtima onse
Apenya Mbuyeyo.

154

1 Khalatu woyera,
Pempheratu m'tseri;
Werengani Mawu
Masiku onsewo.
Uthangate omwe
Ali akufoka,
Madalitso ake
Ufunefunebe.

2 Khalatu woyera,
Dziko laipadi;
Pemphera kolimba
Kwa Yesu Mbuyathu.
Yang'anitsa Yesu
Ndi kumutsatira,
Kuti anthu ena
Aonenso Iye.

3 Khalatu woyera
Akutsogozetu;
Usamtsogolere
Munjira zakozo.
Pokondwa ndi m'nsoni
Tsata Ambuyako.
Khulupira Yesu
Ndi Mawu akewo.

4 Khalatu woyera,
Khalatu wofatsa;
Alilamulire
Ganizo lakolo
Utatsogozedwa
Ndi Mzimu wakeyo,

Msanga udzagwira
M'Mwamba ntchito yake.

Kuti ndinu ndikondane;
Ndinalira Inu Mbuye,
Msandileke poitana.

155

1 Mudzaze Yesu mtima wanga ndi
chikondicho,
Ukhazikike pa Mulungu
wosachokapo.

4 Mzimu, msandipitirire,
Mupenyetsatu akhungu;
Mboniyo ya Mbuye Yesu,
Mundipatse ine mphamvu.

2 Mwa ine myatse moto wanu
wakuyera mbuu,
Utenthemo zoipa zonse
zidakhalamo.

5 Ndinagona mwa zoipa,
Ndinakunyozeni ine,
Dziko lino ndinakonda,
Mbuye, mukhululukire.

3 Mubweretu nomwe 'Nu munatsika
kalelo;
Ndilira Ine mundidzaze mphamvu
yanuyo.

6 Ha! Chikondi cha Mulungu,
Mwazi wa Mbuyathu Yesu,
Chiyanjano cha Mzimuyo,
Zonse ndidzalemekeza.

4 Ndikhazikike inetu, mumtima muli
mwai,
Ndi Yesu ndikondanetu, si kanthu
kena ai.

157

1 Ambuye, thandizenitu
Ndi mphamvu zanuzo;
Pantchito zathu zonsezi
Mthandize Mbuyathu.

156

1 Mbuye ndamva mwawazira
Anthu ena madalitso;
Mvula yanu yawagwera;
Mbuye, ine mudalitse.

2 Zochimwa zathu m'mtimamo
Tilira nazotu;
Mumtima mwathu muti zii;
Mthandize Mbuyathu.

*Etu ine, etu ine,
Mbuye, ine mudalitse.*

2 'Tate msandipitirire,
Ndimaipa mtima ine
Ndiyenera munditaye,
Koma mukhululukire.

3 Mthandize Mbuye, timvetu,
Tikalandiredi
Zimene muperekazo
Zakudalitsa 'fe.

3 Yesu, msandipitirire

4 Kumwamba Yesu mthandize,
Tilibe wina 'yi;
M'moyo muimfa mthandize,
Tikhale kwanuko.

NJIRA YACHIKRISTU KUYERA MTIMA

158

1 Pokhala mtendere mu mtimangamu,
Pamene ndisaukanso,
Pamene mavuto ndi akuludi,
Moyo wangawu ngwabwinotu.

*Moyowo
Ngwabwino,
Moyo wanga ulitu bwino.*

2 Ngakhale Satana andizunza 'ne,
Chilipo chitonthozacho;
Chifundo cha Kristu anafera 'ne,
Kundipatsa 'ne moyo wake.

3 Uchimo unapachikidwa pomwe
Pamtanda wa Yesu Mbuye;
Machimo angawo anatherapo;
Mbuye wanga, ndiyamika 'Nu.

4 Ambuyathu, ndikhumba tsiku lija
Limene ndidzaona 'Nu;
Lipenga limveke, ndidzakondwatu
Pakukomana ndi Yesuyo.

159

1 Ndilira ine kukayenda
M'njira ndi Mulungu;
Ndilira nyali ndikaone
Njira ya kwa Yesu.

2 Chimwemwe chija chamumtima
Ndinalawa kale
Poyambutsata ine Yesu,
Chili kuti tere?

3 Kalelo m'mtima ndinakondwa,
Tere ndingolira,
Zokoma zonse zapadziko
Sizindikwanira.

4 Mubwere, Mzimu wa mpumulo
Mundileze m'kati;
Ndidana nazo zoipazo
Zinakuchotsani.

5 Mundichotsere tchimo lonse
Ndinakonda kale,
E, muligwetse kuti ndinu
Mfumu mukakhale.

6 Mkatero ndidzayenda m'njira
Ndi Mulungu wanga,
Idzandiunikira nyali
Njira ya Kumwamba.

160

1 Ndilira mtima wotamanda
Mlungu, ndi woyera,
E, mtima woyamika mwazi
Munandikhetsera.

2 Mtimatu wopirira ndi
Wofatsa m'kati mwake,
Mumveke Mbuye Yesu yekha,
Ndiye Mfumu yake.

3 Ndilira mtima wakulapa
Ndi womvera Yesu,
Wosasiyana ndi Ambuye
Wakukhala m'mwemo.

4 E, mtima watsopano ndi
Wodzala ndi chikondi,
Wangwiro ndi wokoma, Mbuye
Wakukhala wanu wonse.

5 Mkhalidwe wanu mundipatse,
Ndifane nanu,
Mulembe m'mtima mwanga Dzina

La chikondi chanu.

161

- 1 Zoipa zangazi
Zidetsa m'mtimamu;
Mnditsuke, Yesutu,
Kutsuka koti mbuu!
- 2 Ndafoka inetu,
Ndalema m'mtimamu;
Andilimbisa 'Ye,
Kulimba koti njo!
- 3 Zin'sowa indedi
Zabwino m'mtimamu;
Ambuye, mdzazebe,
Kudzaza koti tho!

162

- 1 Ambuye, ndifuna nditsukenitu;
Mukhale ndine mumtimamangamu;
Muthyole zonsezo zodetsa 'netu;
Musambitse ine, ndiyeretu mbuu!

Ndiyere mbuu! E, ndiyere mbuu!
Mundisambitse ine, ndiyeretu mbuu!
- 2 Ambuye, chotsani zonse zomwezo
Zakundisautsa mumtimangamu;
Ndileke zangazo zoipa 'netu;
Mundisambitse ine, ndiyeretu mbuu!
- 3 Kumwamba ndiona Ambuyangayo,
Mudzandithandiza, nditsate 'nemo;
Mudzandichotsera zoletsa 'netu;
Musambitse ine, ndiyera mbuu!

- 4 Chifukwa cha ichi ndipempheratu,
Ndidikira Inu Ambuyangayu;
Ndikhulupirira pa mwaziwo pyu!
Musambitse ine, ndiyeretu mbuu!

163

- 1 Usafune chuma chokha,
Pena masewera okha,
Koma za Mulungu zokha
Zipambana zinazo.
- 2 Ukafuna kulemera,
Pempha chuma chosathera,
Ndiwo mtima wakuyera
Ndi wokonda Yesuyo.
- 3 Zosauka unvomere,
Ndipo Yesu chaulere
Chikondano ndi mtendere
Alowetsa m'mtimamo.
- 4 Zonse umazinyadira
Udzaleka kusirira;
Uli nazo zokwanira
Pakupeza Yesuyo.
- 5 Mbiri yake ubukitse,
Anthu onse nuphunzitse,
Kwa Mulungu nufikitse
Osokera onsewo.
- 6 Yesu sakusiya konse;
Mphamvu, nzeru, chuma chonse
Akupatsa nsiku zonse;
Tsata Yesu yekhayo.

NJIRA YACHIKRISTU- KUTUMIKIRA

164

1 Mkristu, ulimbike
M'ntchito yakeyo;
Yesu anafera
Anthu akewo.

2 Mphamvu zathu zonse
Tionetsenso,
Kuti kudziwike
Tili akewo.

3 Mtima wakufatsa
Amakondako;
Ndipo anthu onse
Angatengewo.

4 Mapemphero athu
Tikakwezebe,
Dzina lake lomwe
Tiyamike 'fe.

5 Limbikani nonse
Mpaka imfayo,
Ndipo Mfumu yathu
Idzakondwako.

165

1 Gwira zintchito zako,
Pomva usiku udza;
Yamba mamawa ndithu
Potuluka dzuwa.
Gwiranso m'nsana monse
Dzuwalo likatentha;
Gwira tsopano ntchito;
Msanga udzaleka.

2 Ntchito za Yesu gwira
Pomva usiku udza;
Lero lonseli gwira,
Bwino udzapuma.
Gwiratu tsiku lonse
Ntchito tsopano ntchito,
Tere udzaleka.

3 Mkristu gwiratu ntchito
Pomva usiku udza;
Dzuwalo lopendeka
Tere lidzalowa.
Gwiranso 'dzulodzulo
Kutada mdima bii!
Tsono zintchito zonse
Zatha zonsezi.

166

1 Tithawiranji ifetu?
Mphamvu za Yesu nzathunzo.
Kristu atithangatatu
M'ntkhondo ya moyo wathuyo.

2 Yendani bwino m'njiramo
Ya kwa Mulungu wathuyo;
Kwezani maso kuli 'Ye;
Kristu ndi njira yomweyo.

3 Nkhawa tilibe; Yesuyo
Atsogolera m'njiramo;
Tikhulupire Iyeyo,
Kristu ndi moyo wathuwo.

4 Tioperanji ifetu?
Ali pafupi Mbuyeyu;
Sangasinthike mtima 'yi;
Kristu akonda ifetu.

167

1 Mbuye, nditsate bwanjiko?
Ine ndikonde bwanjinso?
Bwanji kuyenda m'njiramo
Yonka Kumwamba kwawoko.

2 Kodi m'njiramo ndimvadi
Nsoni zowawa, nkawazi
Ndi masauko, mingayi?
E, nkana izi n'tsatabe.

3 Anasauka Mbuyeyo,
Mwini nalola zonsezo;
Anatsiriza ntchitozo,
Osabwerera imfayo.

4 Ndikamayenda m'mdimamo,
Mletse zodandaulazo;
Mundikumbutse mtandawo;
Zanga zichepa zonsezo.

5 Inde nditaya chumacho,
Ndikondweretse Mbuyeyo,
Thupi liopa mingayo
Koma mlimbitse mtimawo.

168

1 Yesu afuna iwe unnke kwawoko,
Lowa m'njira yake yakuyayeratu;
Anadzera m'Mwamba
kutiperekezako;
Yamba msanga iwe kunka kwanuko.

*Tsata, tsata, nditsatadi Yesu;
Iwetu, iwetu, ukatsatanso.
Tsata, tsata, nditsatadi Yesu;
Inu nonse mukatsate Mbuyeyo.*

2 Ngati umtsata Mpulumutsi wakoyo,

Udzakhaliranso kuli Mbuye
wakoyo;
Adzapulumutsa thupi, mzimu
wakonso,
M'mphamvu ndi chilango cha
zoipazo.

3 Kungsi kudambo, pena m'mwamba
m'phirimo,
Pomwe pali Yesu
ndidzayendayendapo;
Andiperekeza bwino m'njira yakeyo,
Kuli Mzinda wa Mulungu wangayo.

169

1 Mbuye, mwatiuza 'fe
Tizikhala mchere
Wokometsa onsewo
Akumanga kwathu.
Mcherewu ndi ifetu;
Mtifanize nanu,
Tikakope ndi chitsanzo
Onse akuchimwa.

2 Mbuye, mwatiuza 'fe
Tizikhala nyali
Yoonetsa onsewo
Njira yonka kwanu.
Njaliyi ndi ifetu;
Kuunika kwanu
Mutipatse tiwalire
Osokera onse.

3 Tisasungaluke 'yi,
Tisasiye Yesu.
Tisabise nyaliyi
Pakuchita mantha.
Mcheretu ndi nyaliyi
Tizikhala tonse;

NJIRA YACHIKRISTU KUYERA MTIMA

Mbuye, mtiyeretse m'mtima
Tikatero ndithu.

Sunayambe kukayenda,
Ugwadire Mlunguyo.
Pena ulikusekera,
Pena nkhwawa m'mtimamo,
Wachimwemwe, wachisoni,
Uza yesu zonsezo.

170

1 M'mawa tizifesa
Mbewu zakukoma,
Msana ndi usiku
Tizifesa momwe.
Nyengo yamasika
Tidzatemala m'munda
Tidzabwera tonse
Ndi zipatsozo.

*Ndi zipatsozo,
Ndi zipatsozo,
Tidzabwera tonse
Ndizipatsozo.*

2 Tizifesa m'dzuwa,
Tizifesa m'mthunzi,
Sitiopa ife
Mtambo ndi chisanu.
Athatu masika
Ntchitozi zidatha;
Tidzabwera tonse
Ndi zipatsozo.

3 Tingolira kaya,
Koma tidzafesa
Mbewu za Ambuye;
Ntchitoyo nja Yesu.
Adzachotsa msozi,
Adzatilandira,
Tidzabwera tonse
Ndi zipatsozo.

171

1 M'mene umauka m'mawa,
Sunagwire ntchitozo,

2 Wakuchezacheza naye
Ukagwira ntchitozo;
Pakukumbukira Yesu,
Nkhawa zidzachokanso.
Ndi zapansi zikafuna
Kukudzaza m'mtimamo
Utsogole kopemphera,
Uza Yesu zonsezo.

3 Ndi m'kutero udzadziwa
Chifuniro chakecho;
Iye adzakuthandiza
Uthangate enanso;
Ndi ofoka ulimbitse,
Akulapa bwezatu;
Ndi za ntchito zake izi
Uza Yesu zonsezo.

4 Ndipo ngati ungolema,
Ulefuka m'dzulomo,
Ndi Satana akayesa
Kukukola m'mtimamo;
Wakufola, wakuopa,
Penyetsetsa Iyeyo;
Udzakhazikika m'mtima
Pakumuza zonsezo.

NJIRA YACHIKRISTU- NKHONDO ZA MAYESERO

172

1 Haya! 'Nzanga taonani
Yoonekayo

Yakumwamba iti: "Yesu
Alinkudzako."

*Kanganani nkhondo yanu
Ndi mbendera mbuu!
Tibvomere: "Inde Mbuye
Mtithangatetu."*

2 A! mizimu yakuipa

Isautsabe,
Tikanize zakuipa
Zotizinga 'fe.

3 Mdani adza nazo mphamvu,
Koma ifetu
Tidzamtsetsa nkhondo yake
Timwingitsetu.

4 Yesu ati, "Ndidza msanga!"
Thangateni phee!
Mbweze mawu akulimba:
Tikanganabe.

173

1 Anatilemba Yesu tikagwire nkhondo
yake,
Natilimbitsa tipirire osaopa kanthu.
Kwa Satana n'ziwembu zake sitigonja
konse;
Tiyenderana naye Mfumu yathu
yopambana.

2 Amaliwongo ochuluka amalowa
m'mtima
Nafuna kuipitsamo usana ndi usiku;
Tikatsatabe Mfumu yathu sitidzagwa
konse,
Pakuti atipatsa mphamvu tipambane
nazo.

3 Amatininkha zida zoteteza mtima,
ndizo:
Kupempherabe, kukhulupirira ndi
kufatsa;
Mtheradi, ndi lupanga ndilo Mawau a
Mulungu;
Pogwira zida zakezi sitilephera
konse.

4 Mafumu atiuza tikaletse ukapolo,
Ndi kumasula goli la anzathu akuopa.
Tiyeni, tiwauze za Mbuyathu
Mpulumutsi,
Nitiwanditse mlathu.

174

1 Limba mtima mbale wanga,
Usapunthwe m'njirayi;
Onatu nyenyezi ija
Ikutsogoleradi.
Tamveratu Mlungu yekha,
Chita zolungama 'we,
Yenda bwino, khulupirira
Mbuyeyo, Mbuyeyo,
Ndi kuchita zakezi.

2 Taya zako zochenjera,
Taya zamumdimanso;
Nthawi zonse khulupira,
Chita zolungamazo.
Usayang'anire wina
M'khondo yako yomweyi,
Koma m'zonse khulupirira
Mbuyeyo, Mbuyeyo,
Ndi kuchita zakezi.

3 Leka zakuipa zako,
Myambi yonse yoti bii,
Usakhulupire mommo;

Tamveratu Mbuyedi.
 Adzadana nawe ena,
 Ena adzakonda 'we;
 Kweza maso, khulupirira
 Mbuyeyo, Mbuyeyo,
 Ndi kuchita zakezi.

4 Mawu ake atipatsa
 Mphamvu ndi mtenderenso,
 Bwino atitsogolera,
 Tikhulupirira 'wo.
 Limba mtima, usapunthwe
 M'njira yamumdimayi;
 Yenda bwino khulupirira
 Mbuyeyo, Mbuyeyo,
 Ndi kuchita zakezi.

175

1 Poyesedwa ine
 Yesu mudzetu,
 Mundipempherere
 Ndisachimwetu.
 Mukaona kuti
 Ndilefukatu,
 Mbuye mndilimbitse
 Nazo mphamvutu.

2 Ndi zapansi pano
 Ndikokedwadi,
 Koma ndi chisoni
 Mndiphunzitsedi;
 Ndisaiwalire
 Za Getsemane,
 Pena mtanda wanu
 Yesu Mbuye 'Nu.

3 Mukandipweteka,
 Ndipirirapo;
 Nsembe yanga ndiyo,

Landirani 'yo.
 Ndikachita mantha
 Sindithawa 'yi;
 Mtima udzalimba,
 Ndidzaima nji!

4 Pakumalizidwa
 Moyo wangawu,
 Pomwalira ine,
 Mudze Mbuyetu.
 Ndidzadzipereka
 M'manja mwanumo;
 Mpulumutsi Yesu
 Mndilandireko.

176

1 Ambuye wa Kumwamba,
 Mundithangatetu
 Kuyenda bwino lomwe
 M'elendo unowu.
 Kawiri ndi kawiri
 Ndipunthwa m'njiramo;
 Mlimbitse mtima wanga,
 Ndingatayikeko.

2 Ndikhumba Mzimu wanu
 Kundiweretsa mbuu!
 Pang'ono ndi pang'ono
 Mundiphunzitsetu;
 Ndifuna nzeru zanu
 Zakundifitsako
 Kumwamba kuli Inu,
 Ambuye wangayo.

3 Yochita ndi yodikha
 Mupatse mphamvuyo,
 Ndikhale wochenjera,
 Wogwira ntchitozo.
 Zoipa zanga zonse

Mufafanizezo,
Ndi yende nanu nokha
Masiku onsewo.

177

1 Tiyezi Akristu,
Nkhondo tiigwire;
yesu Mbuye wathu
Atitsogolera.
Mfumu yathu mwini
Atipatsa moyo;
Taonanitu mbendera,
Yailowa nkhondo!

*Tiyezi Akristu,
Nkhondo tiigwire;
Yesu Mbuye wathu
Atitsogolera.*

2 Nkhondo ya Satana
Idzakuthawani;
Tiyezi Akristu,
Kaipambaneni.
Idzanjenjemera
Mukapfu'litsatu;
Imbitsanitu anzathu,
Mawu mukwezetse.

3 Mpingo wa Mulungu
Uli ngati nkhondo;
Titsagane nawo
Ana a Mulungu.
Sitipatukana,
Ndifetu amodzi;
Ch'yembekezo, chikondano,
Chonse ndi chimodzi.

4 Zonse zapadziko
Zidzamalizika,

Koma Mpingo wake
Uli chikhalire;
Udzalaka ndithu
Mphamvu za Satana,
Yesu analonjezetsa,
Mawuwo sakana.

5 Tiyezi anzathu
Tizithandizana;
Imbirani nafe
Nyimbo zopambana.
Kristu ayenera
Mphamvu ndi ulemu;
Tidzamlemekeza kwawo
Komwe kuli Yesu.

178

1 Tiyezi, Akristu inu,
Mumenyane nkhondo iyi,
Mukafoka nonse, koma
Yesu akulimbisani.

2 Muyendenso kunka komwe,
Mugonjetse mdani wanu;
Musafoke, musaleme,
Musagone konse inu.

3 Musagonje, anthu inu,
Mtamiretu Yekha Mbuye;
Ipambana mphamvu yake,
Ya Mtsogoli wanu yemwe.

4 Mtima wanu wonse ndithu
Udzakhala ndi chimwemwe.
Zida zanu mbvale bwino
Zakudzera m'Mwamba momwe.

5 Limbikani inu nonse,
Msangalalo ngwanu nokha;

Musaope kanthu kena,
Mumtamire Mbuye Yekha.

6 Tiyezi ku nkondo iyi,
Mugonjetse zonse konko;
Muingitse mdani uja,
Muyendetse m'njira momwe.

179

1 Akristu limbikani,
Imani mtima nji!
Mbendera nyamulani,
Msatenthemere 'yi.
Wotsogolera wathu
Ndi Mwana wa Mulungu;
Adzagonjetsa onse
Adani athuwo.

2 Tigwire nkondo yomwe
Ya Mbuye wathuyo;
Tileke zakuipa
Zokhala m'mtimamo.
Sitikwanira tokha
Kuleka zathu zomwe,
Koma Mbuyathu Yesu
Atithangatatu.

3 Tsopano timenyana
Ndi zakuipazi;
Pamene nkondo yatha
Tidzanka kwathuko.
Yesu adzalandira
Ankhondo ake onse;
Adzakhalira naye
Kumwamba komweko.

180

1 Mbuye, ndapangana

M'njira yanuyi,
Kuti ndidzayenda
Osaleka 'yi.
Mundipatse mtima
Wopiriramo,
Wakukana zonse
Zondipingazo.

2 Mzimu wakuipa
Undiyesa 'ne;
Mundithangatiye
Ku'thawitsabe.
Akandisautsa
Kum'dzi kunoku,
Mulowetse mphamvu
M'mtima mwangamu.

3 Akathira nsembe
Ku mizimuyo,
Ndipenyera kwanu,
E, Kumwambako.
Tsoka ndi zonyenga
Za ufitizo,
Yesu, mndilimbitse
Ndisaopezo.

4 Pena kumwa nawo,
Ndisateroko,
Pena kukaona
Gule woipa,
Pena kuwombeza
Sindifuna 'yi;
Yesu mndithandize
Kuzikanazi.

5 Ndinu Mbusa wanga;
Mndithandizetu;
Ndisaipse nazo
Mtima wangawu.
Osaoopa konse,

Osachimwa 'yi.
Mndiyendetse Yesu
M'njira yanuyi.

NJIRA YACHIKRISTU- ULENDO WA KUMWAMBA

181

1 Aulendo, munka kuti
Ndi zindodo m'manja mwanu?
Paulendo tizipita;
Aitana Mbuye wathu;
Pamapiri, pamadambo,
Tizipita komwe kwawo
Kuli dzikolo labwino,
Tizipita komwe kwawo
Kuli dzikolo labwino.

2 Kodi simuona njira,
Inu anthu akufoka?
Ayi, atiperekeza
Mbuye wathu wotikonda
Iye amakhala nafe,
Natitsogolera ife,
Atitsogolera ife
Kuli dzikolo labwino.
Atitsogolera ife
Kuli dzikolo labwino.

3 Mundiuze, aulendo,
Muli chiani m'Mwamba muja?
Atibvekako zoyera,
Akorona natininkha:
Moyo, moyo atipatsa,
Kwa Mulungu tidzakhala.
Kuli dzikolo labwino,
Kwa Mulungu tidzakhala
Kuli dzikolo labwino.

4 Kodi inu, aulendo,
Ife titsagane nanu?
Inde, mudze inu nonse,
Mudze nafe paulendo.
Inde, mutiperekeze,
Yesu atilinda ife.
Yesu atilinda ife
Kuli dzikolo labwino,
Yesu atilinda ife
Kuli dzikolo labwino.

182

1 Ana akumwamba ndife,
Paulendo timaimba;
Timatama Mbuye wathu
Wa ulemmerero wonse.

*Tilikupita kwathu kuja
Munjira ya atate athu,
Amakondwera lero lomwe;
Tinka kuonana nawo.*

2 Mbuye anatiitana
Kukagwira ntchito yake,
Kuitana anthu onse
Atsatenso njira yino.

3 Inde Mbuye, tibweradi,
Zathu zonse tizisiya,
Mtsogoleri wathu ndinu,
Titsatabe Inu nokha.

183

1 Mbuye munditsogolere,
Ndine mlendo m'dziko muno;
Ndikafoka mundikweze,
Mundisunge m'manja mwanu;
Mundidyetse, mundidyetse,

Sindingamve njalayo.

- 2 Mundimwetse madzi anu,
Andichize nthenda zanga;
Utsogole mtambo wanu,
Ndikadziwe njira yanga;
Mpulumutsi, Mpulumutsi,
Munditchinjirizetu.
- 3 Ndikalowa m'mtsinje muja,
Mndichotsere mantha onse;
Mndilowetse tsidya lija,
Ndikondwere nthawi zonse;
Nyimbo zanga, nyimbo zanga
Zidzalemekeza 'Nu.

184

- 1 Ndimayenda paulendo,
Ndi yaminga njira yake;
Tsoka ndikapeza, koma
Ndinka kwa Atate;
Pena m'mtima mwanga mwada,
Pena andibvuta 'dani,
Ndikatenga nkhwawa, mantha,
Amadziwako.
- 2 Ichi chindisangalatsa
M'mene nkondo indigwira,
M'mene nsoni zazikulu
Zimanditsatira;
Mtima ukhazikika m'mene
Kwathu kuja ndikumbuka,
Kuti Mlungu ali ndine,
Andisungako.
- 3 Mbuye andipeza lero,
Andikonda, andisunga;
Adzapitikitisa mdani
Akamandibvuta.

E, ulendo wanga utha,
Tsono ine ndimwalira;
M'mene ndidzafika kwawo
And'landirako.

- 4 Komwe ndi chimwemwe ine
N'dzaonana ndi Atate,
N'dzangwadira ndi kumtama
Amandikondabe.
Sakandisautsa kanthu
M'dziko lija lakukoma;
Adzandalitsa Yesu,
Ndidzakondwako.

185

- 1 Mundiwalire m'njira mwangamo,
Mbuyanga 'Nu,
Kwada usiku, ndasokerako,
Mtsogoletu.
Phazi langali mndisungirenso,
Ndilonde Inu m'njira monsemo.
- 2 Sindidapempha kale Mbuye 'yi,
Mtsogole 'Nu;
Ndasankha ndine, koma leroli
Nditsatatu.
Ndidadzikuza osaopa 'yi;
Ambuye, msakumbuke zomwezi.
- 3 Ndi kale lonse mnandisunga 'ne;
Tsopanonso.
M'khwawa, paphiri, mundisungebe
M'tsogolomo.
Ndipo mamawa n'dzaonana ndi
Abale anga adafikadi.

186

- 1 Tiyeni nonsenu okonda Yesuyo,

Tiimbe nyimbo yabwino,
Tiimbe nyimbo yabwino,
Ku mpando wakewo,
Ku mpando wakewo.

*Tiyeni pamodzi,
Tilikupita Kumwamba;
Akristu tilikupita
Ku Mzinda wa Mlungu.*

2 Ngakhale enawo aleke kwimbako,
Akristu 'fe tidzaimba,
Akristu 'fe tidzaimba,
Kulemekeza 'Ye,
Kulemekeza 'Ye.

3 Akristu tonsefe, tikondwe m'Dzikoli
Koposa anthu enawo,
Koposa anthu enawo,
Tisanafikeko,
Tisanafikeko.

4 Tiimbe mokondwa, misozi iume;
Poyenda kunka kwathuko,
Poyenda kunka kwathuko,
Kwa Mlungu wathuyo,
Kwa Mlungu wathuyo.

187

1 Ndamvatu kuti tifika komweko
Kuli Ambuye, Mtetezi wathuyo
Inde, pakutha zobvuta zathuzo
Iye tidzamuona maso ndi maso.

*Ndi Mbuyeyo tikhalamo,
Kupenyanso wokondatu;
Tidzakondwera E
nthawi zonse,
Ndicho chimwemwe ndi
ulemutu.*

2 Kaamba chisomo cha Mbuyathu
uyu,
Malo koma tipeza m'Mwambamo;
Kumva Mtetezi amene ndi Yesu,
Ndicho chimwemwe ndi
chachikulutu.

3 Onse aliko takonda kalelo,
Kale napita kwa Yesu Mbuyawo;
Koma kumwona Mtetezi wathuyo
Ndicho chimwemwe choposa,
nchathucho.

188

1 Ukatha moyo wanga
Kumwamba kundichera;
Dzuwalo ndimalira
Lafika lokomera.
Usiku m'nali mdima,
Tsopano mbanda kucha;
Kudzawalitsa ndithu
Ku Dziko la Mulungu.

2 Chitsime chachikondi
Ndi Yesu Mbuye wanga;
Ndalawa mtsinje pano
Ndzamwetsa ine m'Mwamba.
Komweko zidzakula
Chisomo ndi chifundo,
Pondiwalira kuja
Ku Dziko la Mulungu.

3 A! Yesu Bwenzi langa
Inenso bwenzi lake,
Woipa 'ne alola
Ndilowe m'Nyumba mwake;
Ndikhulupira Iye
Achotsa mphulupulu;
Kudzandiwalitsira

Ku Dziko la Mulungu.

- 4 Ambuye andisunga
M'chifundo chachikulu;
Zisoni zisanduka
Chimwemwe cha Mulungu.
Dzanjalo ndilitama
Ndi mtima wachifundo,
Mpakatu kwawalitsa
Ku Dziko la Mulungu.

**NJIRA YACHIKRISTU-
ZA MALIRO**

189

- 1 Tikagwidwa ndi chisoni,
Ikayendanso misozi,
Poliriratu abale,
Yesu mutimveretu.
- 2 Munabvala thupi lathu,
Munadziwa masauko,
Mnalirira bwenzi lanu;
Yesu mmutimveretu.
- 3 M'mene imfa yathu idza,
Mweya wathu ukaleka,
M'mene ife timwalira,
Yesu mutimveretu.
- 4 Mnamwalira Inu paja,
Mwazi wanu munakhetsa,
Koma Inu munadzuka;
Yesu mutimveretu.
- 5 Mtima ukachita nkhwawa
Ndi zoipa zotimanga,
M'mene tikachita mantha,
Yesu mutimveretu.

190

- 1 Kodi uli ndi chisoni
Choliritsa mtima wako?
Kweza maso ndi Atate
Akumvetsa zonsezi.
- 2 Kodi umadandaula:
"Mbale wanga waferanji?"
Kumbukira Wakumtenga
Saphophonya konse 'yi.
- 3 Mbale wako unamkonda,
Koma Yesu amkondetsetsa;
Anamfuna nangomtenga;
Usammane Yesu 'yi.
- 4 Pakutsazikana nanu
Ndi potseka maso ake,
Imfa, bii! Anangogona
Koma adzadzukanso.
- 5 Usalire; Mpulumutsi
Analawa imfa Yekha;
Imfa yomwe nagonjetsa
Potuluka m'mandamo.
- 6 Chikondano sichifera;
Mbale wako udzamwona
Kwathu komwe; zipirira
Mpaka ukafikako.
- 7 Leroli chisoni chokha,
Tsiku lija kungokondwa;
Kweza maso osalira,
Yesu akukondadi.

191

1 Ntchito yonse yakeyo
Yatha m'dziko linoli;
Mlendo wafikatuko
Pokocheza leroli.

'Tate, mwa kusunga kwanu

Timusiya mwana wanu.

'Tate, mwa kusunga kwanu

Timusiya mwana wanu.

2 Yatha misoziyo,
Zobisika zonse mbee!
Aweruza bwinoko
Ndiye Wolungamayo.

3 Komwe Mbusa kwawoko
Atengera nkhusa zonse,
Zake asungiramo
Zosaopa kanthu konse.

4 Onse akulapawo
Ayang'ana mtanda wake;
Aphunzira komweko
Zonse za kukonda kwake.

5 Dothili kudothilo,
Pfumbili kupfumbi tere;
Mpaka adzadzukanso
Timusiya mumtendere.

NJIRA YACHIKRISTU- ULEMERERO WA KUMWAMBA

192

1 Mumzinda wa Mulungu
Moyera mulimo,
Ndiye amathu omwe
Olera ifewo;
Mitima yathu yomwe
Ikondwereratu,

Nikhala nawo Mzinda
Wakukongolawu.

2 Akondwerera anthu
Zokoma zonsezi
Za midzi ya padziko
Lapansi lonseli;
Mtendere wake koma
Wa Mzinda wathuwo
Upambanitsa zonse
Zapansi pomwepo.

3 Ndi nkondo ikaleka
Kwa Mulungu komweko,
Ndi ukapolo watha,
Udani wathanso;
Ndi zakuopsa zonse
Ndi zosauka zii!
Ndi mwayi wa kwa Mlungu
Udzaza mutu tho!

193

1 Nlokoma Dziko langa!
Ndiyayang'anirapo,
Ndilira ndi chikondi
Poona dzinalo;
Pakumva mbiri yanu
Mumtima muti duu!
Ndi moyo ndi mtendere
Imalowetsamo.

2 Mokhala mokhamokha
Mokondwa momwemo;
Misozi yatha yonse,
Angosekeramo;
Panyezimira ponse,
Panyumba pati mbee!
Pamyala pakongola
Yoyala ponsepo.

3 Makomo afanana
Ndi myala yoti mbuu!
Ndi Kristu wopambana
Aonekeramo;
Ndi mtanda woyeretsa
Wopachikidwapo,
Amamlambira Mfumu
Namlemekezanso.

4 Kulibe gombe, nyanja,
Kulibe nthawi 'yi
Alendo alandira
Zoziziritsazi;
Pa Mwala Wamuyaya
Amanga Nyumbayo,
Ndi omwe opambana
Adzakondweramo.

5 Nlokoma Dziko langa!
Kopita onsewo
Mulungu awasankha,
Tifuna kunkako.
Ambuye, mutsogole
Ku Dziko komweko;
Tidzakuimbirani
M'ulemereromo.

194

1 Ndikondwa kuganizabe
Za Dziko la Mulungu;
Momwemo muli abwenzitu
Okhala mumtendere.

Iwo salekana, iwo salekana,

Ayi salekana abwenzi omwewo.

2 Komweko akhala Yesuyo
Mtetezi wa inedi
Pakati pa 'womboledwawo;
Sadzamva kuwawanso.

*Iwo asekerera, iwo asekerera,
Inde asekerera kumwona Yesuyo.*

3 Mulibe zoipa m'Dzikolo,
Nzokomazo zabwino;
Ndi nthenda, imfa, misoziyi
Kumwamba kulibenso.
*Dziko labwinotu, dziko labwinotu,
Nawo mtenderewo, tikhumba ilotu.*

4 Ndikonda kuganizirabe
Za Dziko la Mulungu,
Za zonse zotikondweretsamo,
Nzosathanso chikondi.
*Ife tikondwera, ife tikondwera,
M'mene tidzampenya Ambuye wathuyo.*

NJIRA YACHIKRISTU- PEMPHERO

195

1 'Tate wa Kumwambako,
Likayere Dzinalo,
Udzetu Ufumu wanu;
Chifuniro chanucho
Chichitike pansipa
Monga chachitika kwanu.

2 Mutipatse leroli
E, chakudya chathuchi
Tsiku n'tsiku tichilira.
Mukhululukiredi
Tchimo lathu, monga 'fe
Iwo adatichimwira.

3 Musatifikitsemu
Muli mayeserowo,
Koma mutipulumutse.
Wanu ndi ufumuwo,
Mphamvu ndi ulemunso

Kufikira nthawi zonse.

196

- 1 Mtima wanga ndikonzera,
Mbuye Yesu aitana;
Ati: "Mwana, tapemphera,
Ine sindidzakukana."
- 2 Mbuye, ndinu Mfumu yanga
Yolemara ndi yamphamvu;
Ndikapemphatu zambiri,
Simundimanira kanthu.
- 3 Ndikabwera ndi katundu
Wa zoipa zanga zonse;
Mwazi wake wa Ambuye,
Udzandiyeretsa konse.
- 4 Mbuye, ndinalema ine,
Mlowe Inu m'mtima mwanga;
Mkhale m'mwemo mwini wake
Mantha mwandichotsera 'ne.
- 5 Ndine mlendo pansi pano,
Mndilimbitse ndi chikondi;
Bwenzi, mundilondolere
Njira pa ulendo wonse.
- 6 Mndidziwitse ntchito yanga,
Mphamvu yake mundipatse;
Mundilimbikitse m'mtima
Ndikakhale kwa Atate.

197

- 1 Pemphera m'mbanda kucha,
Pempheranso usana;
Pemphera m'dzulo momwe,
Pemphera ndi usiku.
Ndi mtima wonse idza,

Tulutsanso zachabe;
M'nyumbamo ugwadire
Ndi kukapempherabe.

- 2 Kumbuka 'bale ako
Ndi onse uwakonda;
Pemphera 'dani ako
Amene akutonga.
Dzipempherere wekha
Mulungu akusunge;
Tchulanso popemphera
Dzinalo la Ambuye.
- 3 Akakusowa malo
Opempheramo m'tseri,
Komatu m'mtima mwako
Mwalowatu zoyera;
Anazilonga m'mwemo
Ndi Mzimu Wakuyera;
Zolingirira zija
Kwa Mulungu zidzakwera.
- 4 Tilibe madalitso
Akulingana n'lino
Atate atipatsa,
Kupempherabe bwino.
Ukamvatu chisoni,
Kwa Ambuye kapemphera.
Adzakusangalatsa,
Pemphero adzamvera.

198

- 1 Pokupempherani
Mundiphunzitse 'ne
Ndi Mzimu wanu Woyera,
Ndikayanjane nanu, Atate,
Ndi kukulemekezani 'Nu.

2 Mndikumbutse zomwe
Munandichitira
Ndikakuyamikireni,
Ndikweze Dzina lomwe angelo
Aliimbira Kumwambako.

3 Mndimvetse chisoni
Pakuululira
Zochimwa zanga zambiri;
Mumtima ndi kupatsa mtendere
Mutachotsera zoipazo.

4 Chikondi, chimwemwe,
Chifatso, chiletso,
Zipatso zonse za Mzimu
Mundibalitse, ndikafanane
Ndi Mbuyathu popempherapo.

5 Pakupempherera
Anzanga ndi onse
Akusokera mumdima,
M'wapulumutse ndi k'wachitira
Zomwe mufuna k'wapatsawo.

6 Polowa ndi Inu
M'chipinda cham'tseri,
Posonkhananso pamodzi,
Muyandikire nafe, Atate,
Mtibvomere, mtidalitsepo.

199

1 Bwenzi lathu ndiye Yesu
Atikonda ifetu;
Zifunsiro zathu zonse
Tipemphere Mbuyathu.
Mtima phee tisowa tonse,
Zitibvuta chabeko,
Kaamba sitimanka konse
Kumpemphera Mlunguyo.

2 Tili nazo zotiyesa,
Zitidetsa nkhwamu;
Tisadandaule chabe,
Timpemphere Mbuyathu.
Kodi tikaona wina
Timkhulupiriremo?
Yesu atidziwa bwino,
Timpemphere yekhayo.

3 Kodi tikulema nazo
Zotiwawa m'mtimamo?
Atipulumutsa Yesu,
Timpemphere Iyeyu.
Kodi adathawa 'bale?
Pempheratu Bwenzilo;
Akusunga m'mkono mwake,
Udzapumuliramo.

200

1 Zokoma ndithu nthawizi
Kwa Mlungu zondifitsadi;
Kumpando wachifumuwo
Ndiuza zanga zonsezo
Pobvuta ine mtimamo
Nditulapo pa Yesuyo;
Pakuyesedwa ndinkatu
Kwa Mbuye, sindikhala duu,
Pakuyesedwa ndinkatu
Kwa Mbuye, sindikhala duu.

2 Zokoma inde nthawizi
Zotama Dzina lomweli
La Yesu, ndi woonayo
Ndilakalaka Iyeyu
Wofera ine pansitu;
Pakuda nkhwawa ine bii
Nditchula Dzina lomweli
Pakuda nkhwawa ine bii
Nditchula Dzina lomweli.

3 Zokoma etu nthawizi"
Ndicheza naye Mlungudi;
Komatu kwathu m'Mwambamo
Kumwona ndi koposako.
Pobvula ine thupili,
Ndilowa Dziko lakedi;
Ndidzati nthawi yomweyo;
"Tsalani bwino pansipo."
Ndidzati nthawi yomweyo;
"Tsalani bwino pansipo."

MPINGO WA MULUNGU

201

1 Mtidzutse, Mbuyetu,
Mtionekeremu;
Munene zakumvekazi,
Timvere ifetu.

*Mtidzutse, Mbuyetu,
Mtipatse moyonso;
Mudzetu, Mbuye, mudzetu,
Tidalitseni 'fe.*

2 Mtidzutse, Mbuyetu,
Tikweze Dzinali;
Tiuzireni Mpweyawo
M'mitima yathuyi.

3 Mtidzutse, Mbuyetu,
Timvere Mawudi;
Zoonu zanu tonsefe
Tikhulupire 'zi.

4 Mtidzutse, Mbuyetu,
Mthirensa moyowo;
Ulemu ngwanu nokha 'Nu,
Dalitso nlathulo.

202

1 Akristu ndi abale, tiziyenderana tonse,
Mulungu mmodzi tili naye, ndi
Ambuye yemwe,
Chitsime chomwe, njira yomwe
yokhulupirira;
Tiyeni tonse, m'Mpingo 'modzi
tiziyenderana.

2 Atate yemwe anatuma Mpulumutsi
mmodzi
Kudzatifera kuti atiyanjani tonse,
Ndi Mzimu yemwe ayeretse akumvera
onse;
Tiyeni tonse, m'Mpingo 'modzi
tiziyenderana.

3 Anatipatsa Mawu onse olimbitsa
mtima;
Kumwamba komwe tinka ndi kulonda
njira yomwe.
Tibalalikirani ife akutsata Yesu?
Tiyeni tonse, m'Mpingo 'modzi
tiziyenderana.

4 Satana apambana tikayamba kusiyana;
Tikayanjana, yemwe adzagonja ndi
kuthawa;
Mbuyathu adzamthyola konse ndi
kumlamulira.
Tiyeni tonse, m'Mpingo 'modzi
tiziyenderana.

5 Tiphatikane tonsefe okonda Yesu
...Kristu;
Tisalekane pakugwira ntchito za
Mbuyathu;
Tilimbisane pakuyenda m'njira yonka
kwathu.

Tiyeni tonse, m'Mpingo 'modzi
.tiziyelerana.

203

1 Mbuye, Mpingo wanu usauka kwa
kukuludi;

Kale lija munatsitsa Mzimu wanu
Wakuyera;

Lero linonso muchite, ulimbike
Mpingo wanu.

2 Tidza kwa Mulungu Inu, ndinu wa
chifundo;

Mutipatse Mzimu wanu tsopanoli,
tere lino;

Tikakhale ndi chimwemw kuti
...tilimbike ndithu.

3 A! maliro m'Mpingo mwanu kulirira
'balewo

Adasokerera kale ndi zoipa zapa
dziko.

Muwabwezerenso kwanu kuti .
akakhale mommo.

4 Ndi chikondi mtithandize kuigwira
nkhondoyi;

Mwa kulema ndi kulimba
mutipempherere ife,

Kuti tilimbane naye Satanayo,
osam'wopa.

5 Pakubweradi Woyesa tidzamlaka
ifetu;

Angelonso adzabwera kutithandizira
ife

Kuti tilimbike ife ndi kumchotsa
m'mtima mwathu.

6 Pa la Mulungu tibwera kulandira
zidazo;

Mphamvu yanu ndi chikondi
zitisogolere ife;

Machitidwe ndi mkhalidwe zikokere
ena kwanu.

204

1 Aulendo amayenda

Muusiku wo'psyawo,

Namaimba nyimbo zawo

Kunka kwawo m'Mwambamo.

2 Kuunika kuoneka

Koingitsa mdimawu;

Mbale amakondwerera,

Osaopa konse 'yi.

3 Mlungu amaunikira

Anthu ake onsewo,

Namachotsa mantha omwe,

Nayeretsa m'njira mbee!

4 Anthu osawerengeka

Amtamira onsewa,

Nagonjetsa zosautsa

Pomtamira Mbuyeyo.

5 Pakufika tsidya lija,

Zotibvuta zonse phée!

Mfumu yathu yopambana

Idzaticondweretsadi.

6 Nthawi yina adzadzuka

Ogonera m'mandamo,

Kuthawatu mphamvu zonse

Zotivuta pansipa.

**MPINGO WA MULUNGU-
KUPEMPHERA KWAMAMAWA**

205

- 1 Tadzuka mzimu wanga'we
Ugwire ntchito zakozi;
Kukondwa uketengedi,
Pemphero ulikwezedi.

*Pemphero, pemphero,
Pemphero ulikwezedi;
Pemphero, pemphero,
Pemphero ulikwezedi.*

- 2 E, nthawi ya mamawayi
Umtamandire Mbuyeyo,
Nuyese lero ngatitu
Tsiku lakumalizalo.

- 3 Munkhani zako zonsetu
Unene molungamadi,
Nudziwe kuti Mbuyako
Adziwa zachinsinsizi.

- 4 Pa tsikuli, Mbuyanga 'Nu,
Munditsogoze m'njiramo;
Ulemerero wanuwo
Undilimbitse monsetu.

- 5 Timlemekeze Mlunguyu
Wa madalitso onsewo;
Timlemekeze tonsefe,
Atate, Mwana, Mzimunso.

206

- 1 Kristu wakuyerau,
Kristu wakuwalayo,
Wolungama mdzuketu,
Muingitse mdimawo.

Dzuwa lathu m'Mwambamo,
M'wale m'kati m'mtimamo.

- 2 Konse kuli mdima bii
Kosakhala Inutu;
Nlosakondwa tsikuli
Mosawala Inu 'mu.
Ndionetu m'katimo
Mwakuwala kwanuko.

- 3 Mudze, mlowe m'mtimamu,
Mchotse monse mdima bii;
Mdzaze ndi kuyeraku,
Mchotse zosamverazi;
Ndi kuyera kwanuku
Ndikaone bwinothu.

**MPINGO WA MULUNGU-
KUPEMPHERA KWAMADZULO**

207

- 1 Ambuye munapatsa tsiku
Limene langopitali,
M'mamawa nyimbo zathu zomwe;
Mukhale nafe nthawiye.

*Mukhale, mukhale,
Mukhale nafe nthawiye;
Mukhale, mukhale,
Mukhale nafe nthawiye.*

- 2 Tipempha kuti Mpingo wanu
Ukhaleponse m'dzikoli;
Mumdimamonse muwaletu,
Kuwala kwanu kudzedi.

- 3 M'maiko monse, zisi zomwe,
Kuwala kumafikamo;
Kupempha sikuleka konse
Kuyamikira Yesuyo.

4 Pogona ife, amadzuka
Abale akutaliwo;
Panthawi yonse anthu ena
Alemekeza Mbuyeyo.

5 Ufumu wanu, Mbuye Yesu,
Ukhala nthawi zonsedi;
Magulu onse adzagonje,
Nalowe m'njira mwanumu.

208

1 Mukhale ndine, dzuwalo lalowa,
Wagula usiku, bwenzi lindisowa;
Ndiliba wina wakundithandiza,
Wamphamvu ndinu, mkhale ndinetu.

2 Kamoyo kanga katha lero lino,
Zidzachokanso zinthuzo za dziko;
Zimasinthika zonse zooneka,
Simusinthika, mkhale ndinetu.

3 Koma kalelo mnakhalitsa pano,
Mukhale ndine, msandichokerenso,
Sin'pemphe kuti Mbuye mungotsotse,
Komatu mukhalitse ndinetu.

4 E, tsiku lonse Inu ndifunitsa;
Ndi mphamvu yanu yokha ndisungika;
Mukatsogola ndidzadikha mtima;
Usiku, msana, mkhale ndinetu.

5 Adani sindiopa mukalipo;
Muletse tsoka ndi chisoni chino;
Ikadza imfa n'dzalimbika m'mtima;
M'moyo ndi m'imfa mkhale ndinetu.

209

1 Atate ndiyamika, mwandisamalira
leroli;
Mulungu wondikonda, mndisungenso
m'mdima muno bii.

2 Mundikumbutse, ndikapanda tulo,
za Kumwambako;
Zoganizira zoipitsa m'mtima
muchotseremo.

3 Zochimwa za usana uno
mndikhululukire 'ne;
Mtendere wanu mulowetse m'mtima
ndikagone phee.

4 Mundilimbitse ndikayese manda ngati
mphasayi,
Nditagonamo ndikadzuke tsiku
lomalizalo.

5 Tiyamike Mlungu wotipatsa
zachifundozi,
Amyamike onse a Kumwamba ndi
apansipa.

210

1 Dzuwa lapitira,
Wadza mdimawo,
Mthunzi wamadzulo
Wagwa m'mwambamo.

2 *M'mwambamo nyenyezi
Zithwanima mbee;
Zonse zili m'tulo,
Pansi pali duu.*

3 Yesu mutipatse
Tulo toti phee;

Ndi mdalitso wanu
Mndifonetse 'ne.

4 Mpatse ana 'ng'ono
Alotemo mbee;
Anthu aulendo
Msungesungebe.

5 Mutonthoze mtima
Wopwetekawo;
Akutsata tchimo
Mletse onsewo.

6 Wonsewu usiku
Andisunge 'ne
Amithenga anu
Akuyera mbee.

7 Ndidzukanso m'mawa,
Kucha koti mbuu,
Ndiyeretu mtima
M'maso mwanumo.

8 Titamadi 'Tate,
Mwana wakeyo
Mzimu Woyeranso,
Nthawinthawizo.

211

1 *Dzuwa lapita*,
Dzuwa lapita,
Mlungu, mutigonetse phee.

2 *Mdimafafika*,
Mdimafafika,
Mutisunge tonse bwino.

3 *Tibvomereze*,
Tibvomereze
Zakuchimwa zathu zonse.

4 *Mkhululukire*,
Mkhululukire
Zoipazi zathu zonse.

5 *Lero tigone*,
Lero tigone,
Tigonemo mumtendere.

6 *Ndife ananu*,
Ndife ananu,
'Tate Mlungu wotikonda.

7 *Aleluya!*
Aleluya!
Aleluya! Aleluya!

212

1 Madzulo aja kalelo
Odwala anagona duu;
Opwetekedwa nthendazo
Munachiritsa Inutu.

2 Tsopano lino kwada bii,
Nafenso timva m'mtimamo;
Simuoneka, komatu
Tidziwa muli nafedi.

3 Wopulumutsa mudzetu;
Adwala ena m'mtima bii,
Ena sakukondani 'Nu,
Ena sasamalira 'yi.

4 Ndi ena sanamvera 'yi,
Enanso aledmedwatu,
Zoopsy nazo tifadi;
Mukadza tidzaposatu.

5 Wopulumutsa, Inunso
Munasauka kalelo;

84 MPINGO WA MULUNGU KUPEMPHERA KWAMADZULO

Muona zoda m'mtimamu
Tibisa ndi manyaziwo.

6 Mutichiritse ifenso
Mutiphunzitse zanuzi;
Timve tsopano mawuwo
Ochiza nthenda yathuyi.

213

1 Mpulumutsi tikagona
Mtitalitse m'mtimamo;
Tingolapa zakuipa,
Muzichotse zonsezo.
Kukadetsa bii usiku
Inu mutipenya 'fe;
Simulema, simugona;
Anthu anu msungabe.

2 Atipsinjadi masoka,
Mibvi iponyekatu;
Atisungadi angelo,
Moyo mutipatsa 'Nu.
Ngatitu usiku uno
Ikabwera imfayo,
Mtiukitse m'mawa kwanu,
Mpatsenso zoyerazo.

214

1 Mulungu wanga, Dzuwatu
La mtima wanga ndinudi;
Palibe mdima ngatitu
Mukawalira inedi.

2 Muchotse zonse zoti bii
Zobisa nkhope yanuyo;
Mudzazetu mtimangawo
Ndi kuunika kwanuko.

3 Madzulo ano mkhaletu
Pafupi ndine, Yesudi;
Ndisanagone tuloto,
Ndilingalira Inudi.

4 Kapena wina leroli
Wasokerera m'njirayi
Ya Inu Mbuye, mbwezetu,
Mumpulumutse iyedi.

215

1 Lero mwatipatsa moyo,
Wadza mdima, kwada bii;
Mtigonetsetu usiku,
Mchotse zakuipazi.
Yesu mutisunga ife;
Tidzakhulupirabe.
Yesu mutisunga ife;
Tidzakhulupirabe.

2 Ndife anthu aulendo,
Tili ndi adaniwo;
M'manja mwani mtigonetse,
Mtichotsere manthawo.
Ndipo pakumuka ife,
Kwanu tidzapumabe.
Ndipo pakumuka ife,
Kwanu tidzapumabe.

MPINGO WA MULUNGU-TSIKU LA MULUNGU

216

1 Kwacha lero kwati mbee,
Tsikku la Mulunguli;
Dzuwa liwaliradi
Thambo ndi zapansipa;
Upumira mpweyawu
Wa Mulungu konseku.

2 M'nyumba yanu, Mlungu, 'yi
Tisonkhana teretu,
Ndi mitundu yonseyi
Tikulambireni 'Nu;
Yesu Mbuye wathuyo
Ndiye Mfumu ponsepo.

3 Inu Mlungu kalelo
Mutalenga zonsezi
Munapuma tsikulo;
Tipumadi ifenso.
Mommo tilansiratu
Zopumitsa mtimawu.

4 Yesu munadzukanso
M'manda lero lomwetu;
Ntchito munayambayo
Yakudzutsa anthu 'fe,
Kuti ndi mitimayi
Tigwirebe ntchitozi.

217

1 Ambuye, tasonkhana
Tsiku lino lopatula;
Tidzapembedza Inu
Tsiku lino lopatula.
Bwenzilo lakufatsa,
Mbweretu kutipatsa
Mtima wakumvetsetsa
Tsiku lino lopatula.

2 Sitinanyalanyalaza
Tsiku lino lopatula,
Tigwadirira m'mantha
Tsiku lopatula.
Mbwezetu maganizo,
Mtimvetse malangizo;
Tchimo mufafanize
Tsiku lino lopatula.

3 Timvere Mawu anu
Tsiku lopatula;
Muwadalitse ndithu
Tsiku lopatula.
Mtiperekeze kwathu,
Msunge mitima yathu;
Mpatse chisomo chanu
Tsiku lino lopatula.

218

1 Dzuwa la Mulungu
Ladzatu labwino;
Ndi chimwemwe ife
Tiliona lero.
Lithawitsa nkhawa,
Lichotsanso mantha,
Ndimu m'mtima mwathu
Likhalitsa bata.

2 Tikondwera kuti
Tipumula lero;
Tazileka ntchito
Kuti tipemphere.
Koma ntchito zathu
Zapa lero lino
Nzakumvera Yesu,
Kumlandira bwino.

MPINGO WA MULUNGU- NYUMBA YA MULUNGU

219

1 Ndi lokoma m'Mwambamo,
Mbuye, Bwalo lanulo;
Ndi mwabwino muli 'Nu
Dziko losachimwali;
Mtima wanga wonsewu
Umakhumba m'Mwambamo
Nkhope ya Mbuyathuyu,
Mlungu wa chisomoyo.

2 Zimbalame zonsezi
 Zimayamikira 'Nu;
 Anthu amakondwanso
 Okhumbira m'Mwambamo;
 Njiwa yosapumayo
 Inafika m'chombocho;
 Okhulupirira 'Nu
 Amapuma kwanuko.

3 Anthu opembedzawo
 Amakondwa m'mtimamo;
 Munapatsa madzitu,
 Munagwetsa manawo;
 Mumakoma mtimatu
 Tidzayamikiratu,
 Pa chimpanocho chanucho
 Mkhale Mfumu yathudi.

220

1 Yesu mkhale nafe
 Nthawi yomweyi,
 Kuti mphamvu zanu
 Tilandirezi.

2 Mzimu Wakuyera
 Mutipatsetu,
 Mtima wathu wonse
 Usakhale duu.

3 Moyo watsopano
 Ulimbitse 'fe;
 Mlungu wathu yemwe
 Timdikirabe.

MPINGO WA MULUNGU- KUYAMIKIRA

221

1 Antchito a Mulungu 'nu

Olinda m'nyumba mwakemo.
 Myamike, muimbiretu
 Mulungu Mbuye wathuyo.

2 Mugwade pansu m'nyumbayo,
 Mpembedze nonse Mlungutu;
 Mugadamire m'Mwambamo,
 Mtamande Mbuye wanutu.

3 Yehova adalitse 'nu,
 Ndiyeyo wachifundocho,
 Asunge moyo wanuwu;
 Amtame anthu onsewo.

222

1 Kwezani mitu yanuyo,
 Zipata zamuyaya,
 Ikalowemo Mfumu ya
 Ulemereroyo!
 Amfumu awa ndaniko?
 Ambuye ndiyeyo,
 Mulungu wogonjetsa onse,
 Wolimba mphamvu njo!
 Mulungu wogonjetsa onse,
 Wolimba mphamvu njo!

2 Tatsegukani inutu,
 Zitseko zosathera,
 Amfumu a Kumwambako
 Alowe mwanumo.
 Amfumu awa ndaniko
 Wolemereroyo?
 Mulungu wa makamu ndiye,
 Wolemereroyo.
 Mulungu wa makamu ndiye,
 Wolemereroyo.

*Aleluya, aleluya,
 Aleluya, aleluya,
 Aleluya!
 Amen, amen, amen.*

223

1 Mulungu ali muno,
Tonse timgwadire,
Mantha omwe timchitire;
Ali mukachisi,
Tonse tili chete,
Ndi ulemu timpembedze;
Ndiye yekha Mlungu wathu
Atipulumutsa,
Tizimlemekeza.

2 Mwini madalitso,
Mndikonzere m'mtima,
Mbuye, ndingokhulupira.
M'Mwambamo angelo
Agwadira Inu,
Ife tigonjanso kuno;
Mpingo wonse uchititse
Chifuniro chanu
Ponse pansu pano.

3 Yesu Mbuye wanga,
Mkhale m'mtima mwanga,
Ndiwotu kachisi wanu.
Ikafika imfa,
Mundisunge kwanu
Kuli Inu ndi angelo.
Moyo wanga ulimbike
Kufikira ine
Ndidzakupenyani.

**MPINGO WA MULUNGU-
UBATIZO****224**

1 Mtsinje woyerawo
Wotuluka m'nyumbayo
Ya Mlungu wathuyo
Uyeretse tonsefe.
Ife tifikeko

Tibatizidweko,
Tiyeretsedwedi
Ndi Ambuye leroli.

2 Mwa anthu onsewo
Umayenda mtsinjewu,
Nuwachiritsadi
Okhulupirawo.

3 Tikondwereratu
Pakumvera Yesuyo,
Abwere onsewo
Ndi kulowa m'mtsinjewu.

225

1 Atate, muwapenye
Anzathu ali pano,
Abvomereza Inu
Ambuye Mfumu yawo;
Alonjezetsa lero
Kutsata Mbuye onse,
M'wathangatire iwo
Asabwerere konse.

2 Tsopano alandira
Chizindikiro chanu
Munachiika ndinu
Cha Ubatizo wanu.
Mulembe Dzina lanu
M'mitima mwa onsewa;
M'wabatizenso Mbuye,
Ndi Mzimu Wakuyera.

3 Muwalimbikitse onse
Akhazikike m'mtima,
Akhale chikhalire
Oyera ndi olimba;
Mutithandize tonse
A Mpingo wa Mulungu

Tikhale oyera
Ndi okondana ndithu.

Muchite ichi nonsenu,
Ndi chikumbutso changatu."

226

- 1 Monga zomera zonsezo
Zikulua ponsepo,
Mulungu mumeretsazo,
Momwemo anawo.
- 2 Munali mwana, Yesu 'Nu
Wamng'ono kalelo,
Ndi munakula m'msinkhu ndi
Kutama 'Tatewo.
- 3 Ndi ife tinga mbewuzo
Zomera m'mundawo;
Mumtima mutidyetsedi,
Tikule bwinomo;
- 4 Ndi kutsukidwa m'mwazimo

Mumtima mwathu mbee,
Tionetsedwe konseko
A Mlungu ana 'ke.

MPINGO WA MULUNGU- MGONERO WA AMBUYE

227

- 1 Usiku uja kalelo
Anampereka Yesuyo,
Usiku womwe m'manja mbuu
'Natenga mkate Iyeyo.
- 2 Natamndira Mlunguyo
Wolamulira pansipa,
Natema mkate, natitu
Kwa omwe anatsatawo:
- 3 "Ndi thupi lopatsidwali
La Ine, mtenge, mudyé, ndi

4 Ndiponso m'manja chikhocho
'Nakweza, natamandamo
Mulungu, mtima wake mya,
Nanena mawu omwewa:

5 "Chikho cha mwazi wangachi
Chitsuka mtima woda bii,
Cha mapangano omwewo
Chisomo cha Kumwambako.

6 Chikondi chili m'chikhomu
Chodzala; 'mwani nonsenu,
Chipitirire konseko,
Ndi chikumbutso changacho."

228

- 1 Sindili woyenera 'ne,
Ambuye, kudzamo;
Munene mawu, ndimvebe
Okondweretsawo.
- 2 Sindili woyenera 'ne;
Mumtima mwanga zi;
Munene, ndikachiradi,
Ndilibe moyo 'yi.
- 3 Sindili woyenera 'ne;
Pamtanda panupo
Munamaliza mlandu phe
Ndi mwazi wanuwo.
- 4 Ndilawako tsopanoli
Zakudya zanzu;
Mudzaze mtima wanga ndi
Kukonda kwanuko.

229

- 1 Mongatu mawu anuwo,
Ndi mtima chete phee,
Mbuyanga kufa kwanuko
Ndikumbukire 'ne.
- 2 Chakudya chakumwambachi
Ndi thupi lanudi;
Chikho cha chipanganochi
Ncha mwazi wanuwo.
- 3 Getsemane ndionako
Ndi nkhope yanu dwii,
Thukuta la pamphumilo
La myazi yanuyi.
- 4 Ndi mtanda uli m'maso mbuu,
Ndiona m'menemo,
A Yesu kufa kwanuko,
Kuthetsa imfazo.
- 5 Pamene padzakhalapo
Milomo yanga phee,
Mukadza ndi Ufumunso,
Mukumbukire 'ne.

230

- 1 Mudze, anthuni, talawani 'nu
Mkate ndi chikhocho cha Mbuyathu.
- 2 Kristu ndi mwini moyo wathuwu,
Pamtanda anafera ifetu.
- 3 Anatifera nsembe Iyeyo,
Ndiye Wamsembe wake Iyenso.
- 4 Imfa ndi mdima zinathawa zii!
Ndipo chisomo chikuwala mbuu.

- 5 Tadzanitu, okhulupiradi,
Talandira zachinsinsizi.
- 6 Ndiye wa moyo wonse Mwiniyo,
Moyo wosatha atipatsa 'fe.
- 7 Ndiye wodyetsa anthu omwewo,
natipatsa mwazi, moyo wakewo.
- 8 Yesu Mbuyathu, Inu nomwe 'Nu,
Tsopano mkhalebe ndi ifetu.

231

- 1 Mommuno, Mbuye, tionanetu,
Mommuno ndizikhudza zanu phee,
Mommuno zachinsinsi zanu mbuu,
Mwa Inu mtima ndipumirabe.
- 2 Mommuno, Mbuye, mkate wanuwu,
Mommuno vinyo yakumwambako,
Mommuno zolemara zanga du,
Chisomo chanu ndidzalawanso.
- 3 Ndiliba wondithangata 'ne 'yi,
Ndiliba wina wondisunga 'ne;
Zikwaniratu mphamvu zanzu,
Inde, Ambuye, mphamvu nzanudi.
- 4 Tsopano nthawi yake phwandili,
Loyala ili m'gome mwanumu;
Ndideye ndimwere zakukomazi,
Ndiyanjanebe nanu, Mbuyathu.
- 5 Chakudya ichi chidzapita du,
Chizindikitsa za Kumwambazo;
Zosapitazo tidzalawatu,
Za Yesu mwini wakukondako.
- 6 Tikadya phando zaka zonsezi,
Ndipo zakudya zimalozatu

Kuphwando lija la Kumwambako,
Komwe tidzadya kwa Mulungutu.

232

- 1 Ndinamva njala, Yesu,
Ya mtima wakuwowa;
Mndidyetse ngati mana
Anagwa m'chipululu.
- 2 Ndimamva ludzu Yesu,
Mulowe mwanga lero;
Mndimwetse ngati madzi
Anatuluka m'mwala.
- 3 Ndi mkate wanu, Yesu
Ndi thupi lobvulala,
Mndilimbitse, Mbuye,
Mundikhutitse mtima.
- 4 Mwa chikho chokumbutsa
Chikondi chopambana,
Mndipatse moyo wanu,
Ndikayanjane nanu.
- 5 Mndidyetse m'chipululu
M'ulundo wanga wonse;
Mndimwetse, ndipirire
Osalefuka konse.

233

- 1 A! Yesu, ndapangana
Kutumikira 'Nu
Ndi moyo wanga wonse,
Mbuyanga ndinutu;
Mukhaletu pafupi
Masikku onsewo,
Sindidzaopa konse,
Mutsogolereko.

2 Ndifuna kumva Inu,
E, Mawu anuwo,
Ndisamve za Satana
Zonyenga zakezo;
Adani anga onse
Andizingiratu;
Mukhaletu pafupi,
Mundithangate 'Nu.

- 3 A! Yesu mwapangana
Ndi anthu anuwo
Adzakhala ndinu
Ku Dziko lanulo;
Inenso ndapangana
Ndisabwerere 'yi;
Mndipatse mphamvu yanu
Ambuye ndinudi.
- 4 Mundionetse, Yesu,
Mapazi anuwo,
Ndidzapondera awa
Munjira monsemo;
Ndithangateni ine
Ndisalefuke 'yi;
Mundilandire m'Mwamba
Ndikamwaliradi.

234

- 1 Mundimvere, Mbuye wanga
Nkana ine ndimalakwa,
Koma ndinu moyo wanga;
Mbuye, mkhale ndine.
- 2 Ndine mlendo pansi pano,
Msanditaye m'dzanja lanu,
Mundisunge mwana wanu;
Mbuye, mkhale ndine.
- 3 Munafera ine kale
Kuti mukandimasule,

Lero lino mndinyamule;
Mbuye, mkhale ndine.

4 Mundidzwe ndi chikondi,
Mndiyeretse m'mtima monse,
Chifuniro change mthyole;
Mbuye, mkhale ndine.

5 Imfa ikandifikira,
Inu ndidzakangamira;
Ndikalowa ine m'mdima,
Mbuye, mkhale ndine.

235

1 Anu Mbuye ndifetu!
Mutimvere kwanuko;
Anu tikhalirebe
Kuno ndi Kumwambako.

2 Anu Mbuye ndifetu!
Mwanu tipumiredi;
Ndinu Mbuye wanthu 'fe,
Mutisunge nthawizi.

3 Anu Mbuye ndifetu!
'Dikireni tonsefe;
Moyo ndinu, n'choona,
M'njiramo tiyendebe.

4 Anu Mbuye ndifetu!
Ndife nkhusa zanuza;
Mwanu tibisalemu,
Mwanu mosungikadi.

5 Anu Mbuye ndifetu!
Tsogolani nthawizo;
Mtiyendetse m'moyomu
Kunkabe Kumwambako.

MPINGO WA MULUNGU-ZOPEREKA

236

1 Ambuye, Mwini zonsezi,
Ulemu tiperekadi;
Chikondi tionetsanji?
Mwatipatsatu.

2 Dzuwa ndi mvula yonseyo
Ndi mame mwatipatsanso,
Masika 'dzera kwanuko;
Mwapatsatu.'

3 Mwapatsa Mwana wanu, ndi
Mapulumutsa dzikoli;
E, zaulere zonsezi
Mwapatsatu.

4 Tibwezeretu bwanjiko?
Ziperewera zathuzi;
Ndi moyo tili nawowo
Mwapatsatu.

5 Ambuye zathu zonsezi
Kwa Inu tibwezeredi;
Tingopereka zanuza;
Mwapatsatu.

237

1 Peturo 'nafusa Hananiya:
"Zopereka zili kuti?"
Hananiya ananena:
"Zopereka ndinapereka."

*Munthu aganize
Zimene anachita Hananiya;
Munthu aganize
Njira yakuunika.*

2 Nthano ya Hananiyayo
Inali yodabwitsatu;
Ananyengatu Peturo:
"Zopereka ndinapereka."

3 Ife tonse tichenjere
Tingadzachite zomwezo;
Tisaname ndi kunena:
"Zopereka ndinapereka."

4 Mulungu akondadi leroli
Wopereka mokondwera;
Tikapereka motero
Tidzalandira dalitso.

238

1 Mbuye wathu mutipatsa
Zonse tili nazozo,
Mutikomeratu mtima
Osaleka konseko,
Mutikonda, mutisunga,
Mutisamalira 'fe.
2 Dzuwa, madzi, kudya, mpweya,
Moyo, zonse nzanuzi,
Si za ife, nzaulere,
Tingozilandiradi;
Zifumira kwa Atate
Wotikondakondatu.

3 Monga tilandira, Mbuye,
Mtiphunzitse tonsefe
Tipereke chuma chathu
Ndi kusangalalatu;
Zakukhalala m'manja mwathu;
Tiziyese nzanudi.

4 Tikhaletu nawo, Mbuye,
Mtima wosauma 'yi

Ndi wofatsa ndi wabwino
Ndi woyerayeradi,
Kuti tiyenere Dzina
La Mbuyathu Yesuyo.

5 Tisaiwalire 'bale
Athu osadziwa 'Nu,
Akulira ndi odwala
Tiwapemphereratu;
Titsanzenso Mbuye Yesu
Ndi k'wathangatira 'wo.

6 Dalitseni, Mbuye, zonse
Zomwe taperekazi,
Mzilandire, nsambe yathu yonse
Tikuyamikirani.

MPINGO WA MULUNGU- ZOLALIKIRA

239

1 Polenga dzikoli,
Pakumva Inudi,
Kwayeratu;
Mumve pempheroli,
Ndipo pamenepo
Palibe mawuwo,
Muwaletu.

2 Inu wakudzatu
Kuwachiritsadi
Anthendawo,
Kupatsa moyowo,
Kuona m'masomo,
Pa anthu onsewo
Muwaletu.

3 Mzimu woonadi
Ndi wachikondicho,
Idzanitu;

Muunikepo
Pali zamdimazo,

Pa dziko ponsepo
Muwaletu.

4 Inu Atatuwo,
Wodala Mlunguyo,
Timveretu;
Pa dziko ponsepo
Muchotse mdimawo,
Mutume Mawuwo,
Muwaletu.

240

1 Adzapambana Yesu ponse
Pakuyenda dzuwalo;
Adzamverabe namgwadira
Pa dziko lonse pansipa.

2 Sadalekeza kuyamika
Ndi kuimbaimbabe;
Adzapemphera nsiku zonse
Natchula Dzina lakelo.

3 Pomveka konsekonse mbiri
Yake ya Wokondayo,
Ang'ono akwezanso mawu
Pimba nyimbo zawozo.

4 Ufumu wake udalitsa
Osauka onsewo;
Otopa amapuma chete,
Magoli amathyoka thyo!

5 Zolengedwa zonse zidze
Kugwadira Mfumu yathu,
Amlemekeze akumwamba,
Tiimbe pansipa: Amen.

241

1 Anthu akum'mawa
Nanka msangako,
Nzure 'nali nazo,
Nafatsansowo;
Nanka kuli Mwana
Anabadwayo;
Anatsogozedwa
Ndi nyenyeziyo.

2 Anapeza Mwana
Ali m'kholamo,
Namgwadira Iwo
Mbuye wawoyo;
Anthu onse omwe
Ali pansipa,
Azitsata Mbuye
Ndi nyenyeziyo.

3 Mu ulemerero,
Yesu m'Mwambamo
Muli eni ake;
Anthu onsewo
Osadziwa konse,
Akutalinso,
Akokedwe iwo
Ndi nyenyeziyo.

4 Akukhala kunja,
Osokeranso,
M'wawalire Mbuye,
Asagone 'wo;
Amumdima omwe,
Olemedwanso,
Mtsogoleri wawo
Ndi nyenyeziyo.

5 Paulendo wathu
Tili pansipa,
Muwalire tonse

Tili m'njiramo;
Mutitsogolere
Anthu tonsefe,
Mutifitse tonse
Ndi nyenyeziyo.

momwemo

2 Mbendera yake ikupiza
m'mlengalengamo,
Kufanana ndi nyenyezi younika
m'mdimamo.

242

1 Tamva mawu amwewo
Atitu: Yesuyo
Mpulumutsi ndiyedi,
Yesuyo, Yesuyo.
Pita m'midzi monsemo.
Dziko lonse limvetu,
Pita iwe konseko,
Mveratu Mbuyeyo.

2 Imbadi za Iyeyo,
Amvetu anthuwo
Kuti Yesu 'nafadi
Kalelo, kalelo.
Atikonda ifetu,
Natifera indedi
Kuchotsera tchimoli,
Yesuyo, Yesuyo.

3 Bukitsani mawunso
Konseko, konseko;
Kaitane anthuwo
Ponsepo,ponsepo.
Kodi wina samvatu?
Pitako, pitako 'we;
Angofuna onsewo
Yesuyo, Yesuyo.

243

1 Zipata zachitsulo zitseguke zonse
mbee!
Ambuye wa Kumwamba alowe

3 Ankhondo a Mulungu 'nu, yendani
m'njiramo,
Mitima yanu yonseyo iyeretsedwe
mbuu!

4 Tsatani Mbuye Yesuyo ndi mtanda
wakewo;
Mlaliketu Uthengawo kwa anthu
onsewo.

5 Musamaopa kanthu 'yi, tamani
Yesuyo;
Kaimbireni nyimboyi ndi mphamvu
zonsezo.

6 Zipata zatsegudwa mbee! Za
m'dziko monsemo;
Ambuye wapambanatu ndi mtanda
wakewo.

244

1 Pamaiko pali mdima,
Penya mtima chetetu;
Leroli malonjezano
Angokwaniridwatu.
Kondwerani, kondwerani,
Yesu muwalitsetu.

2 Adze amitundu yonse,
Adze akutaliwo;
Ayang'ane mtanda uja
Woti nji paphiripo.

Mbiri yanu, mbiri yanu
Ibukike ponsepo.

3 Ponse padakhala mdima
Pakawale dzuwali;
Kumalire konsekonse
Muthawitse mdima bii!
Mpulumutsi, Mpulumutsi,
Muyeretse zonsezi.

4 Ibukike mbiri yanu,
Ifikire konseko,
Iwagwire anthu mtima,
Iwathyole m'katimo.
Mphamvu yanu, mphamvu yanu,
Idziwike konseko.

245

1 Mbwere Mlungu Mbuye wathu,
Msunge zakuonazo,
Mudalitse anthu onse
Ndi chifumu chanucho.

2 Mbwere Yesu Mwini moyo,
Ukuletu 'lemuwo;
Gonjetsani anthu onse,
Mpatsenso mtenderewo.

3 Mbwere Mzimu Wakuyera,
Mutitsitsimutseko;
Muthawitse mdima wonse,
Muwalitse m'mtimamo.

4 Anthu onse taukani,
Imbarani Mlunguyo;
Zichuluke zomtamanda
Pansi ndi Kumwambako.

246

1 Anyamata a Mulungu,
Muzigwira nkondoyo,
Mumenyane ndi Satana
Mzimu wakunyengayo.

2 Komwe asauka anthu
Akukhala m'mdimamo
Osamdziwa Mpulumutsi,
Phunzitsani konseko.

3 Pomangidwa anthu nayo
M'yambo yoipitsayo,
Pomwe amaopa chabe,
Masulani golilo.

4 Walitsani nyali yanu
Ikachotse mdima bii!
Mpaka ikainga zonse
Zasautsa m'dzikoli.

5 Akutopa ndi ofoka
M'watonthoze mtima phee!
Osokera, onyozeka
Muwafunefunebe.

6 Achisoni, obvutidwa,
M'wathandize msangatu;
Zosautsa zawo zonse
Yesu azichotsadi.

7 Anyamata limikani,
Gwirani nkondoyi;
Yesu salephera mwini,
Satiwalira 'yi.

8 Isaleke ntchito yake
Mpaka anthu onsewo
Alambira Mfumu yathu,
Namgonjera konseko.

247

- 1 Anthu ali m'mdima akuitanitsa
Unikani! Unikani!
Alikumwazika mungawalanditse,
Unikani! Unikani!

*Tumizani kuunikako,
Kuoneketu kwa onsewo;
Tumizani kuunikako,
Nthawi zonsedi kuwaletu.*

- 2 Tamva aku Makedonyako atero,
Unikani! Unikani!
Tititu, Ambuye tizinka komweko,
Unikani! Unikani!

- 3 Tisaleme pakuchita zabwinozi,
Unikani! Unikani!
Tidziunjikire ngale zakumwamba,
Unikani! Unikani!

MPINGO WA MULUNGU- ATUMIKI

248

- 1 Munene Mbuye 'nenetu,
Nditsanze mawu anuwo;
Munandifuna inetu,
Ine ndifune zanzu.
- 2 Nditsogolere m'njirayi
Nkhosazo zisokerazo;
Ndidyetse, Mbuye, zanzu
Zimene zifa njalayo.
- 3 Ndilimbikitse, Mbuye, nji!
Pamwalapo ndiimebe;

Onse alibe mphamvu 'yi
Omwewo ndithangate 'ne.

- 4 Ndiphunzitseni, Mbuyetu,
Ndidziwe nzeru zanzu;
Munole mibvi yangayi,
Ipyole yonse m'mtimamo.

- 5 Ndipumulire panupo,
Ndinene motonthoza phe!
Ndi mawu opumitsawo
Olema ndikanenebe.

- 6 Ambuye, ndi chikondi tho!
Mudzaze mtima wangawu;
Ndinene zachikondicho,
Ndiyamikire monsemu.

- 7 Ndichitireni, Mbuye 'ne,
Monse mufuna mwanumo;
Kumwamba tionane mbee,
Maso ndi maso Kwanuko.

POMANGA NYUMBA YA MULUNGU

249

- 1 Mulungu wa Kumwamba,
Tabwera kunoku
Ndi mtima wokondwera
Kulowa m'nyumbayi;
Chifukwa cha zabwino
Mwatichitirazi
Tikukuyamikirani.
Leroli.

*Inde, tikuyamikani, Atate, leroli,
Mwatimangira 'fe kuno
Kachisi wanuyu!*

*Ndi ulemerero wanu
Mudzaze m'nyumbayi;
Muyeretse, mudalitse munomu.*

Waulemerero wonse
Ndi wamphamvu ponsepo.

UKWATI

2 Tikondwa tonse ndi kukuthokazani Nu

Poyamba kupemphera
Ndi kuimbiramu;
Mommuno nsiku zonse
Mukhale nafetu,
Monga angelo anu
M'Mwambamo.

3 Ikhale ngati nyali
Yowala nyumbayi,
Yakutsogoza onse
Ophunthwa m'mdima bii;
Akunja ndi Akristu
M'wapulumutse ndi
Kuunika kotuluka
Munomu.

250

1 Kristu ndiye mwala wathu,
Kristu timangirapo;
Wosankhidwa ndi Mulungu,
Atimange tonsefe;
Iye ndi Mthandizi wathu,
Timkhulupirira 'Ye.

2 Mudalitse nyumba yathu;
Mbuye, nthawi zonsetu
Muthandize anthu onse
Odza kuphunzira 'mu,
Ndi antchito anu omwe
Odza k'waphunzitsa 'mu.

3 Tiyamike Mlungu 'Tate,
Tiyamike Mwanayo,
Tiyamike Mzimu wake,
Onse omwe Mmodzitu,

251

1 Anakwatira kale
Pa Edeni pajapo;
Ulipo lero lino
Mdalitso womwewo.

2 Awiri aimamu,
Mwamuna ndi mkaziyu;
O! Mzimu Wakuyera,
Madalitso mpatsetu.

3 Mulunzanitse awa,
Atate, leroli;
Munakwatits' Adamu
Ndi Hava kalelo.

4 Mukhale nawo, yesu,
Mongatu kalelo
Ukwati mnadalitsa
Pa Kana pajapo.

5 M'wasunge, m'wayendetse
Munjira yanuyo,
Akhale ndi kudala
Pabanja pawopo.

252

1 Yehova Mlungu wathu,
Amene mumapatsa
Zipatso za chikondi
Polenga anthu anu,
Mupatse awa 'wiri
Mitima yokondweretsa,
Yofana m'munda muja

Munayendamo kale.

Mulungu wawo mukhalenso
Mulungu wa anawo.

2 Mbuyathu wokondedwa,
Pokhala m'dziko muno
Munadza ku ukwati,
Ukwatiwu mukonze,
Mukhale nafe pano;
Iwowa m'wadalitse
M'chifundo chanu chonse.

3 Tikasokera m'njira mutilondolere
ndithu,
Chakudya ndi chobvala mutipatse
tsiku n'tsiku.

3 Ndi Mzimutu Woyera
Mufike nayo mphamvu,
Mukatsagane nawo
Akupangana omwe;
Mupatse 'wo chisomo
Chokometsa mtima;
Chikuletu chikondi
Chitsanzo nchanu chomwe.

4 Mtifungatire ndi mapiko paulendo
pathu,
E, tikafike okondwera kwa Atate
wathu.

5 Tipempha madalitso ano mpatse ife
tonse;
Tisankha Inu ndithu Mlungu wathu
nthawi zonse.

4 Mulungu mwa Atatu,
Atate, Mwana, Mzimu,
Tikhaletu wokondwa
Ndi Inu m'chiyanjano;
Titama Inu Mlungu,
Wokonda ife ndinu;
M'ulendo wathu wonse
Tiyende m'chikondano.

254

1 Mlungu wathu mwatifitsa
Kufikira leroli;
Moyo wathu munasunga
M'njira yonse yathuyi;
Mtsogoleri wathu ndinu
Paulendo pomwepo;
Tingakutameni bwanji
Kaamba zonse zanzuzo?

CHAKA CHATSOPANO

253

1 Mulungu wa Yakobo Inu, mdyetsa
anthu anu,
Kalelo munatsofolera makolo
athuwo.

2 Tsopano tipereka mapemphero athu
ano,

2 E! chisomo chosaleka
Tichiona kalelo;
Masungidwe ndi chikondi
Zikalimo momwemo;
Pausana, pausiku,
Muli nafe ponsepo;
Madalitso anu omwe
Tili ndi ambiriwo.

3 Tinayenda muli mdima
Wotidetsa nkhawawo,
Pena tinangosauka
Ndi zobvuta zathuzo;
Koma Inu munalimo
Mumitambo yomweyo,
Nafe tinathandizana
Ndi mdalitso wanuwo.

4 Ena atsagana nafe
Natsiriza njirayo,
Nafikira kuli Inu,
Natilindirirako;
Tithadi ulendo wathu
Ndi kupita komweko,
Mutitsogolere 'Tate
Kukuwala kosatha.

255

1 Mbuye, tikuthokozani,
Ndinu mwatitsogolera;
Zaka zonse mwatisunga;
Tiyamika mokondwera,
Zotibveka, zotidyetsa,
Mphamvu, moyo zonsezi;
'Tate tikuthokozani
Chaka chatsopanochi.

2 Ndinu mwatithangatira
Pakuona zosautsa;
Polefuka ndi podwala
Ndinu mwatitsitsimutsa.
Munatiteteza bwino
Tili ana kalelo,
Ndipo zomwe mwazichita
Chaka chotitheracho.

3 Chaka chino mutipatse

Mphamvu zosachimwa konse;
Zoipitsa mtichotsere zonse.
Mtithandize tizimvera
Kuyambira leroli,
Ndi kugwira ntchito zanu
Chaka chatsopanochi.

4 Inde, 'Tate, mtiyendetse
M'njira yolungamo yanu,
M'mtima mwathu mtiyeretse
Kuti tikondane nanu.
Zaka zonse muli nafe,
Sitiopa konse 'yi.
'Tate tikkuthokozani
Chaka chatsopanochi.

DZINJA NDI MASIKA

256

1 Tilimalima m'minda,
Tibzala mbewu zathu,
Komatu zibvumbidwa
Ndi Mlunguyo wamphamvu.
Dzuwalo awalitsa
namatumiza mphepo,
Mbewuzo nameretsa
Mulunguyo wabwino.

*Mphatso zonse zathu
Zifunika wa Mulungu,
Tilemekeze Mbuye wathu,
Atikondadi*

2 Wolenga ndi Yemweyo
Wa zinthu zonse zathu;
Maudzu ameretsa,
Nayatsanso nyenyezi.
Mphepozo zonse zimva,
Nyamazo aziweta;
Sadzaiwala konse
Anake kuwadyetsa.

3 Tiyamikira 'Tate,
Zabwino zonse zino,
Kubzala ndi kukunkha
Ndi moyo tili nawo.
Kuninkha Inu Mbuye
tilibe mtulo wina,
Komatu tipereka
Mitima yoyamika.

257

- 1 Yamikani nonse 'nu,
Pomwimbira nyimbozi
Za masika athuwa;
Potumiza mvulayi,
Mlengi wathu yemwedi
Atipatsa zonsezi;
Timwimbire m'nyumbayi
Za masika athuwa.
- 2 Dziko lathu lonseli
Nla Mulungu yemweyu;
Atumiza mphatsozi
Zakutilimbisadi,
Mmera wathu wonsewu,
Mbewu zathu zonsezi;
Tamtamande Mbuyeyu
Wotipatsa zonsezi.
- 3 Nthawi yina Mbuyeyu
Adzafika pansipa,
Nadzakonza zonsetu;
Zosakondweretsazi
Naziponya m'motowo,
Koma m'nkhokwe mwakemo
Mudzadzala mbewu tho!
Zomkomera bwinothu.
- 4 'Dzani Mbuye msangatu,
Msonkhanitse zonse phe;
Anthu anu onsewa

Muwapulumutse 'wo;
Zopweteka zawozo
Ziwathere zonse phe;
'Dzani mu Ufumu ndi
Kwasonkhetsa onsewo.

258

- 1 Oyamika Mlungu mbwere,
Za masika mudzaimbe;
Dzinthu zathu takolola,
Siziwonongeka m'minda.
Mlungu Mlengi asamala,
Zotisowa, akonzera;
Mlowe m'nyumba ya Chauta,
Mkweze nyimbo zamasika.
- 2 Dziko lonse nla Mulungu
Kuti limbalire dzinthu;
M'munda zonse zimamera...
Zakukoma ndi zoipa;
Mmera udza, bwino ngala,
Maso omwe amakwima;
Mutilole, Mwini dzinthu,
Tikakhale dzinthu zanu.
- 3 Adzabwera Mbuye wathu
Kukulola dzinthu zawo;
M'munda mwawo akachotse
Minga ndi zoipa zonse.
Adzatumanso angelo
Minga akaponye m'moto,
Koma tirigu amsunge
M'nkhokwe yake nthawi
zonse.

259

- 1 Chifukwa cha zokoma mtima zonse za
ulerezo,
Timlambire Mbuye;
Tikweze nyimbo yathu yakukondwa

kuli 'Ye,
Timgwadiretu.

Timlambire Mbuye;
Kumene moyo wa anthu
okhululukidwa
uli wokomatu,
Timgwadiretu.
Alaluya, Amen!

2 Dzinja lokondweretsa lafikanso,
litapumatu,
Timlambire Mbuye;
Mvula igundanso, Mulungu wotikonda
'fe,
Timgwadiretu.

ULENDO

260

3 Dziko lonse lilikukondwa,
mlengalenga mpheponso,
Timlambire Mbuye;
Zapansi pano zonse zimmtamandire
Mulungu wathuyo,
Timgwadiretu.

1 Mlengi wathu Wakuyera,
Mutimvere 'fe,
M'wasungire akutali,
Bwinodi.

4 Maluwa abwino aphuka m'mapiri
ndi m'madambomo,
Timlambire Mbuye;
Masamba awisi ang'ono
agwedezekanso,
timgwadiretu.

2 Mbuye Yesu, myandikire,
M'wakondweretsebe;
Mulimbitse mphamvu zawo
Zonsezo.

5 Zanu zapansi nzokoma Mbuye;
tikondwera 'fe,
Timlambire Mbuye;
Koma kwanu Kumwamba komwe
kwapambanatu,
Timgwadiretu.

3 Akaona masautso
Mkhale nawodi;
Akondwere mwa chikondi
Chanucho.

6 Nafenso tidzadzuka kwa 'ke ngati
maluwawo,
Timlambire Mbuye;
Oyera mtima adzabvala mbuu!
Pakudza Kristuyo,
Timgwadiretu.

4 Mpulumutsi wakukoma,
Muwagwirize;
Nsiku zonse akulemekezeni
(*Akule-mekezeni*)

7 Tidzakhala naye nthawi zonse ndi
kuimbako,

5 Mzimu wanu Wakuyera,
Awayeretse;
Agonjetse ndi chisomo,
M'nkondoyi.

6 'Tate, Mwana, Mzimu, ndinu
Mlungu mmodzitu,
Muwasunge m'fupi mwanu
Ponsepo.

261

1 Yesu, munditsogoza
M'njira yanga yonseyo;
Wakunditsogozatu
Ndinu, mundisungetu;
Inde, paulendowo
Mundisunge kolimba.

2 Monga may' asusuza
Mwana wake polira,
Wakunditonhozatu
Ndinu, munditonhoze,
Inde, m'njira yanuyi
Munditsogoleretu.

3 Mbuye, ndinu wamphamvu,
Mumatola ananu,
Anthu onse pansipa
Ali otaikatu;
Muchitire chifundo,
Muwatole onsewo.

NYIMBO ZA ANA- MULUNGU MTETEZI

262

1 Mlungu ali nane;
Amadziwazi
Ndizinena, penanso
Za mumtimamo.

2 Mlungu ali nane
Ndi usikuwo,
Nandiona momwemo
Mu usanamo.

3 Mlungu ali nane;
Zachinsinsizo
Zosaonekerako
Azidziwatu.

263

1 Mlungu, Inutu,
Mwalenga dzuwali,
Nyenyezi, mwezi mbee,
Ndi dzikoli.

2 Koma ineyu
Simuiwala 'yi;
Mundisamala 'ne
Ndisagwe 'yi.

3 Mbuye, Msungi 'Nu,
Mutuma indedi
Za moyo wangawu
Zokomazi.

4 yesu Mwanatu
Anafa imfayo
Achotsa zoti bii;
Nadzukanso;

5 Kuti m'Mwambamo
Ndikatamandetu
Wondisamalabe,
Mbuyangayu.

NYIMBO ZA ANA- KUBADWA KWA KRISTU

264

1 *A! Mulungu,*
A! Mulungu
Anatuma Mwana wake
Uja, ndiye Yesu.

2 *Anabadwa,*
Zachinsinsizo
Anabadwa,
Ndi Mariya mbeta ija

M'Betlehemu muja.

3 *Ndi angelo,*
Ndi angelo
Anaimba: "Ndiye Yesu
Mpulumutsi wanu."

4 *Alanditsa,*
Alanditsa
Ife anthu muzoipa
Zonse tazichita.

5 *Yesu Mfumu,*
Yesu Mfumu,
Timagonja, mutisunge
Moyo wathu wonse.

6 *Mutitsuke,*
Mutitsuke,
M'mwazi wanu, tikakhale
Ana anu tonse.

265

1 Taonani m'kholamo
Mwabadwira Mfumuyo
Yakulonjezedwadi,
Nsembe yathu ndiyeyu.

*Kondwerani nonsenu
Pomvetsedwa mbiriyi
Yakumveka m'mzindamo:
"Wabadwira m'Betlehemu."*

2 Adagona m'ndyeromo
Wochokera m'Mwambayo,
Adasiya mpandowo
Yesu Kristu Mfumuyo.

3 Falitsani mbiriyi,
Inudi abusa 'nu;
Nkhosa zanu zonsezo
Mwasiy'ranji m'phirimo?

4 Pochezera m'dambomo,
Tinaona 'ngelotu
Oimbira mawuwo
A mtendere pansipa.

5 Mwana wakuyera 'Nu,
Munakonda ifedi;
Munasiya kwanuko
Ndi kufika pansipa.

6 Mtiphunzitse bwinotu,
Mwana wakuyera 'Nu,
Tifanane nanudi
M'makhalidwe anuwo.

266

1 Tiimbe ndi kulalikirira
Mthenga wa chikondicho
Anamva Mlungu m'Mwambamo
Kulira kwathu pansipa.

*(Ndikhulupirira Yesu
Wobadwira m'kholamo;
Iye ndiye Mfumu yathu,
Timtame nthawi zonse.)*

2 Kwa ife lero anabadwa
Mwana wa Mariyayo,
Pamsinkhu, inde mn'gono koma
Mwini dziko lonseli.

3 Anadza nazo m'phatso zake
Anatikonzeratu;
Anatseguliradi

Pakhomo pa Ufumuwo.

Inu nonse ana 'nu.

4 Ambuye, tikutamandani
Tsiku lakubadwali,
Mwa Inu tonse tikondwera,
Tisekera tonsefe.

5 A! Yesu Mbuye wakuyera,
Munagona m'kholamo;
Mudzikonzere leronso
Mugona m'mtima mwangamu.

6 Ulemerero m'Mwambamwamba
Ndi mtendere pansipa;
Tiimbe nafe nyimboyi,
Timyamike Mbuyathu.

*(Yesu ndiye Mfumu,
Yesu ndiye Mfumu!
Ndikhulupirira Yesu
Wobadwira m'kholamo.)*

267

1 Ana inu, ana inu,
Taukani, ndi kumvera
Amithenga akumwamba;
Anafika kalelo,
Natiuza Mpulumutsi
Anabadwa pansipa.
Zaka zonse, tsiku lomwe
Umamveka mthengawu.

2 M'nyumba zonseponse
Zimamveka nyimbo izi,
Kuti Yesu anabadwa,
Anagona m'kholamo.
Anafika Mpulumutsi
Wotikondweretsadi,
Kondwerani, kondwerani,

3 Taukani, taonani
M'mwamba monse mwakuyera;
Amithenga a Mulungu
Aimbabe nyimboyo.
Yesu Kristu anatsika,
Anachoka kwawoko;
Lero lonse tiimbenso
Nyimbo yathu yomweyo.

268

1 Kale m'mzinda wachifumu
Munalimo m'kholamo,
Momwe mkazi anaika
Mwana wake m'ndyeromo,
Ndiye mkaziyo Mariya,
Yesu Kristu Mwanayo.

2 Uyu 'natsikira kuno,
Mlungu Mbuye wathuyo
Anabadwa uyu m'khola
Anagona m'dyeromo.
Mwa osowa ndi oipa
Yesu anakhalamo.

3 Mwa ubwana wake wonse
Anakula m'mtima phee!
Anakonda, anafatsa,
Amay' wake namvabe;
Ndipo ana nonsenu,
Mukamtsate bwinotu.

4 Ndipo Mwana uyu Yesu
Anakulakulabe;
Ndi wamng'ono ndi wofoka,
Anangonga enawo.
Nsoni zathu anazimva
Ndi chimwemwe chathunso.

5 Ndi chifukwa atikonda,
Tidzampenya masowa,
Kuti Mwanayo wofatsa
Ndiye mwini m'Mwambamo;
Atengera ana ake
Komwe adapitako.

6 Koma sitimpenya m'khola
Muli ng'ombe momwemo;
Ayi, tidzamwona m'Mwamba
Muli Mlungu 'Tatewo.
Ana akuyera mbuu
Adzamzunguliratu.

269

1 Usikuwo woyerawo!
Mwana adamlerayo
Akakhale Mfumuyo.
Anabadwa m'kholamo,
Mfumu ya mafumu
Ndi ya anthuwo.

2 Mwanayo wa Mulunguyo
Andikonda inetu,
Nan'tayira chumacho
Nadzagona m'udzumumo.
Ndiyamika Mbuye
Wanga Yesuyo.

3 Usikuwo woyerawo!
Wadzatu mtenderewo
Ife tonse anthuwo
Atitenga Mlunguyo.
Mlemekeze 'Tate,
Mwana, Mzimunso.

NYIMBO ZA ANA- KUFERA KWA KRISTU

270

1 Kale anthu m'kholamo
'Napembedza Mwanayo.

*Ndiye Mbuye, Mfumu yanga,
Ndiye Mbuye wa Kumwamba.
Agwadire anthuwo,
Timtamande Mfumuyo.*

2 Wosauka Iyedi
Anagwira ntchitozi.

3 Ndani kodi Munthuyo
Woyesedwa m'bwinjamo?

4 Analira ndaniyo
Pomwalira Bwenzilo?

5 M'munda muja ndaniyo
Mwazi wake dontho do?

6 Iye ndani pamtanda
Anafera 'daniwo?

7 Mkucha wake ndaniyo
'Natuluka m'mandamo?

8 Ndani pachimpandocho
Alamula ponsepo?

271

1 Kuli kaphiri m'talimo
Kunja kwa mzindamo
Kwapachikidwa Yesuyo
Nafera ifetu.

*(Kuli kaphiri m'talimo
Kunja kwa mzindawo,*

*Kwapachikidwa Yesuyo
Nafera ifetu.)*

2 Zoopsyia sitidziwapo
Anazitengazo,
Komatu tidziwitsa 'fe
Anatiferapo.

3 Anatifera tonsefe
Towomboledweko,
Tifike momwe m'Mwambamo
Ndi mwazi wakewo.

4 Kulibe wokwanira 'yi
Kulipa mlanduwo,
Wina wakutsegula 'yi
Pakhomo pakepo.

5 Anatikondakonda 'Ye.
Timkonde ifenso;
Tizimtsatira, tithetu
Zintchito zakezo.

NYIMBO ZA ANA- KUYAMIKIRA KRISTU

272

1 Ana inu, myamikeni
Mpulumutsi Yesuyo,
Kaamba ka chikondi chake
Ndi chipulumutsocho.

*Aleluya! Aleluya!
Timwimbire Yesuyo.
Aleluya! Aleluya!
Timwimbire Yesuyo.*

2 Iye anachoka kwawo,
Anakhala pansipa,
Kale ana 'namwimbira

Namukondweretsadi.

3 Anafika 'kazi omwe
Ndi tiana tawoto;
Yesu anatiyangata,
Anatidalitsatu.

4 Amithenga akumwamba
Amamyamikiratu;
Zikwi zosawerengeka
Zimtamanda Mfumuyo.

5 Ana inu, yamikani
Bwenzi lanu lomweli;
M'Mwamba momwe mudzampenya
Ndi kumtamandirabe.

273

1 Ananu, ziimbani,
Aleluya, Amen.
Ambuye tamandani,
Aleluya, Amen.
Kwezani mawu anu,
Patsani mtima wanu,
Afuna kumva inu,
Aleluya, Amen.

2 Bwerani, kondwerani,
Aleluya, Amen.
Ambuye akumvani,
Aleluya, Amen.
Amatitsogolera,
Kalelo natifera,
Kukonda salekera,
Aleluya, Amen.

3 Mbuye timlemekeze,
Aleluya, Amen.
Kwawo tikabwereze,

Aleluya, Amen.
Kumwamba timtamire,
Tikamgwadire ife,
Tikhale chikhalire,
Aleluya, Amen.

274

1 Mnandidzera, Ambuye,
Kumwambako,
Munasiya ukuluwo;
Koma m'mudziwotu munabadwamo
Munasowa pogonapo.

*Idzani mumtima mwanga,
Muli malo a Inu'mo.*

2 Amithenga 'naimba pamlengapo,
Nalalika ulemuwo;
Koma Inu munadza mofatsatu,
Munabadwa mukholamo.

3 Zili nazotu nkhwimba zirombozo,
Ndi mbalamenso zisatu;
Koma Inu Ambuye mwapandadi
Potsamirapo mutu duu!

4 Munaneneratu mawu a moyonso
Omasula ochimwawo;
Koma omwe ochimwa 'nanyozatu,
Nakuphani pamtandapo.

5 Pakubweranso Inu m'Ufumuwo
Ndi zamphamvuzo zanunso,
Mundimvetse za kwanu
Kumwambako
Kuli malo a ine 'ko.

*Ukondwere mtima wanga
Pakumvera zokomazo.*

275

1 Akazi anadza
kwa Yesu ndi anawo,
Anawaletsa anyamata
nawakana ndithu;
Ambuye nawapezadi,
Anati: "Musatero 'yi,
Lolani ana abwere kwa Ine,
Lolani ana abwere kwa Ine.

2 "Ndidzawalandira,
k'wasunga m'manja mwanga;
Ndi Mbusa wao Inetu,
msachotse ana anga;
Akandipatsa mtimawo,
Adzanka ndine Kwathuko;
Lolani ana abwere kwa Ine,
Lolani ana abwere kwa Ine."

3 Wokoma Mbuyathu
kwitana ana onse;
Atsalanso ambiri ena
sanamvera zake;
Sanamva mawu akewo,
Sadziwa kuti 'natinso;
"Lolani ana abwere kwa Ine,
Lolani ana abwere kwa Ine."

4 Afike masiku
akuti anthu onse
Adzamva mawu anu
ndi kutsata inu nokha;
Muwale mtima mwawomo,
Adziwe muwakondanso;
Kopani anthu abwere kwa Inu,
Kopani anthu abwere kwa Inu.

276

1 Ana a Yerusalemu
Anatama Mbuye wawo;
Lero lomwe ife ana
Timwimbira nyimbo yawo.

*Mverani, aimba anawo,
Mverani, aimba anawo
Zakutama, zakutama,
Zakutama Mbuyeyo.*

2 Tamva tikondane naye,
Tiwerenge Mawu ake,
M'njira mwake tiyendemo,
Tiziimba nyimbo zake.

3 Apunzitsi, ana omwe,
Ndi akulu, t'iimbe tonse;
Nyimbo zathu zidzakwera
Zikamveke m'Mwamba monse.

277

1 Osanatu, osana,
'Naimba anawo;
M'kachisi wa Mulungu
Mwamveka nyimboyo.
'Nalemekeza Yesuyo
Wak'wadalitsayo;
Anamuyamikira
M'ubwana wawowo.

2 Kuphiri la 'Zitona,
Mumpingo wa 'nthuwo,
'Namkupizira mnjedza
Naimba nyimboyo.
Angelo akumwambako
Napokerezanso;
"Osana m'Mwambamwamba
Kwa Mlungu wathuyo."

3 Zitsamba zakuyera
'Naponya pansipo;
Kukondwa kunamveka
Paphiri ponsepo.
ambuye yemwe Mfumutu
Nakwera cheteko;
Tiana toyamika
Sanatinyozato.

4 "Osana m'Mwambamwamba!"
Nyimboyi t'iimbenso,
Pokhala Kristu Mfumu
Ndi Mpulumutsiyo.
Tamtamandire Iyeyu
Ndi mtima wonsewo;
Tipite kwawo komwe
Tikaimbirenso.

278

1 Ngolizo zilira
Za 'mithengawo,
Ndi zipata zonse
Zatsegudwa mbee!
Kristu, Mfumu yathu,
Mbuye wathudi,
Wapambana monse,
Alamulabe.

*Ntchito zake zatha,
Timwimbiretu;
Yesu wakwera,
Tamtamandetu.*

2 'Natipulumutsa
Natiferako,
Ali Mfumu ndithu
Kwa Atatewo;
Osasautsidwa,
Osafanso 'yi,
Yesu, Mfumu yathu

Adakweradi.

- 3 Atipempherera
M'malo 'dalawo,
Tinke kwathu komwe
Ndi chisomocho;
Akonzera malo
Ana akewo;
Yesu alipobe,
Atikondanso.

279

- 1 Ndikondwa kuti Atate
wam'Mwamba
Atidziwitsa chikondicho chake;
Ndimawerenga m'Uthenga Wabwino
Kuti Ambuye akonda anake.

*Ndikondwa kuti Yesu akonda,
Yesu akonda, andikondabe,
Ndikondwa kuti Yesu akonda,
Amandikondabe.*

- 2 Yesu ndimkonda, akondanso ine,
Anandifera pamtanda woopsa.
Wosayenera, woipa ndi ine;
Tsoka langalo Ambuye 'nachotsa.

- 3 Mzimu Woyera akhala mwa ine,
Atsimikiza chikondi cha Yesu;
Ine n'tachimwa amandikumbutsa;
"Lapa mwana 'we, akukonda Yesu,"

- 4 Ndikadzaona Ambuye Kumwamba,
Sindidzaopa pokhala akonda;
Anandikonzera kalelo nyumba,
Ndidzakhalamo wokondwa,
wokoma.

280

- 1 Ndikonda mbiri yomwe
Ya amithengawo
Ya Mbuye, Mfumu yathu
Pofika pansipa;
Zochimwa zindizinga,
Koma ndidziwatu
Anawombola ine
Pakundikondadi.

- 2 Ndikondwa kuti Yesu
'Nakhala mwanatu,
Chitsanzo atipatsa
Cha moyo wakewo;
Ndikati ndimtsatire
Zochita zakezo,
Sadzandiyoza konse
Pakundikondadi.

- 3 Pakumyamika Iye
Ndidzamwimbiratu;
Ngakhale sindimwona
Amandimveradi;
Pakuti walonjeza
Adzalandira 'ne
Ndiimbe ndi angelo,
Pakundikondadi.

281

- 1 Yesu andikonda ine,
Amatero m'Buku Iye;
Akafoka mwana wake
Adzamlimbikitsa Mbuye.

*Yesu akonda,
Yesu akonda,
Yesu akonda,
Atero m'Bukumo.*

2 'Nafera Mbuye wanga
Anditsegulire m'Mwamba,
Ndi machismo anga onse
Adzandichotsera konse.

3 Mbuye Yesu andisunga
M'njira ya Kumwamba kuja;
Andigwira m'dzanja langa
Ndingagweremo m'makwawa.

4 Yesu andikonda ine;
Ndikadzafa tsiku lina
Atengera ine kuno,
Ndikakhale naye kwawo.

NYIMBO ZA ANA- KUKHULUPIRIRA KRISTU

282

1 Yesu Mbuye 'Nu wafatsa
Muyang'enedi kamwana,
Mndichitiretu chifundo;
Mundilole kwa Inutu.

2 Ndimalira kwa Inutu,
Mpatse mtimawo wabwino;
M'Dziko lanu lowalalo
Mulandire mwana wanu.

3 Yesu, E, ndikufunani,
Ndinu chuma change chonse
Mtima wanu ngwofatsadi;
Kale munali kamwana.

4 Wonga Inu ndikhaledi,
Mtima wanu mundipatse;
Yesu ndinu wokomatu,
Mndiphunzitse kukonda 'Nu.

5 Yesu Mbuye 'Nu wabwino,
M'manja mwanu ndikhalemo;
Mzimu wanu mundipatse,
M'mtima mwangatu mukhale.

283

1 Yesu, ndikabwera
Mundikondweretsa,
Nsoni zanga mun'chotsera
Zonsezo.

*Ndikabwera, Mbuye
Ndidzakondwa ine;
Muitana ana onse
Onga 'ne.*

2 Yesu, ndikabwera,
Mumva mapemphero.
Mundikonda, mnandifera
Inetu.

3 Yesu, ndikabwera
Dzanja mdzandigwira;
Nokha mdzandilondolera
Njirayo.

4 N'takafika kwanu
Ndidzakhala bwino,
N'dzaonana ndi ananu,
Ndi Yesu.

284

1 Yesu wa Kumwamba,
Mutimvere ife;
Tikugwadirani,
Mwana wa Mulungu.

*2 Ndinu wakuyera,
Mfumu yakumveka;
Ife sit'yenera,*

Koma mutimvere.

3 Ndife akuchoka,
Mwina tisokera;
M'njira ya Kumwamba
Mutitsogolere.

4 Mutiletse, Mbuye,
Lero tisachimwe;
Tikondane ndinu
Mutitsuke m'mtima.

5 Mukatiitana
Tikakhale kwanu,
Tidzayankha, "Mbuye,
Tsono tili pano."

*(Yesu, Yesu,
Tikugwadirani
Mwana wa Mulungu!)*

285

1 Mpulumutsi, Mbusa wathu,
Mutitsogolere ife;
Mutiwete, mutisunge,
M'khola mwanu mtilandire;
Yesu wathu, Yesu wathu,
Mnatigula ana anu.

2 Ndife ana, mutikonda,
M'njira mutiperekeze;
Mchotse nsoni ndi zoipa,
Osokera muwabweze;
Yesu wathu, Yesu wathu,
Mumve mapemphero athu.

3 Munanena mulandira
Osauka ndi oipa;
Inu ndinu wachifundo

Ndi wamphamvu yolanditsa;
Yesu wathu, Yesu wathu,
Tidzatu tiana tanu.

4 Tifunitisa Inu tere,
Chifuniro chanu ndicho;
Mbuye wathu, Mpulumutsi,
Mutikonzetu m'katimo;
Yesu wathu, Yesu wathu,
Mtikondebe ana anu.

286

1 Mzinda woyerawo!
Konse nkotsekako;
Kanthu koipa,
Kanthu koipa,
Sikangalowemo.

2 Yesu ndafikatu,
Mbuyanga kwanuku;
Mundiyeretse,
Mundiyeretse,
Mnditsuke m'mtimamu.

3 Mbuye ndikhaletu
Mwana wokonda 'Nu,
Ndi wosungidwa,
Ndi wosungidwa,
Ndi mphamvu zanzu.

4 Mpaka ndabvala mbuu!
Wowomboledwatu,
Woyera mtima,
Woyera mtima,
Kwanu Kumwambako.

NYIMBO ZA ANA-KUTSATA KRISTU

287

- 1 Mbuye, tili ana anu,
Tiyamike Inutu;
Zinthu zonse zili zanu,
Tingadike m'mtimamo.
Tiganize zake Yesu,
Za Kumwamba kuli 'Ye;
Tisachite zomsautsa,
Aziona zonsezo.
- 2 Amakumbukira zonse
Tizichitia zomwezo.
Tidzamukomana tonse,
Sitinyazitsidwako.
Mukhululukire ife
Tchimo lathu lonsele;
Mutitsogolere ife
M'njira ya Kumwambako.

288

- 1 Yesu, muli pa chimpando
Chakuwala mbee! Kumwamba;
Mutipenya ife ana;
Mutimvere, Yesu.
- 2 Ife ana sitiopa,
Mukabwera mutiona,
Tamva kale mutikonda;
Mutimvere, Yesu.
- 3 Ife tikondana nanu,
tiimba nyimbo zanu,
tiyamika mphamvu yanu;
Mutimvere, Yesu.
- 4 Lero mkhale nafe ndithu,
Posewera ndi pantchito,

Popemphera ndi poimba;
Mutimvere, Yesu.

- 5 Mutiletse tisaname
Ndi kunena zotukwana,
Mtiphunzitse kukondana;
Mutimvere, Yesu.

289

- 1 Yesu atiuza tiwale 'fe,
Monga nyali m'mdima tiunike
mbee!
Pansi pali mdima walanitu,
Inu m'malo mwanu ndi ine 'mu.
- 2 Yesu atiuza tiyambemo,
Ationa bwino ndi kuwalako;
Ayang'ana pansi powala 'fe,
Inu m'malo mwanu ndi ine 'mu.

- 3 Yesu atiuza tiwale pa
Anthu ali m'mdima osaukawa;
Tiwalire onse, tonsefetu,
Inu m'malo mwanu ndi ine 'mu.

290

- 1 Anyamata inutu,
Anamwali inunso,
Muti: "Tingachitenji,
Ang'ono ndifetu,
Kuthandiza Ufumu
Wa Yesu?"
- 2 Aphunzitse anthuwo,
Awalalikiredi,
akukhala moipa
Mumdima wakunja,
Alowetu m'Ufumu
Wa Yesu.

3 E! ang'ono ndifetu,
Nzeru sizimafika
Kuti tingaphunzitse;
Titani tonsefe
Kuthandiza Ufumu
Wa Yesu?

4 Inu nonse anzanga,
Tiziganiza bwino,
tinganene mofatsa,
Timverenso Mbuye
Kuthandiza Ufumu
Wa Yesu.

5 Pothandiza amathu,
Pak'wakonda anzathu,
Pakusiya zoipa,
Pokhaladi bwino,
tithandize Ufumu
Wa Yesu.

291

- 1 Tiana ife tingofoka,
Sitikhala 'mphamvu 'yi;
Tikhoza kukachitiranji
Yesu kumkondweretsadi?
- 2 Tiana ta Ambuye tili
N'ntchito yaikuludi,
Kudzichepetsa, ndi kusiya
Tchimo lili lonseli.
- 3 Kapena m'mtima ndimakwiya,
Nditukwana mnzangayo,
Kapena ndidzitama - izi
Ndilekere Mbuyeyo.
- 4 Mdileke kulimbna ndi
Kuwanamiza enawo;

Ndinena zakufatsa,
Zakukondweretsa Yesuyo.

5 Tizikondana, tisekere
Tsiku lonse kwathuko,
Muyere m'mtimamo popeza
Yesu ndi Woyerayo.

6 Palibe mwana wakuchepa
Kunyamula mtandawu;
Ambuye Yesu mutipatse
Mtima wokondanatu.

292

- 1 Usachimwe konse,
Lekati kukwiya;
Uli mwana wake,
Mwana wa Mbuyathu.
- 2 Yesu ndi wofatsa,
Yesu ndi woyera;
Ana ake omwe
Aziyera m'mtima.
- 3 Mzimu wakuipa
Ukusuzumira,
Umakuyesera
Kuti ukachimwe.
- 4 Koma usalole
Mawu a Satana;
Bweza tchimo lake,
Chita zolungama.
- 5 Yesu ndi Mbuyako,
mbuyeyo ngwabwino;
Ana ake omwe
Aziyera m'mtima.

293

1 Tchimo musalole,
Musadziipitse,
Myese kudzikana,
Muzilimbikadi;
Mwamphamvu mpirire,
Mgonjetse zabiizi;
Mpenye kuli Yesu,
Adzakusungani.

*Mpemphe Mbuye asunge
Atonthoze m'mtimau,
Alikukufunani,
Akasunge inutu.*

2 Mlewe oipawo,
Ayi msatukwane,
Dzina la Mbuyathu
Muzilikwezadi;
Khalani ahangau,
Oona, abwino;
Mpenye kuli Yesu,
Adzakusungani.

3 Yesu alandira
Akupirirawo;
Chikhulupiriro
Chiwathandizadi.
Mbuye athangata
Onse akumvera;
Mpenye kuli Yesu,
Adzakusungani.

294

1 Nthawi yaubwana yatha,
Sukulu yathu yathanso;
Nkhawa ndi zowawa zomwe
Zitibisalaranso.

2 Yesu wakufatsa mtima
Mlendo pansi pano 'Ye,
'Natifera, natisunga,
Atitsogolere 'fe.

3 Tamverani, aitana:
"Ana, munditsatetu."
Yesu, tisapite kwina,
Tizikutsani 'Nu.

4 Posachedwa tilekana
Osalankhalananso,
Koma tidzaona tonse
Wina mnzake m'Mwambamo.

295

1 Yesu ndiye Mbusa,
Mbusa wakukoma,
Anyamula ana
Ake akuopa;
Tizitsata Yesu,
Atitsogolera,

Kwina kuli mdima,
Kwinanso koyera.

2 Yesu ndiye Mbusa,
Atipenyetsetsa,
Mawu ake onse
Atikondweretsa.
Mwina alangiza
Mwana wakulakwa;
Atsogola bwino,
Ife tizimsata.

3 Yesu ndiye Mbusa,
Anafera kale
Kuyeretsa ana
Nawo mwazi wake,

Tsono awalemba
Ndi chizindikiro:
"Ana anga onse
Andikhulupira."

4 Yesu ndiye Mbusa
Wakusunga ife,
Ali wachifundo
Chachikulu ndithu;
Sitiopa imfa
Akhala nafe,
Yesu Mbuye wathu
Alandira ife.

296

1 Pompano pandikonda
Poyendayenda 'ne;
Pawala mosekera
Ndi dzuwa loti mbee!
Ndikondwa nsiku zonse
Ndikale m'dzikoli,
Potsata Yesu m'njira yake
Yonseyi.

2 Ulendo ungoyamba
Wakunka kwathuko;
Amati: "Udzapeza
Zakusautsa 'mo."
Zobvuta ndi chisoni
Sindiziopa 'yi;
Ndidzangomtsata Yesu m'njira
Yonseyi.

3 Zoipa ndi zabwino
Zakundigwerazo,
Ndingonka nazo zonse
Ndimuze Yesuyo;
Zowawa adzachotsa
Zondiliritsazi;

Ndikangomtsata Yesu m'njira
Yonseyi.

4 Zondipingitsa zonse
Zolowa m'mtimamo
Achotsa, nandisunga
M'ulendo wonsewu.
Sindidzaopa kanthu,
Ngakhale imfayo,
Pomtsata Yesu yekha kunka
Kwathuko.

297

1 Mpulumutsi Yesu,
Mumve nyimbo yathu;
Tikuyamikani
Mumitima mwathu.
Zonse tili nazo;
Thupi, mzimu womwe,
Inde, moyo wonse,
Tipereka zonse.

*Komwe ndi chimwemwe
Tidzaimba tonse,
Tidzatama Mbuye
Osalema konse.*

2 Tiyandika, Mbuye,
M'fupifupi ndinu,
Tikugwadirani,
Mtilandire bwino.
Inu munatsika
Kutifera ife;
Inu munakwera
Kuti titsatire.

3 Haya! Tipitenso
M'njira yomwe ija

Ana a Mulungu
Onse adaponda.
Tizisiya zonse,
tiziyenda msanga,
Tisamachewuka
Mpaka tapambana.

5 Ine ndine mlendo
Wa Kumwambako;
Kundiyanikira
Kwathu komweko.

4 Tero tidzakwera
Kwawo kwa Mulungu,
Tidzaziiwala
Zotibvuta ife.
Komwe ndi chimwemwe
Tidzaimba tonse,
Tidzatama Mbuye
Osalema konse.

NYIMBO ZA ANA- ZA KUMWAMBA

298

1 Ine ndine mlendo
Wa Kumwambako;
Pansi pandikonda,
Koma mpoipa.

2 Kwathu nkopambana,
Nkosachimwako;
Zosautsa zonse
Sizikhalamo.

3 Koma azibvala
Mwana zoti mbuu!
Woachmwa konse
M'mtima mwakemu.

4 Yesu, mndiyeretse,
Mndimveretsedi;
Mzimu, mndiyendetse
M'njira yanuyi.

299

1 M'manja a Yesu wanga
Ndilikugonamo,
Mommo aphimba ine
Nacho chikondicho.
Mvera! Mudzera m'Mwamba
Mawu a Yesu wanga;
"Mwana, ndidzakusunga
Pano pantima panga."

*M'manja Yesu wanga
Ndilikugonamo,
Mommo aphimba ine
Nacho chikondicho.*

2 M'manja a Yesu wanga
Nkhawa zonsezo zi!
Momwe zoipa zanga
Sizindibvuta 'yi.
Mommo mulibe nsoni,
Mommo mokoma monse;
Sindiliranso msozi,
Ndikondwa m'mtima monse.

3 Mtima umabisala
M'manja mwa Yesumu;
Mbuye, musunge ine,
Munandifera 'ne.
Ndilinda mopirira
Mpaka wachoka mdima.
Ndikaonana naye
Yesu Ambuye wanga.

300

- 1 Yesu ndiye Bwenzi lathu,
Kumwamba kuli kwawo;
Amakonda tonse,
Akulu ndi tiana;
Anzathu sapirira;
Amalekana nafe,
Komabe kutiyanja
Saleka Yesuyo.
- 2 Ana ake adzapuma
Kumwamba mokondwera,
Amene anamkonda
Natsaka Yeu yekha;
Sauko ndi zobvuta
Zotitopetsa kuno,
Sitiziona konse
Kumwamba kwathuko.
- 3 Tidzalandirabe komwe
Zobvala za mitima
Yoyera, ndi kubvula
Zakale za kuchimwa;
Chimwemwe ndi chikondi
Tidzangokhala nazo,
Za ndewu ndi chisoni
Sitizipeza 'yi.
- 4 Woyenera ndani kunka
Kukhala ndi Atate,
Kuimba nyimbo zake,
Za Mpulumutsi wathu?
Tidzanka ife tonse
Tamsata pansi pano;
Tiyeni ana onse,
Yambani leroli.

301

- 1 Yesu adza kuwerenga
Ana ake abwino,
Ndi kubvala zachifumu
Zakuwalazo zake.

*Ana ake angonga
Nyenyezi zam'mwamba,
Adzawala m'Ufumu
Wa Mbuye Yesu.*
- 2 Yesu adza kukundika
Ana ake ankhosa,
Ndiye Mbusa wakufatsa
Namalezatu lere.
- 3 Kudzachera tsiku lijalo
Msangatu msanga,
Kudzawala m'mawa wake
Pompano ponse.

302

- 1 Kwa Yesu ndi kwabwinoko,
Nkoti mbee! Nkoti mbee!
...Kulibe zoipitsako,
...Nkoti mbee! Nkoti mbee!
Kuimba amaimbako,
Ndi amithenga omweo
Akondwerera kokhako.
Nkoti mbee! Nkoti mbee!
- 2 Zochimwa sizilowako,
Mwayitu! Mwayitu!
Misozi m'maso mwawo 'yi,
Mwayitu! Mwayitu!
Chisomo chili m'mtimamo,
Aona nkhekope yakeyo
Ya Yesu adalitsawo.

Mwayitu! Mwayitu!

- 3 Oipa tili tonsefe;
Mwaziwo, mwaziwo,
Wa Yesu watigulatu;
Mwaziwo! Mwaziwo!
Tiyeretsedwa nawowo,
Mtendere wa Mbuyathuyo
Ukhala nafe komweko.
Mwaziwo! Mwaziwo!

303

- 1 Dziko lilipolo
Lokondwatu,
Oyera 'khalamo,
Abvala mbuu!
Tamvani nyimboyo;
"Mfumu tiyamikeyo,
Mkwezeni Dzinalo,
Mwimbenibe."

- 2 Tiye kudzikolo,
Tiyeni 'nu;
Musakayikebe,
Muchedwatu.
Tikondwendwedi,
Tchimo ndi zoipa zii!
Mbuye timwona ndi
Kukondwabe.

- 3 Maso a m'dzikomo
Onse nga mbuu!
Mkono wa 'Tatewo
Ngwosungatu.
Tiye ku dzikolo,
Mgwira 'nu ufumuwo.
M'mwamba mwa dzuwamo
Tikhalebe.

NYIMBO ZA ANA- MAMAWA

304

- 1 Dzuwa liwala, m'tulotu
Landidzukitsamo;
'Tate chikondi chanucho
Chindidalitsapo.
- 2 Dzuwa la lero lonseli
Mundisungire 'ne;
Mchotse zoipa zangazi,
Nanu ndikhalebe.
- 3 M'mtima mwangamu mlowemo,
Mwini chifundocho,
Kuti ndikafananetu
Ndinu Mbuyangayo.

NYIMBO ZA ANA- MADZULO

305

- 1 Yesu Mbusa, mutimvere,
Dalitsani ifetu,
Ndi usiku mutisunge,
Tidzukenso bwinotu.
- 2 Lero lino mwapitasa
Zonse tili nazotu,
Moyo womwe; miyamiko
Landireni Mbuye 'Nu.
- 3 Tchimo lathu lonse, Yesu,
Mukhululukire 'lo;
Mtitengere kwanu komwe
Kumpumulo wanuwo.

NYIMBO ZOMALIZIRA

306

- 1 Tilikuimba nyimbo yomweyi,
Yakuyamika Mbuye wathuyo;

Mtendere wake tiufunadi,
Titapemphera tinke kwathuko.

Ndi Yesu Bwenzi lathuli.

2 Titanka kwathu mkhale nafeko,
Tikufunani Yesu Mbuyathu;
Musunge ife nthawi zonsezo,
Mutiyeretse m'mtima mwathu mbuu!

3 Usiku uno mutisungedi,
Khalani m'fupi m'nyumba
mwathumo;
Mamawanso mudzatidzutse nji!
Kuti tigwire ntchito zathuzo.

4 Mtitsogolere nthawi zonsezo;
Kuyenda tokha sitikhoza 'yi.
Ngati mukhala Mbuye m'fupimo,
Sitidzaopa kanthu kena 'yi.

307

1 Ambuye, mtidalitsetu,
Musunge Mawu m'mtimamu;
Muyatse moto wanuwo,
Chikuletu chikondicho.
Pokhala moyo imfanzo,
Ambuye mtiwalirepo.

2 Lalowa dzuwa, kwada bii!
Mwapenya ntchito zathuzi;
Taletsa mwina tchimolo,
Mwinanso tangolakwapo.

3 Mufafanize m'bukumo
Zolakwa zathu zonsezo,
Ndi kutipatsa ifetu
Mtendere wanu m'katimu.

4 Chimwemwe chomwe mpatseko
Ndi kukondana ndinunso
Tifuna kufananadi

308

1 Tikutha kupemphera,
Tipita kwathu tonse;
Mtiperekeze, Mbuye,
Panjira zathu zonse;
Titamva Mawu anu,
Mawuwo ndi amoyo,
Alowe m'mtima mwathu,
Akhazikikemo.

2 Ambuye, Mzimu wanu
Atikumbutse tonse,
Atithandize lero
Kumvera Mawu onse.
Kumudzi mkhale nafe,
Musatsiye konse;
Machimo onse mletse,
Tiyere m'mtimamo.

ZOYAMIKIRA MULUNGU

309

1 Tiyamike Mlunguyo,
Anthu ndi zinthu zonsezi
Ndi onse a Kumwambako
Mlungu amyamikiredi.

310

1 Mulungu akhale nawo
ulemerero ndi dalitso,
Ndiye Atate, Mwana,
Mzimu Woyera, Mlungu mmodzi:

2 Tsopano, poyamba paja,
masiku onse alinkudza,
Mphamvu, ulemerero,
dalitso, chipambano.

NYIMBO ZINA

311

- 1 Yehova, Mbusa wangadi,
Ndilibe kusowa;
Andigonetsa bwinoli
Mumsipu wokoma.
- 2 Ku madzi ake odikha
Anditsogolera;
Ndi moyo wanga wofoka
Aulimbikitsa.
- 3 Anditsogolera m'njira
Zakulungamazo;
Chifukwa changaay', koma
Cha dzina lakelo.
- 4 Ndipyola kodi chikhwawa
Cha mthunzi wa imfa?
Ndilibe mantha ngati 'Nu
Mundiperekeza.
- 5 Chakudya changa chabwino
Mwandikonzera pha!
Pamaso pa adaniwo
Mudyetse mtimanga.
- 6 Mwadzozza mutu wanga ndi
Mafuta okoma,
Mwadzaza chikho changadi,
Inde, chisefuka.
- 7 Zokoma ndi zakuyanjanja
Zidzanditsatako;
Ndikhala m'nyumba ya Mlungu
Ku nthawi zonsezo.

312

- 1 Mulungu, anthu 'fe
Mutidalitsetu;
Chisomo chiwalire 'fe
Cha nkhope yanuyo.
- 2 Potero onsewo
Okhala pansipa
Adzamva bwino msangatu
Za njira yanuyi.
- 3 Ayamikire 'Nu
Padziko ponsepa,
Mitundu yonse ipfu'le,
Mokondwereratu.
- 4 Pakuti Mfumuyo
Ndi Inu nokha 'Nu;
Mudzalangiza bwinotu
Mafuko onsewo.
- 5 Zipatso zakezi
Labala dzikolo;
Adzadalitsa ifetu
Mulungu wathuyi.
- 6 Adzadalitsa 'fe
Mulungu mwiniyo;
Padziko ponse anthuwo
Adzamuopatu.

313

- 1 Nonse okhala pansipa,
Muyamike Mlunguyo;
Ndi nyimbo mtumikire 'Ye;
Mubwere mokondweratu.
- 2 Yehova ndiye Mlungudi,
Anatilenga yekhayo;

Amatidyetsa ake 'fe,
Ndi nkhusa zake ifetu.

3 Lowani m'nyumba mwakemu
Ndi nyimbo zokondweratu;
Mumyamikire Mlunguyo,
Mulemekeze Dzinali.

4 Pakuti Mbuye Mlunguyo
Wokoma mtima ndiyedi
Woono adzakhale
Kunthawi zonsetu.

314

1 Muli ndi ludzu, idzani
Kumadzi amoyo;
Imwani nonse kolere
Kuchitsime konko.

2 Munka kangati kulawa
Madzi onyengera?
Musataye m'phamvu yanu,
Musataye chuma.

3 Imvani Yesu akuti:
"Chuma ndili nacho,
Landirani, yemwe amva
Akhale ndi moyo."

4 Funani Mlungu tsopano,
Akulindirani;
Iye ndiye wachifundo,
Akulandirani.

5 Ali wokhululukira;
Imvani ananu;
Mtima wake usiyana
Ndi mitima yathu.

6 Monga m'Mwamba mupambana
Zonse panso pano;
Choncho maganizo ake
Apitira athu.

7 Anthu onse a padziko
Adzamvera Mlungu;
Adzakhala ndi chimwemwe,
Nadzamtama ndithu.

315

1 *Tiyamike Mlunguyo,*
Tiyamike Mlunguyo,
Watidzera ndi mtendere
(Ndi mtendere.)

2 *Anatuma Mtetezi,*
Anatuma Mtetezi,
Ndiye Mfumu Yesu Kristu
(Yesu Kristu.)

3 *Tinafunafunatu,*
Tinafunafunatu,
Osapeza Mpulumutsi
(Mpulumutsi)

4 *Tinafuna m'phirimo,*
Tinafuna m'phirimo,
Koma osampeza mommo
(Osampeza)

5 *Tinafena m'nyanjamo,*
Tinafuna m'nyanjamo,
Koma osampeza mommo
(Osampeza)

6 *Yesu ndiye Mtetezi,*
Yesu ndiye Mtetezi,
Wina saoneka ayi
(Saoneka)

7 Dzina lake Yesuyo,
Dzina lake Yesuyo,
Lidzakhala nthawi zonse
(Nthawi zonse)

8 *Tonse timyamiketu,*
Tonse timyamiketu,
Mpulumutsi wamuyaya
(Wamuyaya)

316

1 Aitana,
Aitana dziko lonse,
Imvani,
Mukhaliranjhi chete? Aitana,
Aitana,
Aitana dziko lonse.

2 Mfumu iyi,
Mfumu iyi ya Kumwamba
Ndi Yesu,
Ndi Mpulumutsiyo wa anthu onse,
Anthu onse,
Anthu onse, tinke kwawo.

3 Aitana,
Aitana inu mayi,
Ndi Yesu,
Amene anakhetsa mwazi wake;
Mwazi wake,
Unagwera inu mayi.

4 Aitana,
Aitana inu 'tate,
Ndi Yesu,
Amene anakhetsa mwazi wake;
Mwazi wake,
Unagwera inu 'tate.

5 Yesu ati,
Yesu ati: " Muzisiye
Zoipa
Zimene muzichita, muzisiye,
Muzisiye,
Muzisiye inu nonse."

6 Titi bwanji?
Titi bwanji ife anthu?
Ndi Yesu
Anatifera ife akuchimwa;
Akuchimwa,
Akuchimwa tinke kwawo.

317

1 'Tate 'Nu,
'Tate 'Nu, mtione 'fe
Tadza kupemphera kwa Inu.

2 *Imvani*
Imvani Amfumu 'Nu
Mawu athu tinene lero.

3 *Tipempha,*
Tipempha mdalitsetu
mpingo wanu woyera uno.

4 *Imvani,*
Imvani akunjawo
Akulira opanda Yesu.

5 *Ayenda,*
Ayenda munjirazo
Zakupita kuchitayiko.

6 *Ambiri,*
Ambiri akufadi
Osadziwa za Krsitu Yesu.

7 *Auke,*
Auke akrsituwo,
Akhale antchito anu.

8 *M'watame,*
M'watame antchitowo
Alalike Uthenga wanu.

9 *Ubwere,*
Ubwere Ufumuwo,
Uoneke padziko ponse.

318

1 Perekani mtima wanu,
yesu aitana nonsenu;
Osauka, amasiye,
Yesu anakuferani 'nu.

*Perekani, perekani
Mtima wani nonsenu;
Yesu akulindirani,
Perekani mtimawo.*

2 Tsugulani mtima wanu
Nonse, Yesu akalowemo;
Akuchimwa, Iye adzalowa
Nazo zakukomatu.

3 Mtembenuke mtima wanu,
Inu osamvera Mlunguyo;
Yesu aitana ife
tikamtsate m'njira yakeyo.

4 Perekani mtima wanu
Kwa Mbuyathu Mpulumutsiyo,
Ndiye wakudziwa kuchiritsa
Anthu akuchimwatu.

319

1 Yesu, Bwenzi la ochimwa,
Yesu wondikondabe,
Ena samandikwanira,
Yesu salephera 'yi.
Aleluya Mpulumutsi!
Aleluya Bwenzilo!
Amakonda, amasunga;
Ndimufuna Yesuyo.

2 Yesu ndiye mphamvu yanga,
Andilimbikitsatu;
Poyesewa ndi adani
andipambanitsadi.

3 Yesu atonhoza mtima
Ndikadera nkhwawa 'ne
Pakukhala ndi chisono
Andisangalatsabe.

4 Yesu ndiye Mtsogoleri
Pakuyenda m'njiramo,
Ndipo ndikafuna kugwa
Andigwira dzanjalo.

5 Yesu ndimafuna Inu,
Mwapambana zonsezo;
Mlamulire mtima wanga,
Mndikhalitse wanutu.

320

1 Walira Yesu m'dziko linoli,
Walira Yesu m'ntchito zakozi,
Walira Yesu pofanana ndi
Ambuyathu Yesu Kristu.

*Tiwaliretu, tiwaliretu
Ambuye Yesu wotikonda 'fe,
Mlemekeze 'Ye tsiku lonseli,
Inde tiwalire Yesu.*

2 Walira Yesu pazobvutazo,
Walira Yesu pakukondwanso,
Walira Yesu, imbani 'nu
Ambuyathu Yesu Kristu.

3 Walira Yesu wolimbisayo,
Walira Yesu m'moyo monsemo,
Walira Yesu; tidzaonatu
Ambuyathu Yesu Kristu.

321

1 Zambiri zagona m'kholamo,
Zosungika bwino 'mo;
Koma imodzi inasokeradi,
Nitayika m'thengomo
Kutali kuphiri loopsalo,
Kutali ndi mbusa wakeyo.

2 Ambuye, muli nazo zambirizi,
Kodi sizifikirazi?
Koma Mbusa nanena, 'Yangayo
Yatayika naneyo;
Ngakhale njira njoopsadi,
Ndilinga kuphiri kuipezanso."

3 Koma zina sizinadziwa ayi,
Makwawa 'napyola 'ye,
ndi mdima woopsa wa usikuwo
Ambuye nailonda yake.
Anamva kulira kutaliko,
Naipeza yofoka, yakufayo.

4 Ambuye, wakuti ndi mwaziwo
Panjira ponsepo?
"Ndaukhetsa potsata iwetu,
Kukubweza ku kholalo,"
Ndi m'manja mwalaswa bwanjimo?
"Ndalaswa ndi minga pofuna iwe."

5 Ndiponse paphiri ndi padambopo
Ndi makwawa, indetu,
Kunakwera kupfuula
Kumwambako,
"Kondwani, ndaipeza yanga!"
Nd' angelo a Mlungu nabwezanso,
"Kondwani Ambuye 'napeza yawo."

322

1 Muthire, Yesu, m'mtimanga
Kukonda kwanuko;
Mwa Mlungu ndidzalimbika,
Ndisasokerenso,
Ndisasokerenso.

2 E, moto wanu woyera
Uyake mwa ine;
Utenthe zonse zoti bii,
Undiyeretsedi,
Undiyeretsedi.

3 Munagwa pa Atumwiwo;
Dzazani mwa ine;
Mzimu wamoto Woyera,
Ndipempha mudzetu,
Ndipempha mudzetu.

4 Ndikhazikike inetu,
Mumtima muli mwai;
Ndi Yesu ndikondanetu,
Si kanthu kena 'yi,
Si kanthu kena 'yi.

323

1 Atate Wamkulu ndi wamphamvu
zonse,
Atate Wamkulu ndi wamphamvu
zonse,
Khalani ndi chifundo ndi ife lero.

2 Ifetu kuchimwa, Mbuye,
Ifetu kuchimwa, Mbuye,
Mutume Mzimu wanu atiphunzitse.

3 Mwa Mzimu mulowe mumitima
yathu,
Mwa Mzimu mulowe mumitima
yathu,
Zoipa zathu zonse mtiululire.

4 Tafika kwa inu mutiunikire,
Tafika wa inu mutiunikire,
Chifuno chathu chonse taleka lero.

5 Tifuna kuchita chifuniro chanu,
Tifuna kuchita chifuniro chanu,
Chifuno cha Mulungu nchabwino
chokha.

6 Atate, mupatse zomwe tapemphazi,
Atate, mupatse zomwe tapemphazi,
Tapempha m'Dzina lake la Mpulumutsi.

324

1 Ona Mwanawankhosayo
Wakusenza zakuipa zathu zonse.

*Mwanawankhosa
Watisenzera
Zakuipa zathu zonse.*

2 Anasenza m'thupi mwake;
Pakukhomedwa pamtanda anali duu.

3 Ona pamtanda Yesuyo
Anabvutika chifukwa cha anthu 'fe.

4 Imva kulira kwa Yesu
Pamene anasiyidwa muimfayo.

5 M'mwazi wake tisambamo;
Zichotsedwa zakuipa zathu zonse.

*(Ona Mwanawanakhosayo
Wakusenza zakuipa
Zathu zonse.)*

325

1 Yesu anali khanda
M'Betlehemumo;
Mngelo anasimba za
Kubadwa kwake.

*Kubadwa kwa Yesu
M'Betlehemumo;
Khandalo linagona
M'khola la ng'ombe.*

2 Mngelo anatumidwa
Kuwasimbira
Abusa a nkhosa za
Kubadwa kwake.

3 Anapita nasiya
Nkhosa zawozo;
Anapita kumudzi
Kukamlambira.

4 "Tadodoma, abusa,
Kwachitikanji?
Mwazisiyira yani
Nkhosa zanzu?"

5 "Posunga nkhusa ife
Kubusa kwathu
Mngelo anasimba za
Kubadwa kwake."

326

- 1 Atate, tifika pamaso panu;
Mukomane ndi ife, Mbuye wathu.
- 2 Mitima yathu iyi nayo njanu,
Muiyeretse zinthu zanu zokha.
- 3 Ndi maso athu awa nawo nganu,
Muwapenyetse zinthu zanu zokha.
- 4 Ndi manja athu awa nawo nganu,
Agwiretu ntchito yanu yokhayo.
- 5 Ndi miyendo yathu iyinso njanu,
Ithamange m'ntchito yanu yokhayo.
- 6 Ndi milomo yathu iyinso njanu,
Ilalike Mawu anu kwa onse.
- 7 Ndi makutu athu awanso nganu,
Muwamvetse Mawu anu okhawo.
- 8 Tidziperekadi konse kwa Inu
Tikakhale anthu anu okhawo.

327

- 1 Atate, ndipempha
Tsopano mundimvere,
Ndipempha kuti mundithandize.
- 2 Ine ndili munthu
Wochimwa panso pano,
Munditsuke Mbuye, ndiyeretu
- 3 Ndalema ndathodwa
Ndi zinthu zapadziko,
Zakhalatu goli londimanga.
- 4 Yesu Mfumu Inu
Mumandiuza kuti:

"Pemphera, ndipo udzalandira."

- 5 Ndipempha, Ambuye,
Mundidzaze n'chikondi,
Mtima wangawu ukukondeni.

328

- 1 Dziko lonse mlambire
Yesu Mbuye wathuyi,
Muimbire ndi chimwemwe
Dzinalo.
- 2 Mbwere nonse muone
Zomwe achita Yesu;
Nzozizwitsa, nzodabwitsa
Ntchitozo.
- 3 Aweruza ndi mphamvu
Ku nthawi yamuyaya;
Diso lake lisamala
Am'dziko.
- 4 Mbwere mudzamve nonse
Zamphamvu za Yehova;
Mumwimbire, mumyamike
Yehova.
- 5 Tisonkhane tonsefe,
Timgwadire Ambuye;
Timlambire, timlambire
Yehova.

329

- 1 Mlungu akuyang'aniredi
Kufikira tionana;
Adzasunga nkhusa zake;
Mlungu akuyang'nairedi.

*E! tidzakomanansotu
Pamapazi a Yesu;
E! tidzakomanansotu;
Mlungu akuyang'aniredi.*

- 2 Mlungu akuyang'aniredi,
M'dzanja mwake akulere,
Ndi mapiko akubise;
Mlungu akuyang'aniredi.

330

- 1 Potuluka m'mudzimo
Yesu anasenza mtanda,
Pokwera ku Gologota
Kukampachikatu Mbuye.
Pilatoyo, mfumu yawo,
Inampereka kwa 'Yuda,
Kuti amapachiketu
Kufera zoipa zathu.

*(Atate 'nu, amayi 'nu, nonsenu,
Onani Yesu wasenza mtanda;
Atate 'nu, amayi 'nu, nonsenu,
Onani Yesu wasenza mtanda.)*

- 2 Zoopsya zopambana
Zinachitika pamtanda
Kuti mdima unadza,
Dzuwa linabisikanso.
Chinsalucho cha m'kachisi
Chinang'ambika pakati,
Myala inaswekanso,
Dziko linagwedezeka.

- 3 Pomwalira Mbuyeyo
Anapfuula kokweza
Naitana Atate
Kupereka mzimu wake;
"Mlungu wanga, Mlungu wanga,

Mwandisiy'ranjitu Ine,
Mundikweze m'Mwambamo,
Landirani mzimu wanga."

- 4 Ankhondowo poona
Zinachitika pamtanda,
Anabaya m'nthitimo,
Munatuluka magari.
Paphirilo la Golgota
Anaferapo Mbuyeyo
Nasauka koopsya
Ndi zoipa zathu izi.

331

- 1 Tumphatumpha moyo wanga,
Sangalala ndi Mtetezi;
Kuwombola kwa Yehova
Kwatuluka m'dziko lako.

*Mlungu wakwezekatu,
Mpulumutsi m'dziko lako,
Wakwezekatu Chitetezo
Wabvundikira iwedi,
Mzimu wanga 'we wafunda,
Lulutiratu moyo wanga.*

- 2 Bvinabvina moyo wanga,
Lulutira mtima wanga;
Wa mawuwo a Yehova
Watuluka m'dziko lako.

- 3 Imbirira moyo wanga,
Mtendere wako wafika;
Mbendera ya Chitetezo
Waikwezetsa ndi Yesu.

- 4 Ukondwere moyo wanga,
Kuunika kuoneka,
Ndi mdimawo uthawatu;
Lulutira moyo wanga.

5 Usekere moyo wanga,
Ndi Yehova akufuna;
Wakwezatu mbenderayo
Ya Chitetezo, sekera.

332

1 Pakuona imfayo
Chisonicho chikula,
Ndilira misozi.

*Ndilira, ndilira,
Ndilira Mbuye Yesu wangadi.
Ndaimba ndi kulira ndi kuisima,
Ndimba ndi kulira ndi kuisima,
Ha! Ha! Aleluya!
Ha! Ha! Aleluya!
Mwasiyirangi Ambuye Yesu?*

2 Ndinasiya amayi,
Ndinasiya atate,
Abale komweko.

3 Kazembe wanga m'matenda,
Ndili m'manja mwa Mbuye.
Abale tsalani.

4 Zoipa zakanikadi,
Sizikhoza kuchotseka,
...Ndilira misozi.

5 Angelo aitana,
Aitana Kumwambako,
Tiyeni, tikwere!

6 Munafera pa mtanda
Chifukwa cha inedi,
Si cha wina ayi.

333

1 Lidze msanga dzuwa lanu
Lolonjezedwa, Ambuye.
Mnalinena polawira
Kwa anyamata, Ambuye.

*Kuli chimwemwe m'dzuwalo
Lakufika Ambuye,
Ha! Ambuye bwerani,
Ha! Ha! Ambuye bwerani.*

2 M'dziko lino chimwemwecho
Chakudza ndi Yesu Mbuye.
Mfumu yathu ya Kumwamba
Ndi dziko lonse lapansi.

3 Adzakhala pampandopo
Wakuweruza makamu;
Amitundu adzaima
Pamoso pa Mbuye Yesu.

4 Adzanena kwa anthuwo
Akudzanjatu lamanja,
"Lowani 'nu m'chikondwero
Cha Atate nthawi zonse."

334

Amen, Amen, Amen.

335

1 Ndidze pafupi pa
Mlungu wanga,
Ngakhale pamtanda
Mundikweza;
Koma ndiimbabe,
Mbuye mndikhalitse,
Mbuye mndikhalitse
M'fupi Ndinu.

2 Ngakhale kuthengo
Ndasokera,
M'mdima ndigonapa
E, pamwala;
Koma m'kulotako
Ndiyandikizanso
Ndiyandikizanso
M'fupi Ndinu.

3 Pajapo ndipenya
Pokwerapo,
Angelo atsika
Kumwambako,
Ndiwo akodola
Kuti ndikabwere,
Kuti ndikabwere,
M'fupi Ndinu.

4 Tsono poukanso
Wokondwatu,
Ndipeza pomwepo
Pali Mlungu;
Ndipo masautso
Andisendezano,
Andisendezano,
M'fupi Ndinu.

5 Pena pakufadi,
N'kweza m'Mwamba,
Dzuwa ndi nyenyezu
Zitsalira;
Pomwe ndiimbanso,
Ndidza pafupi pa,
Ndidza pafupi pa
Mlungu wanga.

Ndi ku Betlehemuko
Pakubadwa Inu,
Nyumba zawo 'nakukanani.

*Mbuye Yesu, lowani m'mtima,
Nyumba yanu ndi mtimanga.
Mbuye Yesu lowani m'mtima,
Nyumba yanu ndi mtimanga.*

2 Akumwambawo
Naimbitsatu
Kukulemekezani;
Koma monga mwana
M'dziko munabadwa,
Munadzichepetsadi.

3 Nyama za m'thengo
Ndi mbalamezo
Zili nazo zogonamo,
Koma Mwana wa Mlungu
Analibe nyumba,
M'mapululu nagonatu.

4 Munadzera ndi
Mawu a moyo
Akupulumutsa anthu;
Anakaniza,
Anasautsa,
Anapachika Inu.

5 M'mene mubwera
Kutiweruza
Ndi angelo aimbira,
Mundiitane,
Muti , "Idza 'we,
Khala nane Kumwamba."

336

1 Munasiyatu
Dziko lanulo,
E, chifukwa cha ine;

*Mtima wanga udzakondwera,
M'mene mundilandidiranso.
Mtima wanga udzakondwera,
M'mene mundilandidiranso.*

337

1 Kasupe ali wodzaza
Ndi wazi wa Yesu;
Omwe asamba mwa uyu
Ataya zoipa.

*Ataya zoipa,
Ataya zoipa;
Omwe asamba mwa uyu
Ataya zoipa.*

2 Woba wakufa 'napenya
Kasupe, nakondwa,
Ndimu inenso mwa uyu
Ndisamba ndiyera.

*Ndisamba ndiyera,
Ndisamba ndiuera;
Ndimu inenso mwa uyu
Ndisamba ndiyera.*

3 Mwazi wa Yesu wokondwa
Ukhala wamphamvu
Kwa ana onse a Mlungu,
Uchita kwombola.

*Uchita kwombola,
Uchita kwombola;
Kwa ana onse a Mlungu
Uchita kwombola.*

4 M'mene ndapenya mwazi wa
Mabala anuwo,
Kukonda kwanu nditama
Kwa kutha kwa moyo.

*Kwa kutha kwa moyo,
Kwa kutha kwa moyo;
Kukonda kwanu nditama
Kwa kutha kwa moyo.*

5 Kumwamba ndikaimbanso
Zimphamvu za Mlungu,
Zopulumutsa onsewa

Omvana ndi Yesu.

*Omvana ndi Yesu,
Omvana ndi Yesu;
Zopulumutsa onsewa
Omvana ndi Yesu.*

338

1 Yesu and'itana,
Adzandiyeretsa
Ndi mwazi wake wokhetsa
Pa phiri Gologota.

*Ndilikudzatu,
Ndidza kwa Inu;
Munditsuke m'mtimamo
Ndi mwazi wanuwo.*

2 Ndafoka, ndaipa,
Mundilimbitsetu;
Mundiyeretse konseko,
Ndiyereyere mbuu.

3 Atero ndaniyo?
Ndi Yesu wabwino;
Apatsa mvani, mtendere,
Ndi mphamvu m'mtimamo.

4 Yesu akhazika
Zonse za m'katimo,
Nalonga Mzimu Woyera
Munafoipamo.

5 Nditama mwaziwo!
Nditama chifundo!
Nditama Yesu Ambuye,
Nditenga mphamvu 'ko.

339

1 Ndi misozi ndi chisoni
Ndiliratu kwa Inu Yesu,

Ndi chifundo chandigwira
ndilira kuti ndili wanu.

*E! kwa Inu, E! kwa Inu!
Ndilira kuti ndili wanu.*

2 Mbuye Yesu ndi Atate,
Mundiona ndili wosowa.
Ndimasowa Mzimu wanu
Kuyinga zonse za mumtima.

3 Mtenderewo wosanyenga
Ndilira ine m'mtima wanga,
Kundimvetsa chimwemwetu,
Ndilira ine m'mtima wanga.

4 Kalekale ndinathawa,
Ndinakana kumvera Inu;
Koma lero ndamva kuti
Muli Mwini wake wa moyo.

340

1 Malo alimo m'nyumba ya Yesu,
Ndi nyimbo zake zikuitana:

*"Lowa, lowa
Tsopano lowatu."*

2 Mdimba ufika, dzuwa lalowa,
Nthunzi zilipo, wadza usiku.

3 Nyumba yodyera ilikudzaza;
Idza nulowe, Mkwati anena:

4 Chakudya ichi ndi cha iwenso,
Madzi amoyo umwe kolere.

5 Onse am'Mwamba ali mowemo,
ndimo angelo akuitana:

6 Mawu a Yesu ati: "Msangatu
Idza, wochedwa, lowa
m'nyumbamo."

7 Msanga adzachitseka chitseko,
Adzakuuza: "Choka, chokatu."

*Choka, choka,
Anena chokatu.*

341

1 Pamtandapo, pamtanda,
Yesu 'nafera;
Pamutupo chilemba,
Chisoni ine.
Analira, "Eloi, Mlungu wanga!
Lama sabakatani,
Mwandisiyiranji?"

2 Kumandako, kumanda
Yesu nauka;
Anaposa imfayo,
Watha zonsezi
Ndikondwera, Mbuyanga 'naukadi
Sekerani nonsenu,
Yesu ngwamoyo.

3 Pakukwera Kumwamba
Yesu anati,
"Musachoke m'mudzimu,
Pempheerani;
Mzimu Wakuyera adzabwera,
Kuthangata nonsenu,
Kuti msafoke."

4 Uzanitu abale,
Onse alongo,
Ndi amitundu yonse
Adzakondwera,
Musaope ntchitoyo yokomadi,

Mphotho yake Kumwamba,
Moyo wosatha.

342

1 M'dziko lino tikhalamo
Utibvuta moyo,
Koma dziko la mtendere
Lili kwa Mulungu.

2 Watitsogolera Mbuye,
Komwe kwa Atate,
Ndimu tidzatsata naye
Moyo wathu wonse.

3 Ndi tsopano tilindira
M'dziko lathu lino;
Ntchito atipatsa Mlungu,
Tizigwira bwino.

4 Ngati zakuipa zathu
Zikatisautsa,
Tithawire kwa Mbuyathu,
Atipulumutsa.

5 Timpemphere kutipatsa
Mtima watsopano,
Kutithandizira kunka
Paulendo uno.

343

1 Kuli dziko labwino m'Mwamba
Lakuwala koposa dzuwa;
Yesu atikonzera malo
Pokhalira ife komweko.

*Bwinoli tipita,
Tikumana mwa Dziko lija,
Bwinoli tipita,
Tikumana mwa Dziko lija.*

2 Tidzimba komweko nyimbo
Za abwino omvera Yesu,
Sitidzamva chisoni ife,
Tidzakondwa masiku onse.

3 Tidzatama Atate wathu
Kuti Iye 'napatsa Yesu
Kuchotsera zochimwa zonse,
Ndi kutidalitsira ife.

344

1 Apita anzathu dzuwa lino
Kosaoneka,
Apita anzathu dzuwa lino,
Apita anzathu dzuwa lino
Kosaoneka.

*A! Kumwamba
A! kuli a Yesu.*

345

1 Ine ndili ndi manyazi
Kuti kale lomwelo
Ndinanyoza kudza komwe
Kwa Mtetezi wanga Yesu,
Ndati sindimfuna 'yi.

2 Koma Iye wandipeza;
Ndamuona m'mtandamo,
Mwa kufera ine momwe;
Ndipo ndati m'mtima wanga:
Mbuye, ndikufunani.

3 Nsiku zonse kwanja kwake
Kunandithandizatu,
Kunandichiritsatu,
Ndipo ndati: Mpulumutsi Ndinu
Mbuye wangatu.

4 Sindifuna Mbuye wina,
Koma Yesu yekhayo;
Ine ndili munthu wake,
Iye anandigonjetsa
Ndi kukonda kwakeko.

346

1 Kondwani nonsenu,
Mpulumutsi anadza;
Onani kukhola,
Ndi mtanda ndi manda.

*Mlemekeze, bukitsani,
Naferatu kale;
Kondwerani, mlemekeze
Akhaladi moyo.*

2 Kondwani nonsenu,
Anakhetsa mwazi,
Natiwombola nawo,
Tikhale ana 'ke.

3 Kondwani nonsenu,
Atikhululukira,
Wosachimwa nafera
Anthu 'fe oipa.

4 Kondwani nonsenu,
Mfumu yathu yakwera;
Kwa Atate Kumwamba
Atipempherera.

5 Kondwani nonsenu,
Adzabweranso Yesu,
Waulemu, wamphamvu,
Kuweruza dziko.

347

1 Tate, ndili mwana wanu,
Nkana ndinachimwa,
Ndingolirira kwa Inu;
Khululukireni.

*Machimo anga ngambiri
Osawerengeka,
Ndingoyang'ana kwa Inu;
Khululukireni.*

2 Ndinachimwa poganiza
Ndi polankhulanso,
M'ntchito zanga ndachimwanso;
Khululukireni.

3 Ndinachita mphulupulu,
Ndinakunyozeni,
M'ntchito zanga ndalephera;
Khululukireni.

4 Zonse ndinakonda kale
Ndi zopanda pake,
Sindikhuta nazotu;
Khululukireni.

348

1 Mema nkhondoyo, wadza mdaniyo,
Kweza mbendera ya Mbuye.
Bvala zidazo, imba nyimboyo,
Khazikikatu pa Mulungu.

*Haya, anzathu, itilinda nkhondo;
Limbikanitu, nkhondo nja Yesu.
Musafoke, m'thyole linga lawo;
Mbuye ndiye Wopambanayo.*

2 Mlungu mverani, mphamvu patseni,
Tithandizeni, tipempha.
Nkhondo itatha, titapambana,

Tidzalandiratu korona.

- 3 Mleke mdaniyo, mwimbe m'njiramo
Mpaka nkondoyo ileka.
Zida konzani, mantha tayani,
Pitikitsani adaniwo.

349

- 1 M'manda nagonamo
Yesu Ambuye,
Anadikiratu
Tsiku lija.

*M'manda naukamo
Napambana 'dani akewo;
Anauka kupambana imfayho,
ali moyo ndi oyera mtimawo.
Waukaka, wauka!
Alehuya, wauka!*

- 2 M'manda munalibe
Yesu Ambuye,
Nadikira chabe
Alondawo.

- 3 Imfa yalephera
Kumutsekera,
Anachotsa zonse
Zomzingazo.

350

- 1 Yendani, Mfumu yamtendere
Anthu akuimbirani;
Apfuuletu Hosana,
Agonjeranso athuwo.

*Yendanitu m'ulemudi,
Pulumutsani anthuwo.*

- 2 Yendani, Munthu Wachisoni,
M'mudzi wa Yerusalemu;
Angelo amapenya 'Nu
M'mene mwafera anthuwo.

- 3 Yendanitu, Wansembe wathu,
Mtanda wanu mwanyamula
Watisandukira dalo,
Watitengera moyowo.

- 4 Yendani mwaulemerero,
Akulindirani mphotho,
Moyo wanu wosatha
Watilonjezera moyo.

351

- 1 Kamwana Yesu 'nabadwa,
Ndi Iye Mlungu Wamphamvu;
Angelo anapembedza
Mwana wakhanda Iyeyu.

- 2 Kamwana kaja 'nayamba
Kuonetsera Atate,
Lero anena Kumwamba:
"Tiana tidze kwa Ine."

- 3 Tibwera ndi tianato
Kukabatiza 'menewa;
Muwachitire chifundo,
M'wapatse Mzimu Woyera.

- 4 Angelo anu asunga
Tiana tathu tofoka;
Pa njira yanu tiyenda,
Mulembe m'Mwamba maina.

- 5 Mukonda nyimbo za ana,
Kokoma amaimbatu;
Ndi ana athu atama
Atate, Mwana ndi Mzimu.

352

- 1 Yesu Mbuye, onani
Tadza poitana Inu;
M'dzina lanu tifika
Osekera kwa Atate;
Mkhale nafe Inu nokha
Tikaimba nkupemphera.
- 2 Mbuye, Mzimu Woyera
Munapatsa ana anu
Kukalonga mumtima
Mawu ndimo mvanu womwe;
Zinthu zonse pansi pano
Sizikondweretsa ife.
- 3 Mzimu, mlonge m'mtimamo
Maphunziro achifundo;
timve lero ndi mawa
Ndi masiku onse Yesu.
Ndimu m'Mwamba tidzaona
Tidazimva pansi pano.

353

- 1 Pemphero ndiko kufuna,
Kulakalakatu;
Ndi monga moto liyaka
Mumtima wa munthu.
- 2 Pemphero ndiko kulira,
Ngakhale misozi,
Kupenyetsetsa Kumwamba,
Mulungu mpafupi.
- 3 Pemphero ndiko kufuna
Kwa mwana wamng'ono;
Ndiponso mawu amphamvu
A munthu wamvanu.

4 Pemphero ndiwo mweyawo
Apuma akhristu;
Ndi mapemphero tilowa
Dziko la imfalo.

5 Mutiphunzotse, Mbuyathu,
Kupempha kotero,
Kuyandikira kwa Mlungu
Ndi mtima wabwino.

354

- 1 Ndisauka, ndinachimwa,
Koma Inu mnandifera,
Ndimu ndamva mund'itana;
Mwana Mlungu, ndingubwera.
- 2 Ndisauka, ndimasowa
Mphamvu ya kuyera m'mtima,
Mwazi wanu wanditsuka;
Mwana Mlungu, ndingubwera.
- 3 Ndisauka, sindikhoza
Kuiletsa nkhondo m'mtima,
Ndi chisoni, mantha, nkhwana;
Mwana Mlungu, ndingubwera.
- 4 Ndisauka, sindiona;
Ndingudwala, ndilefuka,
Zonse ndizitaya kwa 'Nu,
Mwana Mlungu, ndingubwera.
- 5 Inde, Yesu, mulandira,
Muchiritsa, mpulumutsa,
Mawu anu ndibvomera,
Mwana Mlungu, ndingubwera.
- 6 Inde, Yesu, mundikonda,
Zonse zina ndazitaya;
Tsono kukakhala wanu,
Mwana, Mlungu, ndingubwera.

355

1 Yesu, ndipemphera
Mndithangate
Kukonda Inutu,
E, kwambiri.
Koposa zonsezo
Za pansi panopo,
Ndikondane
Ndinu, Mbuye.

2 Kale ndinafuna
Za pansipa,
Tsopano ndilira
Inu nokha.
Ndifuna kukonda
Inu kopambana
Zinthu zonse
Za pansipa.

3 Inu ndidzatama
Nthawi zonse,
Imfa ikafika
Ndidzanena:
"Ndifuna kukonda
Inu, Mbuye wanga,
Kopambana
Zonse zanga."

356

1 Panalitu wakudwala
Amene anakhala
Pakhomo la sunagoge,
Kuti anthu ena
Amuone iye.

*Yenda iwe, yenda,
Yenda iwe, yenda,
Silva ndilibe;
Mwa Yesuyo, yenda!*

2 Kukondwa kwa wodwalayo
Kunali kopambana;
Iye anatumphatumpha,
Kuzungulira
Sunagoge yense.

3 Lero lino Mbuye Yesu
Aitana nonsenu;
Mukamvera ndi kumtsata,
Mudzakondwera
Ndi mdalitso wake.

357

1 Yesu watidzera, watidzera,
Way'tana anthu onse,
Udzimvere wekha.

*Alehuya, Alehuya!
Alehuya, Alehuya!
Udzimvere wekha.*

2 Kudziwa ukudziwa,
Kulibe zachisoni,
Udzimvere wekha.

3 Atumwi atummika, atumika,
Akulalika Yesu.
Udzimvere wekha.

4 Yesu Mpulumutsi, Mpulumutsi
Wa dziko lili lonse.
Udzimvere wekha.

5 Kumva ulikumva, ulikumva,
Ungonyalanyaza.
Udzimvere wekha.

6 Bwerani inu nonse, inu nonse,
Mudzalandire moyo.

Mudzimvere nokha.

358

- 1 Mudze kwa Yesu, musachedwe,
Kalata ilozera njira;
Amaitanatu tonsefe,
Bvomerani Iye.

*Tidzakondweradi m'Mwambamo
Posonkana komwe kuli 'Ye;
Tidzakhala naye komweko
Ku Dziko losafa.*

- 2 Lolani ana, mumve Mlungu,
Tsegulani mitima yanu,
Sankhani Iye, Bwenzi lanu;
Musachedwe, mudze.

- 3 Ganizansoni, ali pano,
Mthenga wake mverani lero;
Mawu okoma ati lero,
Musachedwe, mudze.

359

- 1 Mwa ine, moyo wanga ndi Yesu
(Yesu) Yemwe anafera ine,
Ndiye anandiwombola;
Yesu, Yesu.

- 2 Mwazi wake ndi chitsime changa,
(Yesu) Pamene ndikasambamo
Zochimwa zanga zidzatha;
Yesu, Yesu.

- 3 Yesu Mfumu, ine ndingadzafe
(Yesu) Ngati mundisiya ndekha,
Kukhala ndekha sinditha;
Yesu, Yesu.

- 4 Yesu Mfumu, ine ndisekere
(Yesu) Inu Mpulumutsi wanga
Pamene mukhala nane;
Yesu, Yesu.

360

- 1 Lekani kubvutika ndi zinthu za padziko,
Musekere kuti tidzaimbira Yesu.

*Imbira!
Timwimbire Yesu,
Mpulumutsi wathu!
Imbira!
Timwimbire Yesu,
Tonse tidzakondwera.*

- 2 Musadziunjikire chuma cha padziko,
Dzimbiri ndi njenjete zimachiwononga.

- 3 Koma mudzisungire chuma cha
Kumwamba
Kumene anapita Mtsogoleri wanu.

- 4 Aliponso adani am'kati ndi akunja;
Yesu watisekera, tidzakuimbitani.

- 5 Aliponso mabvuto, ena ndi oipa;
Yesu mutimasule kwa adani athu.

361

- 1 Ndine Mbusayo wabwino,
Ndinafera nkhosazo;
Yotayika ndaifuna,
Mpaka ndataya moyo.

*Mbulu wanding'amba m'nthiti,
Wanding'ambanso m'manja,
Wanding'ambira zobvala,
Ndatsala waumphamwi.*

2 Nkhosa zanga zimandimva
Ndikaziitanazo;
Ndimazipatsa moyowo,
Atate nazisunga.

3 Atate wondipatsazo,
Ali nazo mphamvutu
Kuzidyetsa, kuzisunga;
Palibe wolandazo.

4 Musaone zobvalazo,
M'kati ali fisiyo;
Musanyengedwa anthuni,
Ine ndine Mbusayo.

5 Tamverani anthu inu,
Ine ndine Mbusayo;
ndine Njira, ndine Khomo,
Thawani mimbuluyo.

362

1 Chiyembekezo changacho
Chamangidwa pa mwaziwo;
Sindikhlupira pena,
Ndingotsamira pa Yesu.

*Ndaima nji pa Kristuyo,
Ndiye Chinthathwe cholimba,
Maziko ena mpa mchenga.*

2 Nkhope yake 'kabisika,
Ndipuma m'chisomo chake;
M'namondwe ndi mphepo zonse,
Nangula wanga ali nji!

3 Pangano lake m'mwaziwo
Lindisunga m'chigumula;
Zondizinga zikachoka,
Yesu ndiye Thathwe langa.

4 Likalira llipengalo,
Ndipezeke mwa Yesuyo
Wobvededwa, wolungama,
Wopanda banga konseko.

363

1 Tiyamike Mbuye Yesu
Yemwe anatifera
Imfa ija yoopsetsa
Kuwombola tonsefe.

*IFE, tapulumukadi,
IFE, tapulumukadi,
IMFA, imfa yoopsa ija ya pamtanda,
IMFA, imfa yoopsa ija yapamtanda.*

2 Panalibe mwa abale
Yemwe akadakhocha
Kupereka moyo wake
Kuwombola tonsefe.

3 Tikondwera ife tonse
Pakuona ntchitoyo
Anachita Mbuye Yesu
Kuwombola tonsefe.

364

1 Mzimu ndi mtsogoleri
M'njira yachikristuyo,
Atitsogoleratu
Paulendo wathuwu.
M'yoyo ikondweratu
Pomva mawu akewo,
Pakunena Mzimuyo,
"Osokera, bwerani."

2 Bwenzi lathu ndinutu,
Mkhale m'fupi nafetu;
Msatsiye tokha 'fe

Pakuyenda m'mdimamu;
pakuwomba mphepozo
Timaopa m'mtimamo,
Tsono timve mawuwo:
"Amantha 'nu, bwerani."

366

1 Mverani mbiri yozizwitsa
Ya Yesuyo kalelo;
Iyeyo 'nandza pansi pano
Kutipulumutsa 'fe.

*Ndani anatiwombola?
Mwana wa Mulungu pa mtanda,
Anatani?
Anafera.
Ali kuti?
Akhaladi m'Mwamba
kutipempherera.*

3 M'mene ntchito yathatu,
M'mene tidikira 'Nu,
pakukhumba m'Mwambamo,
Tsono tipempherabe.
Nthawi ya mabvutowo
Tikhulupirira 'Nu,
Tsono timve mawuwo,
"Okondedwa, bwerani."

2 Palibe mmodzi akanatha
Kulowa m'malo mwake;
Ngakhale anali wamkulu
'Nasiyidwa namnyoza.

365

1 Maso ndi mason di Kristu,
Kodi mndidzachitanji
M'mene ndidzaona Yesu,
Yemwe anandifera?

*Ndidzamwona maso ndi maso
Kuseri kwa mitambo;
Posachedwa ndidzamwona
M'ulemerero wake!*

2 Tsopano ndimwona Iye
Mwa chizimezimetu;
Tsiku lija ndidzaona
Ulemerero wake.

3 M'mene masautso onse,
Nthenda, infa zidzatha,
Dziko likadakonzedwa,
ndidakondwa koposa.

4 Lodala tsiku lomwelo
Ndidzamwona Yesuyo,
Mpulumutsi wanga yemwe
Anandikonda ine.

3 Kodi mudzampembedza Mbuye
Mpulumutsi wathuyo?
Kodi inu mudzalowamo
Mu Ufumu wakewo?

367

1 Ufuna kuwomboledwa kodi?
Ilipo mphamvu m'mwazi wake;
Ufuna kugonjetsa zoipa?
Muli mphamvu m'mwazi wake.

*Muli mphamvu yodabwitsatu
M'mwazi wa Yesuyo.
Muli mphamvu yodabwitsatu
M'mwazi wa Mwana wankhosa.*

2 Ufuna kuleka kunyadako?
Ilipo mphamvu m'mwazi wake;
Idzatu pa mtanda nutsukidwe,
Muli mphamvu m'mwazi wake.

3 Ufuna kuyera kopambana?
 Ilipo mphamvu m'mwazi wake;
 Zoipa zonse adzayeretsa,
 Muli mphamvu m'mwazi wake.

4 Ufuna kugwira ntchito yake?
 Ilipo mphamvu m'mwazi wake;
 Ufuna kumuimbira Iye?
 Muli mphamvu m'mwazi wake.

368

1 Mpulumutsi Wokondedwa,
 Mwandipulumitsa ine;
 Ndine wanu, wanu nokha,
 Wotsukidwa m'mwaziwo.
*Aleluya, Aleluya,
 Mwanawankhosa ndinutu;
 Mwazi wanu wanditsuka,
 Aleluya kwa Yesu.*

2 Mtima wanga wabvutika,
 Zaka zonse ndangochimwa;
 Tsono sindikangalika,
 ndingopuma mwa Yesu.

3 Mwandipatulira ine,
 Kwa Inu ndidzipereka,
 M'moyo, m'imfa mboni yanu
 Ya chipulumutsocho.

4 Aleluya, mwandigula,
 Ndipo mudzandisungabe;
 Mwazi wanu ndi wamphamvu
 Kuyeretsa konseko.

369

1 Mlendo ali pakhomo,
 Mlowetseni (*mlowetsenitu*),
 Wadza kalekalelo,

Mlowetseni (*mlowetsenutu*);
 Mtsegulire msangatu,
 Wakuyayerayo,
 Mwana wa Mulunguyo,
 Mlowetseni (*mlowetsenitu*).

2 Utsegule mtimawo,
 Mlowetseni (*mlowetsenitu*),
 Ukachedwa achoka,
 Mlowetseni (*mlowetsenitu*),
 Ndiye Bwenzi lakolo,
 'Dzakupulumutsa 'we;
 'Dzakupulumutsa 'we;
 Mlowetseni (*mlowetsenitu*).

3 Imva mawu akewo,
 Mlowetseni (*mlowetsenitu*),
 Sankha Iye leroli,
 Mlowetseni (*mlowetsenitu*),
 Wangoima pa khomo,
 'Dzakupangalatsa 'we,
 Udzamlemekezatu,
 Mlowetseni (*mlowetsenitu*).

4 Mlendo wa Kumwambayo
 Mlowetseni (*mlowetsenitu*),
 'Dzakupatsa zonsezo,
 Mlowetseni (*mlowetsenitu*),
 'Dzakhululukira 'we,
 Ndipo potsirizapo
 'Dzakutenga m'Mwambamo,
 Mlowetseni (*mlowetsenitu*).

370

1 Ndipereka zanga zonse
 Mwaufulu kwa Yesu;
 Ndidzamkonda kopambana,
 Tsiku lili lonsetu.

Ndiperekatu

Zonse kwa Yesu;

Ndipereka zonse kwa 'Nu,

Dalitseni.

Adzandipyoletsa pamene ndafoka;

Ndipo dziko lapansi sindiyesa kwathu.

2 Ndipereka zanga zonse

Pamapazi a Yesu;

Zapadziko ndazikana,

Nditengeni Yesu 'Nu.

3 Mayi watsogola ku Ulemerero,

Ndifuna kugwira dzanja lake konko,

Andidikiranso pakhomo la'Mwamba;

Ndipo dziko lapansi sindiyesa kwathu.

3 Ndipereka zanga zonse,

Ndipo n'khale wanutu;

Mzimu wanu 'ndidziwitse

Kuti ndine wanudi.

4 Mu ulemerero tidzakhala m'yaya,

Oyera mtimawo ali kulamira;

Ati, "Aleluya kwa Mlungu

Wamphamvu."

Ndipo dziko lapansi sindiyesa kwathu.

4 Ndipereka zanga zonse,

Ndili wanu ndense 'ne;

Nditamanda Dzina lanu,

Aleluya, Ambuye.

372

1 Chisomo chodabwitsacho

Chapulumutsa 'ne,

Woipa wopambanatu;

Ndapeza moyo 'ne.

371

1 Kwathu sipadziko, ndingopitirira,

Ndadzikundikira chuma

Kumwambako;

Mngelo akodola pakhomo la

m'mwamba;

Ndipo dziko lapansi sindiyesa

kwathu.

2 Chisomocho chachotsadi

Mantha a imfayo

Pakukhulupirira 'Ye,

Ambuye Yesuyo.

Mbuye ndinu bwenzi langa ndithu,

Ndichitenji ngati Kumwamba
sikwathu?

Mngelo akodola pakhomo la
m'Mwamba,

Ndipo dziko lapansi sindiyesa
kwathu.

3 Chisomo chandisungadi

Panjira yangayo,

Chisomo chidzasunga 'ne

Mpakatu kwathuko.

2 Andiyembekeza, chinthuchi

ndidziwa,

Mpulumutsi wanga wandikhulukira;

4 Kwathu ndidzaimba nyimbo

Ya chisomo chake,

Yolemekeza Mlunguyo

Kunthawi zosatha.

373

1 Chitetezo chachikulu
 Chotuluka m'mwaziwo
 Wa Ambuye Yesu Kristu
 Mpulumutsi wathuyo.
 Mpulumutsi, chitetezo
 Chihezeka m'mwaziwo.

2 Ndi chimwemwe ndimaona
 Mtsinjewo wa mphamvutu;
 Zonditsutsa zachotsedwa,
 Yesu wanditsuka mbuu!
 Mpulumutsi, chitetezo
 Chindisangalatsatu.

3 Tchimo lonse ligonjera
 Chikondicho cha Yesu,
 Maganizo 'yeretsedwa;
 ndingofuna zakezo.
 Mpulumutsi, chitetezo
 Chagonjetsa mtimawu.

4 Ndili nawo moyo w'satha
 Wochuluka mwa Yesu,
 Mzimuyo wadzaza mtima
 Ndi chimwemwe chakecho.
 Mpulumutsi, chitetezo,
 Chiyanjano chomwenso.

5 Mantha, nkhwana, ndi chisoni
 Zochotsedwa zonsezo;
 Mbuyeyo ndimkhulupira,
 Anditsogoleratu.
 Mpulumutsi, chitetezo
 Ndimkonda Yesuyo.

374

1 Ambiri tikondwera mwa Yesu,
 Nanga inu? Nanga inu?

Tapeza chipulumutso ndithu;
 Nanga inu? Nanga inu?

*Masiku onse timakondwera
 Pakumva Mawu ake a Yesu;
 Wolalikira tidzamumvera;
 Nanga inu? Nanga inu?*

2 Ife tiyembekezera Yesu,
 Nanga inu? Nanga inu?
 Chimwemwecho chili mumtimamu;
 Nanga inu?

3 Titasokera tinabwerera,
 Nanga inu? Nanga inu?
 Tadziwa kuti ndiwo uchimo;
 Nanga inu?

4 Tinachoka munjira ya imfa,
 Nanga inu? Nanga inu?
 Takepeka ndi Mawu a Yesu;
 Nanga inu?

DZIKO NDI BOMA

375

1 Mbuye dalitsani Afrika,
 Itukulidwa nyanga yake;
 Mverani mapemphero athu,
 Ndipo mtidalitse ife ana anu.

*Mbwere Mzimu,
 Mbwere Mzimu, mbwere!
 Mbwere Mzimu,
 Mbwere Mzimu, mbwere!
 Mbwere Mzimu
 Woyera, Woyera,
 Mbuye, dalitsani
 Ife ana anu.*

2 Dalitsani mafumu athu,
Akumbukire Mlengi wawo;
Aope ndi kunjenjemera,
Ndipo m'wadalitse iwo ana anu.

3 Dalitsani mafuko onse,
Aweruze bwino maiko;
Adzichepetse ndi kuopa,
Ndipo mtidalitse tonse ana anu.

376

1 Mlungu dalitsani Malawi,
Mumsunge m'mtendere;
Gonjetsani adani onse,
Njala, nthenda, nsanje;
Luzitsani mitima yathu
Kuti tisaope,
Mdalitse Mtsogoleri, nafe,
Ndi Mayi Malawi.

2 Malawi dziko lokongola,
La chonde ndi ufulu,
Nyanja ndi mphepo ya m'mapiri,
Ndithudi tadala;
Zigwa, mapiri, nthaka, dzinthu,
Mphatso zaulere;
Nkhalango, madambo abwino,
Ngwokoma Malawi.

3 O! ufulu tigwirizane
Kukweza Malawi;
Ndi chikondi, khama kumvera,
Timutumikire;
Pa nkondo nkana pa mtendere
Cholinga n'chimodzi,
Mayi, Bambo, tidzipereke
Pokweza Malawi.

CHIONJEZERO

377

1 Anthu m'maiko onse
Akhala mitundu;
Kapena m'dziko lino
Akhala anzathu;
Agona mwa zoipa,
Apulukiradi,
Ati, Mutilangize
Abale, bwerani.

2 Ngakhale alemera
Ndi chuma cha dziko,
Kodi akakondwera
Opanda Mulungu?
Kodi akhala mwawi
Otsata zawozo?
Iyay', awonongeka,
Apeza tsokalo.

3 Ndi ife akudziwa
Chikondi cha Mlungu,
Kodi tidzawamana
Kuwala kwa Ktistu?
Chipulumutso! Inde,
Tichibukitsetu,
Kuti mitundu yonse
Ibwere kwa Yesu.

4 Akhristu nyamulani
Maneno a Mulungu,
Ndi moyo lalikani
Pa dziko lonselo;
Ndi Yesu Mpulumutsi
Anatiferatu;
Adzabvomera onse:
Ndi Mwana wa Mlungu

378

1 Padziko pano tikhalira
 M'moyo wosauka;
 Komatu kwa Mulungu kuli
 Dziko lakudala;
 mbuyathu Yesu wapitako,
 Iy 'natsogola;
 Tidzamtatira ife tonse,
 Tsiku lomaliza.

*Tiyeni, tiyeni,
 Ku dziko lakudala;
 Tidzafikara m'dziko ilo
 Tsiku lomaliza.*

2 Masiku tikatsala ife
 M'dziko mwathu momwe
 Mulungu watipatsa ntchito,
 Tikazigwiritse.
 Pamene zakuipa zathu
 Zisautsa ife,
 Tikapemphera Mbuye wathu
 Atipulumutse.

3 Ulendo wathu ukadzatha
 Tidzafika kwathu,
 Adzatifikitsa ife komwe
 Yesu Mbuye wathu.
 Sitidzapeza masautso
 M'dziko la Mulungu,
 Tidzakondwera chindwere
 Nthawi zonse zathu.

379

1 Pozunzidwa inu ponseponsepo
 Ndi kufoka m'mtima nazo zonsezo,
 Werengani madalitso anuwo
 Ndimu mudzazizwa potsirizapo.
 Werengani madalitsotu
 Anakupatsani Mlungudi.

Werengani lina linanso,
 Ndimu mudzazizwa
 potsirizapo.

2 Kodi mubvutidwa naye katundu?
 Ngwolempera mtanda muusenzatu?
 Werengani madalitso anuwo,
 Ndimu mudzimba dzuwa lonse.
 3 Poyang'ana ena ndi ndalamatu,
 Ganizani kuti Mbuye wanudi
 Adzakupatsani zake zonsezo,
 Chosagula chuma chanu chonsecho.

380

1 Yesu Mbuyetu, mwafera
 Mphulupulu zanga,
 Ndimu ndamva mund'itana
 Mutitu, Msachedwa.
 2 Zonse za m'dziko zidzatha,
 Koma za moyo m'Mwamba
 Zomwe zidzakhalitsatu,
 Chakatu ndi chaka.

3 Nyengo ifika, chenjera!
 Adzakukana m'Mwamba.
 Lapa zoipa zakozo,
 Kuti ukalowwe.

381

1 Tamandani Mbuye,
 Inu atate,
 Mpatse Yesu mitima yanu.
 2 Tamandani Mbuye,
 Inu mafumu,
 Mpatse Yesu mitima yanu.
 3 Tamandani mbuye,
 Inu abale,

Mpatse Yesu mitima yanu.

Mtima wanga mudziwa,
M'ndiphunzitse kukonda.

4 Tamandani Mbuye,
Inu nonsetu,
Mpatse Yesu mitima yanu.

5 Tamandani Mbuye,
Mipingo yonse,
Aleluya, Aleluya!

382

1 Mvera mtima wanga 'we
Akufunsa Ambuye:
"Wosauka wa'mphawi,
Kodi undikondadi?"

2 "Ndakupeza womanga,
Ndamasula zinsinga,
Ndakulonda kutali,
Kodi undikondadi?"

3 "Akaleka amake
Kusungira mwanake
Ine sin'kuleka 'yi,
Kodi undikondadi?"

4 "Ndakukonda ku imfa
ndi chikondi chosatha,
Kwaulere, kwambiri,
Kodi undikondadi?"

5 "Msanga ndidzabweratu,
Udzaona ulemu,
Udzakhala ndi Ine,
Kodi undikondadi?"

6 Mbuye ndisaukadi,
Chimachepa chikondi,

383

1 Mbuye mtsitsimutse
Ntchito zonse zanu!
Utsani anthu akufa,
Ndi mawi a mphamvu.

2 Mbuye mtsitsimutse
Ntchito zonse zanu!
Tauzarani pa ife
Ndi mweya wa Mzimu.

3 Mbuye mtsitsimutse
ntchito m'mitimamo!
Mumvetse njala kwa Inu
Mutikhutitsenso.

4 Mbuye mtsitsimutse
Nchito m'kati mwa 'nthu!
Chikondi chawo chikule,
Muchikolezetu.

5 Mbuye mtsitsimutse!
Mawu alimbike,
Pamene aphunzitsidwa
Onsewa amvere!

6 Mbuye mtsitsimutse!
Mzimu adzazetu!
Kwa ife 'dzakhala mwayi,
Kwa Inu ulemu.

384

Chikhulupiriro chathu
Tatchulachi pakamwapo,
Mulungu athandize 'fe
Chikhale cha mumtimamo.